


F. 35.



D. IODOCI CLICHTOVÆI,
DE VITA ET
MORIBVS SACER-
DOTVM LIBELLVS
 AVREVS.

Auctior nunc recusis iussu & impensis,
Illustr. mi. atq; Reuer. mi. D. D.
MARTINI SZYSZKO-
WSKI, Episcopi Plo-
censis.

Luce 10.

Curam illius habe, & quodcumq; su-
 pererogaueris, ego cum rediero
 reddam tibi.

Cum Gratia & Priuilegio. S. R. M.

CRACOVIE,
 Ex Officina Nicolai Lobij, Anno Dñi.

1608.

*Legatus A. D. Leopoldi Bivarchi Dux
 et Pleb. Opatorowen W. Camal. Dubni
 aremi monachi aggelini*



Num. 16.

*Audite filij Levi. Num parum vobis
est, quod separavit vos Deus Israël ab
omni populo, & iunxit sibi, ut servire-
tis ei in cultu tabernaculi, & staretis
coram frequentia populi & ministra-
retis ei?*

ILLVSTRISSIMO

atq; Reuerendissimo D.

Dño MARTINO SZYSZKOVSKI,

DEI & Apostolicæ Sedis gratia,

Episcopo Plocensi, Domino

suo obseruandissimo.

QVanto studio, quanta
vigilantia, quàm ardenti
Animarum zelo & deside-
rio, per breue illud trium-
añorum tempus, Illustris-
sime atq; Reuerendissime
Domine, Luceoriensem
administraueris Episcopa-
tum, Institutionum pro
Congregationibus Deca-
nali-

nalibus conscriptio, Ecclesiarum diligens instituta & peracta visitatio, Fratrum Ordinis S. Francisci Minorum de Obseruantia Brestium, Conuentualium Cremencium, Societatis nostræ Luceoriam, in laboris partem introductio, Diœcesanæ Synodi celebratio, deniq; Catechisticæ Doctrinæ ad singulos, maximè Parochos directio, testantur prædicantq; luculentissimè.

Hoc

Dedicatoria.

Hoc diuino accensus igne, & æstu correptus sancto, DEI, & Apostolicæ Sedis, nec non S. R. M. in te gratia & clementia, ad Episcopatum Plocensem tanquam ad maiorem & feraciorem translatus vineam, voluisti vt Iodoci Clichtouæi Parisiensis olim Doctoris de vita & moribus Sacerdotum excellenter sanè conscriptus libellus in vsum Cleri tui auctior recuderetur.

Quod

Quod cùm factum iam
fit, ecce ad Illustrissimam
T. D. Cliens hic venit hu-
millimè supplicans, vt e-
um Reuerendissima T. D.
pro singulari sua, qua om-
nes complectitur hospita-
litate, & in Aulam suam,
tanquam nouum hospitē
admittere: & omnibus ac
singulis maximè curant
Animarum agentibus Sa-
cerdotibus commendare
dignetur, quo liberiùs &
confidentiùs eorum Paro-
chias

Dedica:

chias & Bibliothecas intrare, atq; adeò in eorum sese manus, sinus, & intimos etiam animi sensus insinuare, & illabi possit. quo facto vberrimos sanè hospitij sui fructus recepturos se non dubitent.

Clementissimus DEus
Illustrissimam atq; Reuerendissimam T. D. ad diuini nominis sui gloriam,
Ecclesiæ augmētum, Reipub. solatium, & Societatis nostræ præsidium,
cum

cum omni bonorum in-
cremēto conseruare con-
firmareq; dignetur in an-
nos plurimos.

*Illustrissima atq; Reueren-
dissima tua Dominationis*

Humilis in Christo seruus

Georgius Fredlerus.

BREVIS AVTHORIS

præfatio, qua candido lectori maximè
Clerico cupit suum opusculum
esse commendatum.

IN Georgicis Virgilius Latinorū poetarū facile Princeps, nimium fortunatos dicit agricolas bona si sua norint, lector candidissime: quod sine armorum strepitu mediocrem agentes vitam facile ex terra victum capiant suis contenti rebus, & urbium delicijs, Cererisq; vicijs minimè corrupti. Ego verò multo magis fortunatos asserere ausim sacerdotes, si suam noverint dignitatem, ordinisq; sui excellentiam: qui propemodum diuinum & cæleste sortiti sunt supernæ miserationis indultu ministerium, offerendi Deo augustissimum, & omnium maximè salutare sacrificium: quod item potestatem acceperint soluendi, ligandiq; peccata hominum in terris, eo quidem iudicio quod & Deus approbat in cælis: quod deniq; administrandorum in salutem & medellam animarum auctoritatem habeant sacramentorum, quorum dispensatio ipsis à Deo est credita.

Educunt quidē agricolæ panē de terra & vinū vt lætificet cor hominis, cū tellurem incuruo proscindunt aratro, & vineam magna sedulitate repastinant atque putant. Sed hæc corpori tantum humano suppeditant alimenta moribundo sanè & paulo post in cinerem cōverten-

do,

do. Sacerdotes verò verbis sanctè imprecatorijs atque consecratorijs panem supersubstantialem & cælestem conficiunt, qui de cælo descendit, vt daret vitam mundo: quem quicunque dignè manducauerit, mortem non gustabit in æternum. Calicem etiam sanctum inebriantem bibentes diuino amore & præclarum consecrât: cuius sacro haustu animæ reficiuntur.

Rursum agricolæ equos, boues, asinos ligant ad præsepia, atque soluunt cùm ad opus exercendum eos educunt in agros. Sacerdotes autem diabolicis implicatos laqueis homines mira Dei virtute dissolunt, & liberos restitunt Ecclesiæ. Rebelles verò, proteruos & contumaces, duro anathematis vinculo arctius adstringunt & alligant.

Deniq; Agricolaæ sua exercent munia, quæ ad excolēdos agros, conferendas arbores, vitæscue parandas attinent. At sacerdotes sanctissima fidelibus sacramenta ministrant, quibus aut regenerantur in Christo, aut reconciliantur Ecclesiæ, aut contra dæmonum insultus, ac insidias muniuntur. Neque abs re agricolis sacerdotes in præsentia conféro, etsi dignitate status longè superiores. Nam & ipsi spirituales sunt agricolæ diuini verbi semen inferentes mentibus hominum, eaq; ad proferendum iustitiæ fructum pio labore excolentes. Idem quoque continuè laborant in vinea domini, atque vt vuas illa producat non labruseas, sanctum studium perui Giles impendunt. Et meritò quidem

fortu,

Præfatio.

fortunatos dixerim sacerdotes, si suam attentius nouerint dignitatem, & sua quibus à Deo donati bona: quoniam ea potissimum ratione adducentur ad seruandam accuratius vitæ honestatem, & eos mores amplectendos: qui tantæ gradus sublimitati dedecus & ignominiam non ingerant. Vbi enim diligenter animaduertent quam insignis & ardua est ordinis sacerdotalis professio, quam augustum est & sublime illius sortis Ecclesiasticæ officium, nemo eorum (ut ideo) non studebit eam capessere vitæ formam, quæ deceat tantam vocationem.

Quinimò coniectare cuilibet non est difficile tam probrosa malorum genera & graua peccata in sacerdotum vita irrepsisse: eam potissimum ob causam, quod suæ dignitatis non habent rationem: neque quanta sit sui gradus ac ordinis celsitudo atque magnitudo, satis pensulatur apud se expendunt atque considerant.

Quocirca non inutilem fecisse rem videbimur aut instructuosam, quod compediario hoc opusculo de vita & moribus sacerdotum disleramus, patefactaque officij ipsorum eminentia atque præstabilitate, quam agere debeant vitam, & quibus effulgere virtutibus ex sanctæ scripturæ sacrorumque authorum testimonio, dilucidemus. Quam quidem elucubratiunculam omnibus & singulis maximè verò curam Animarum gerentibus commendatam esse cuperem, ut huiusce libelli lectione sacerdotes,

Praefatio.

deinde in vniuersum omnes, suam cognoscant sortem, & virtutem studiosius colant. Memores istius grauissimæ Paulinæ sententiæ. *1. Pet. 5.*

Pascite qui in vobis est gregem *DEI*, prouidentes non coactè: sed spontaneè secundum *DEVM*, neque turpis lucri gratia, sed voluntariè, neque vt dominantes in cleris, sed formæ facti gregi ex animo. Et cum apparuerit Princeps Pastorum percipietis immarcescibilem gloria coronam. Amen.



INDEX PRÆ- SENTIS OPVSCVLI,

secundum ordinem, inscriptio-
nem, & materiam capitum
digestus.

Sacerdotij antiquitatem ab ipso
mundi exordio deductam, magnum
dignitatis illius esse argumentū c. 1.

Sacerdotium cum regia potestate ma-
gnam habere cognationem, imò maiorem
illa sibi vindicare dignitatem. cap. 2.

Magno semper in precio apud anti-
quos habitam esse sacerdotij functionem,
& multis privilegijs ab illis dotatam fu-
isse. cap. 3.

Quod Deus honorari sacerdotes præ-
ceperit, & in illorum contemptores acer-
ba punitione animaduerti. cap. 4.

Quòd magna est sacerdotum dignitas
ob potestatem consecrandi verum Christi
Corpus, ipsis à Deo traditam. cap. 5.

Quanta virtutis & efficacia sit sa-
cratissima hostia qua per noua legis sacer-

A

dotes

INDEX.

dotes in altaris sacrificio offertur. c. 6.

Ex potestate ligandi atq; soluendi sacerdotibus indulta, administrandorumq; sacramentorum magnam ipsorum convinci dignitatem. cap. 7.

Sacerdotem omnem scientia rerum sacrarum ornatum esse debere, & salutari doctrina, ad sui ministerij functionē. c. 8.

Sanctitatem & vitæ probitatem etiam in sacerdote summopere requiri, ad offerendum Deo gratum sacrificium. c. 9.

Profunda humilitate, suiq; ad diuinam maiestatem exinanitione opus esse sacerdoti ad offerendū altaris sacrificiū. c. 10.

Ex consideratione benignitatis & humanitatis Christi, sacerdotem debere fiduciam concipere offerendi Deo altaris sacrificium. cap. 11.

Quam timenda sit indigna huius ministerij executio, & quanta gratia exuberantia rectē ipsum exercentibus conferatur. cap. 12

In offerendo altaris sacrificio, rectam intentionem, debitam ad omnia attentionem, & reuerentiam in Deum seruari debere

INDEX.

debere.

cap. 13.

In legendis horis canonicis, & diuino officio celebrando, magnam deuotionem sacerdotibus adhibendam esse. cap. 14

Quod humilitate adornatus esse debeat sacerdos, qua omnem ambitionem & gloria appetentiam à se repellat. cap. 15.

Liberalitati exercenda intentum debere esse sacerdotem, & ab omni auaritia cupiditateq; pecunia sibi cauere. cap. 16.

Abstinentiam & sobrietatem in sacerdote maximè requiri, cum sacra tempore conuiuij lectione, & conuersationis cum laicis deuotione. cap. 17.

Ieiunium non solum Ecclesiastico instituto, sed etiam diuino precepto atq; iure esse ordinatum: & ita homines ad id obligari. cap. 18.

Ociositatem Sacerdotibus summopere fugiendam esse, & negligentiam circa suos dirigendos, simul & ludorum inhonestatem. cap. 19.

Castitatem & vitæ continentiam à sacerdotibus obseruari debere, ex sacra scriptura & sanctionum canonicarum te-

INDEX.

stimonio.

cap. 20.

Quòd vita incontinentia in sacerdotibus, est voti transgressio, à qua solus Episcopus aut eius vices gerens potest eos absolvere.

cap. 21.

Simplicè fornicationē esse peccatū mortale, in solutis ex multis & veteris & noui testamenti locis conuincitur.

cap. 22.

Parsimoniam in victu, cuitationemq; ocij simul & familiariatis cum mulieribus, multum conferre ad Sacerdotū continentiam seruandam.

cap. 23.

Exhortatio ad sacerdotes, omnium iā dictorum, summam, more epilogi complectens, vt pro sua dignitate viuant.

c. 24.


HIS ADDITA SVNT IN
fine.

1. Meditationes de dignitate Sacerdotum, in singulas hebdomadæ ferias distributæ.
2. Speculum Sacerdotum.
3. Alphabetum Sacerdotum.
4. Oratio à Sacerdote singulis diebus recitanda.

Ad titum

Ad Titum 2.

IN omnibus teipsum
præbe exemplum bo-
norum operum, in Do-
ctrina, in Integritate, in
grauitate verbum sa-
num, irreprehensibile,
vt is qui ex aduerso est
vereatur, nihil habens
malum dicere de
nobis.



SACER-

SACERDOTII ANTI-

quitatem, ab ipso mundi exordio deductam, magnum dignitatis illius esse argumentum.

CAPVT I.

Sacerdotis definitio.



Natura homini indidit religionis cultū

Sacerdos ab authoribus definitur is esse, qui Deo ad sacrificia facienda peculiariter dicatus est: & sacerdotium ipsius sacerdotis esse munus atque officium. Nulla siquidem fuit unquam gens tam effera, immanis, aut barbara, quæ Deum aliquem habendum nescierit, & certò ritu colendum, tametsi à Dei veri agnitione & puro eius cultu, in varios acti errores permulti fuerint alieni. Et certè natura ipsa videtur omnibus hominibus hunc religionis & pietatis in Deum instinctum tacitè indidisse: quo etiam apud extremos Garamantas & Trogloditas degentes: suo (quisquis is fuerit) Deo cultum cum veneratione exhibendum

dum putauerint. Quinimmo ab ipso summo rerum authore hanc ad religionem animorum propensionem insitam fuisse cunctis, haud ab re credi & dici potest. Vt quoniam à se nequaquam subsistere aut bona percipere se ipsos naturæ ductu noverunt: superiorem quandam naturam excellentioremq; esse autumauerunt: à qua & subsistentiam & bonorum communicationem susci- perent: quam communi quadam ratione Deum nuncupauerunt.

Proinde & legumlatores omnes studiosè id populo persuadendum putarunt: pietatem in Deum habendam esse, & venerationem debitam illi impendendam. Et qua ratione ea fieri debeat, quoué ritu diligenter explicuerunt, ita vt nulla vnquam legatur Respublica, neq; Barbarorum, neq; Græcorum, neq; Romanorum cultus vtcumq; Deo (vni aut pluribus) offerédi expers.

Sanè Aristoteles in sexto Politi- *Aristo-*

*teles sua
sit Deo-
rū cultū*

*Cicero.
suasit
Dei cul-
tum.*

*Gentiles
non quol-
uis ad-
miserunt
ad sacer-
dorum.*

corum libro illi suffragatur sententia, dicens. Oportet in Ciuitate aliquos esse curam Deorum habentes scilicet sacerdotes. Astipulatur eidem Cicero his verbis. Sublata (inquit) pietate in Deum ac religione, fides & societas generis humani, & vna excellentissima virtus iustitia tollatur: perturbatioq; vita & maxima confusio sequatur necesse est. Atqui diuina maiestate indignū putarunt, solo rationis magisterio edocti, cuiusvis generis aut nationis homines, omnes passim admitti & promiscuē ad hanc sacrorum curam prouinciamq; gerendam. Abiectos enim & sordidos, infimā uē fortis & nullius precij viros iudicarunt nequaquam asciscendos ad sacrificia Deo offerenda. Quòd id ministerium vt omnium eminentissimum & honoratissimum putarint non nisi à præclaris & eruditione virtuteq; præstantibus viris explendum, ad hoc peculiari quodam delectu vocatis & designatis, idcirco apud omnes ter-

nes terræ nationes semper fuisse leguntur, à reliqua turba secreti & honoratiore habitati loco : qui munus illud sacra Deo offerendi obirent, & alijs positis negotijs peculiariter diuino cultui exercēdo vacarēt. Et nos insigne id officiū sortitos, atq; à vulgo & cæteris ciuile habentibus administrationē segregatos, sacerdotes vocabant, quod sacrificijs diuino numini faciendis intenti forent. Ex quibus omnibus conijcitur magnā fuisse olim sacerdotū dignitatē, publico omniū cōsensu atq; opinione. Taceo quod apud omnes gentes, regiones, & populos sēper eorū fuerit constitutio primas ferē & præcipuas in Republica partes obtinentiū, aut saltem post reges proximum in ciuitate locum occupantium, sine quibus & manca ciuitas, & mutila Respublica nequaquam ex suis partibus integrē coalesceret.

Cæterum prætermisiss alijs nationibus & populis qui cæco errore abducti plures coluere Deos : & cæ

Probatur
ex Veteri
testamen
to sacer-

glorij an-
tiquitas.

Gen. 8.

1.
Sacerdoti
um ince-
pit ab A-
bel

Gen. 4.

2.
ab Enoch

3.
A Noë.

Gen. 41.

4.
A Melchi-
fedech.

cutientes abierunt post vanitates & insanias falsas, operæ precium est ostendere in eo populo qui vnus & veri Dei cultor fuit magnam inueniri ipsius Sacerdotij antiquitatem, vt quod ab ipso mundi initio cœperit exordium: & ad finem vsq; seculi est permansurum.

Certè in ipsis humanæ propaginis foribus Abel iustus sacerdotij obuiuit munus, & respexit Dominus ad ipsum & ad munera eius. Sed & Enoc Filius Seth, qui (vt ait scriptura) cœpit inuocare nomen Domini, nonne Sacerdotio functus est? Noë quoq; post subductas diluuij aquas construxit altare Deo, obtulitq; holocausta super illud & odoratus est Dominus odorem suauitatis. Insuper ipsi Abraham à cæde regum reuertenti occurrit Melchisedech rex Salem, obtulitq; panem & vinum in sacrificium Deo, erat enim sacerdos Dei altissimi, & benedixit Abraham. Et vt paucis agam:

Sancti

Sacerdotum.

6

5.

A Patriar-
chis.

Exo. 28.

6.

A tribu
Leui.

Num. 4.

Heb. 5.

7.
A Chri-
sto.

Sancti illi Patriarchæ Abraham, Isa-
ac, & Iacob Sacerdotali munere sūt
perfuncti, & eorum filij præsertim
primogeniti, quod vsq; ad tempo-
ra legis Mosaicæ à sacris authoribus
censetur sacerdotium primogenitu-
ræ semper fuisse annexum. At verò
data lege à Domino in vertice mon-
tis Sinæ constitutum est diuina or-
dinatione vt sacerdotiū Leuiticum
ab ipso Aaron inchoaretur, & vsque
ad salutiferum Christi in carnem ad-
uentum continua serie deductum.
Et ipsa tribus leuitica peculiariter à
Deo est selecta; ad ministerium ta-
bernaculi atq; templi illius tēporis.

Deinde venit in mundum ipse
Christus Sacerdotum omnium Prin-
ceps & summus; cui dictum est à
Deo Patre. *Tu es Sacerdos in æternum
secundum ordinem Melchisedech.* Qui
post reſeratam hominibus indefe-
ſo studio veræ virtutis ac religionis
ſapientiam, ſeipſum in ara crucis cū
clamore valido ac lachrymis hoſti

A 6

am De

Christus
omnium
Sacerdo-
tum Prin-
ceps.

Christus
reliquit
Aposto-
los succe-
ssores.

Apostoli
alios reli-
querunt
successo-

am Deo Patri obtulit, in reconcilia-
tionem totius humani generis, ex-
auditusq; est pro sua reuerētia. Hac
autem spontanea sui oblatione
Christus Sacerdotum idea, finem
imposuit Sacerdotio leuitico vnā
cum veteri lege & eius institutis :
inchoauitq; Euangelicum Sacerdo-
tium, sicut & legem nouam ac ipsi-
us sacramenta. Cuius quidem Sa-
cerdotij successores reliquit Aposto-
los & viros Apostolicos, præter Sa-
cerdotalem potestatem sapientia
& virtute à Deo insignes : vt vniuer-
sum orbē terrarū eliminatis supersti-
tionibus ad vnius veri Dei cultum
frustra cōtra nitentibus dæmonibus
adduxerint. Quorum ductu atq;
directione deinceps continuatum
est id Sacerdotium per tempora pri-
mitiæ & nascentis Ecclesiæ, & alia
illi proxima cum mira sanctitate &
splendore virtutum. Ipsi verò suc-
celere sacerdotes alij, æqua sanè of-
fij potestate, sed longe inferiore
fidei

fidei & charitatis feruore atque vitæ
sanctimonia : quod ob iniquitatis
exundationem refrixerit charitas
multorum.

res iacer-
dotes.

Et hæc est temporum nostro-
rum (vt res ipsa indicat) conditio,
status & qualitas, à quibus tamen
ad finem vsq; seculi perdurabit sa-
cerdotium istud Euangelicum : si-
cut & sacrificium istud vnicum &
singulare, quod non nisi per sacer-
dotes potest offerri, de quo dictum
est. *Mandauit in aeternum testamen-
tum suum.* Et rursum : *Memor erit in
seculum testamenti sui :* illius inquam,
quo Sacramentum in sui memori-
am & offerendum & manducandum
instituit. Quod quidem testamen-
tum & mandatum si in seculum se-
culi confirmatum est : vt ibidem di-
cit Propheta in Spiritu : ante finem
mundi non desinet. Rursum ipse
dulcissimus Ecclesiæ sponsus, per
Osee Prophetam dulci alloquio
sponsam suam ita compellat. *Et*

Sacerdo-
rium si-
cut sacri-
ficiū
duraturū
in æternū

1.
Probatur

2.
Probatur

Osea 2.

Luca 12

sponsabo te mihi in sempiternum : & spon
sabo te mihi in iustitia, & iudicio, & in
misericordia, & miserationibus. Et
sponsabo te mihi in fide, & scies quia ego
3.
Dominus. Ad hæc. Rogauit Dominus
Probatur pro Petro, vt non deficeret fides eius.
Non personam ipsius tantum atten
dens : sed etiam totius Ecclesiæ cō
uentum, quæ erat ei committenda.
Ipse autem semper à Patre se auditū
4.
esse contestatur. Adde quod pro
Probatur misit Dominus discipulis suis ab eis
Matt. in cælum assumendus. Ecce ego vo
28. biscum sum omnibus diebus, vsq; ad con
summationem seculi, non quidem se
cundum diuinitatis tantum maie
statem, sed & sacratissimæ suæ hu
manitatis præsentiam in admirabili
Eucharistiæ Sacramento verè confi
stentem. At quomodo poterit Ec
clesia Christi itidem & fides Catho
lica inconcussa consistere : nisi sem
per adsit illud viuificum & salutare
Sacrificium, quod est totius Eccle
siæ fulcimentum, & legis nostræ fi

deiq;

dei; stabilimentum : Permanebit igitur & illud ad finem vsq; seculi : neq; alterum illi successurum est, vt neq; lex alia. Quare & sacerdotiū euangelicum, vsq; ad mundi consummationem perdurabit. Et semper erunt sacerdotes, qui diuinę maiestati ea sacra litabunt.

Porro Venerabilis pater Hugo *Hugo.*
de sancto Victore, libro primo de *de s.*
Sacramentis dicit, ipsum verbum *Victore.*
incarnatum vt regem intrasse in hūc
mundum per assumptam humani-
tatem : vt cum diabolo bellaret, &
quasi tyrannum in alieno dominan-
tem expelleret. Omnes autem pri- *Asimili.*
ores sanctos qui ante incarnationē
verbi ab initio fuerunt electi, & ve-
nerunt in mundum : appellat eodē
loco milites quosdam optimos re-
gem venturum in acie præcedentes,
ipsis quibus tunc sanctificabantur
sacramentis, quasi armis munitos.
Eos verò qui post incarnationem
vsq; ad finem mundi electi subse-
quun-

quuntur, vocat alios milites, non tamen alium sed ipsum eundem Regem præcedentem vnanimiter atq; alacriter subsequentes: habentq; & ipsi noui arma noua: tamen ab eodem armati & contra eundem hostem pugnaturi. Siue igitur præcedentes (inquit) siue subsequentes: vnus Regis Sacramenta portant, vni regi militant. Illi venturū præcedentes, illi præcedentem subsequentes.

Myſtica
inſinua-
tio.
Matth.
21.

Et iſtud myſticè nobis innuitur per id Mathæi verbum in Euangelio, quòd Domino intrante Ciuitatem Hieruſalem cum totius populi applauſu & gratulatione, turbæ quæ præcedebant & quæ ſequabantur clamabant, dicentes. *Benedictus qui venit in nomine Domini.* Per illas enim veteres: & per has, noui teſtamēti patres ſignabātur. Haud diſſimiliter intelligere poſſumus Chriſtum in medio ſacerdotum veteris & nouæ legis conſtitutum om-

nium

nium esse caput, exemplar, & decus sacerdotum, & super omnes eximia & spectabili dignitate longè emineret. Eos autem qui in veteri lege præcesserunt sacerdotes, typum eius & figuram expressisse, atq; suo officio illius sacerdotium præsignificasse. Illos verò qui in nouo subsequuntur testamento, ad imitationem illius eodem fungi officio, illiq; assimilari vt absolutæ sacerdotum idæ atq; veritati. Et hi proprius ad suum ducem principemq; accedunt quàm priores, quod expressius eius signa gerant dignioremq; offerant hostiam.

Conspicua est igitur & magna sacerdotij dignitas, quod ab ipso mundi exordio ad exitum vsq; line intercisione perdurat. Præclara est & sacerdotum professio insignisq; sublimitas, qui Christum eiusdem officij consortio atq; communione habent suum Præsulem, Archetypum & præsidem. Ad eum igitur
—
vt sco-

Admoni
truncula
ad sacer-
dotes.

vt scopum quendam oculos suos
debent attentè conuèrtere notasq;
& signacula virtutum eius in seipsis
exprimere : ne à rectis tanti ducis
aberrant vestigijs, neq; principis sui
signa deferant. Dedecorosum est
enim sub strenuo ducè mili-
tem esse pigrum.

SACERDOTIVM CVM REGIA
potestate magnam habere cognatio-
nem : immò maiorem illa sibi vendi-
care dignitatem.

CAPVT II.

Apud gē
tiles ijdē
erant Re-
ges & Sa-
cerdotes.

ARruit & id magnam Sa-
cerdotij dignitatem quòd
cū regio principatu, (qui
omnium ciuiliū administratio-
num supremus est & eminentissi-
mus) miram habet consonantiam
atq; affinitatem. Cuius rei id indi-
cio est: quod apud antiquos ijdē
reges erant & sacerdotes. Quinimo
& ipsos sacerdotes appellare soliti
sunt antiqui reges sacrorum ob con-

spira-

spirationem vnius magistratus cum altero. Apud Ægyptios enim prisca fuit consuetudo ex omni philosophorum numero sacerdotes eligere, ex sacerdotibus autem regem, qui vt philosophos sapientia, ita religione sacerdotes, ac mox imperio administrando superiores omnes reges transcenderet. Hinc Mercurium Ægyptij Trimegistum, id est ter maximum nuncuparunt : quod & philosophus maximus, & sacerdos maximus, deniq; & rex maximus fuerit. Et apud Virgilium describitur rex Anius, rex idem hominum, Phœbiq; sacerdos.

Sed facessant hæc Ethnicorum exempla & ad nostratia potius stilū conuertamus. Melchisedech ille, quem B. Paulus ad Hebræos scribēs egregijs extollit præconijs, rex Salem fuisse commemoratur, & idem sacerdos Dei altissimi. Secundū cuius ordinem Christus Deus noster Sacerdos est in æternum itidem

& Rex

Vnde eligebantur Sacerdotes olim

Mercurius Trimegistus quomodo vocatur.

Probatur exscriptū ra eosdē fuisse Reges & Sacerdotes.

i.
A Melchisedech.
Heb. 7.

Psal. 2.

A Moysse.

3.

A Samuel.

Psal. 18.

4.

Ab Heli.

I. Reg. I.

5.

A Simone Machabeo.

I. Machab. 4.

Sacerdotium re-

& Rex regum & Dominus dominantium. Ego autem (inquit) constitutus sum rex ab eo super Syon montem sanctum eius: predicans praeceptum eius. Vt omnino intelligatur sacer ille Melchisedech propinqua fuisse imago atq; figura Christi, & in regali imperio, & sacerdotali officio. Nonne etiam Moyses dux fuit Israël itici populi simul & sacerdos? Et Samuel iudiciariam habuit in Israël potestatem, etiam & sacerdotalem eminentiam. Moyses (inquit) & Aaron in sacerdotibus eius, & Samuel inter eos qui inuocant nomen eius. Nonne & Heli Iudex fuisse legitur populi in Israël (qui tum summus erat Reipublicæ illius principatus) & simul sacerdotij honore insignitus? Simon etiam Machabæus & qui post eum in Iudæa rerum potiebantur vsq; ad Herodem regem, duces erant populi nec non sacerdotes. Quin imo in scriptura plerumq; inuenitur sacerdotium, regni titulo

atque

gnititulo
coniungi
tur.

L
Probatur
Exod. 19.

atq; denominationi coniunctum. Ut cum Dominus in Exodo per Moysen ait ad filios Israël. *Si audieritis vocem meam, & custodieritis pactum meum, eritis mihi in peculium de cunctis populis, mea est enim omnis terra: & vos eritis mihi in regnum sacerdotale, & gens sancta.* Vbi sacerdotale vocat regnum, quod præcipuum est singulare & eminentissimum. Quoniam interdum nomine sacerdotum signantur in scriptura, qui maiorem cæteris habent auctoritatem, & honorabiliorem dignitatis locum, quamvis sacerdotalem non gerant functionem. Ut cum secundus regnorum liber dicit, quod filij Dauid sacerdotes erant, id est, primores regni, & post regem proximi honorificentia atq; potestate. Non enim ipsi sacerdotio fungebantur: ut qui de tribu Iuda erant, de qua non assumebatur quispiam ad altaris ministerium. Et id certè argumento est sacerdotum nomine re-

2. Reg 7

gium

gium quiddā & sublime designari.
 Sed & ex alio loco ostendamus
 2. Probatur sacerdotium regali coniunctum
 nuncupationi: quem nobis sugge-
 rit beatus Petrus ita ad fideles scri-
 1. *Pet. 2.* bens. *Vos estis genus electum regale sa-
 cerdotium, gens sancta, populus acqui-
 sitionis. Vbi regale vocat sacerdoti-
 um, quod regiam quandam in spi-
 ritualibus functionibus præferat
 potestatem atque authoritatem.*
 Rursum dilectus Deo discipulus de
 2. Probatur Christo in sua Apocalypsi loquens,
Apoc. 1. ait. *Qui dilexit nos, & lauit nos à pec-
 catis nostris in sanguine suo, & fecit nos
 regnum & sacerdotes Deo & patri suo.*
 Demum venerandus ille sanctorū
 4. Probatur coetus gratias agens Christo pro su-
 sceptis beneficijs in diuina Apoca-
 lypsi, in cantico suo nouo cecinit.
Apoc. 5. *Redemisti nos Deo in sanguine tuo ex o-
 mni tribu & lingua, & populo, & nati-
 one: & fecisti nos Deo nostro regnum &
 sacerdotes, & regnabimus super terram.*
 Quin imo sacerdotalis functio

(vt am-

Sacerdotum.

(vt amplius aliquid adijciam
nentiore est & sublimiore re
testate. Quod hæc ter
nat: illa cœlestia. H
exercet potentiam
illa in animas: h
Dei sunt & ad
ram, illi coll
nat, atq; ab
clesiasticæ
scipit. C
nis, & sp
stat, tant
giæ maiest
tamen infic
ijs quæ ciuilib
Reipublicæ spe
terrenis principa
lisq; subiectionem & vener
debere, vt reddant quæ sunt C
ris, Cæsari: & quæ sunt Dei, Deo.

Comprobat planè quod modò
propositum est, eximius pater Hu
go de sancto Victore, mysticè ex-
ponens illa Geneseos verba. *Fecit*

Hugo

de S.

Victore.

Deus

De Vita & Moribus.

duo luminaria magna, luminare
traesset diei, & luminare mi-
ssset nocti. Sunt (inquit)
In firmamento, à Domi-
na luminaria, sacerdo-
num, Rex & Epi-
lericus. Dies, spi-
prasfigurat. Ita
sacerdotium :
est spirituali-
regnum :
bus, Con-
sol nocti, si
ps ad spiritua-
s secularium ne-
scientia sua sere-
bis, qui in ista in-
vidimus : in quibus
in tenebras est conversus. Eia vide-
ant ipsi pontifices, quorum vices gerunt,
quorum obtinuerunt cathedras, quorum
infulis gloriantur : & iudicent ipsi, si non
est ita ut cernimus. Considerent quos
scientia radios, quæ virtutum lumina,
quas charitatis scintillas, quæ spirituali-

um cor-

um correptionum fulgura suis emiserunt
 temporibus: Gregorius, Ambrosius, Au-
 gustinus, Hilarius, Martinus: & mille
 alij. Fœlicia tempora, in quibus tam ra-
 rò malus inueniebatur, quàm nunc bo-
 nus in Ecclesia inuenitur. Nunc etiam *Iohe 2.*
 luna conuersa est in sanguinem. Nam *Esaia 5.*
 manus principum plena sunt sanguine
 ex actionibus & vectigalibus effunden-
 tes viscera miserorum, iustificantes im-
 pium pro muneribus, & iustitiam iusti
 auferentes ab eo.

Hæc ille. Ecce comparat nunc
 citatus author sacerdotium Soli &
 diei: regnum vero lunæ & nocti.
 Qua collatione liquidò prodit sa-
 cerdotalem authoritatem multò
 regijs facibus præferendam. Quod
 etiam non dissimulanter ostendit
 Constantinus ille magnus Impera-
 tor Romanus. Qui cum apud Ni-
 ceam Bithiniæ urbem conuocasset
 totius Ecclesiæ concilium ad Arria-
 nam hæresim euellendam, ipse pro
 sua modestia Episcoporum inibi

Constan-
 tinus ma-
 gnus quâ-
 tum de-
 tulerit E-
 piscopis.

B

congre-

*Eusebi-
us Ec-
clesiasti-
ca hist:
lib. 11.*

congregatorum conuentum vlti-
mus cum paucis introiuit, inferio-
reque subsellio (cum hoc sibi Patrum
iussione concedi petijisset) resedit.
Cumque permulti Episcoporum su-
per contentionibus & querimonijs
inter se exagitatis expetijissent eius
iudicium, ipse libellos, singularum
expostulationem continentes sibi-
que porrectos sinu tenens dixit, ne-
quaquam ad se aut iudicem aliquem
secularem spectare, iudicium de ijs
ferre hominibus quos Deus in ter-
ris constituit omnium iudices. Pro-
inde ad diuinum examen sua refe-
rant diffidia, neque a seipso expectet
illarum rerum sententiam. Et si-
mul his dictis omnes libellos nullo
eorum introspecto in ignem conie-
cit exurendos.

Magnum præterea eiusdem rei
argumentum fuit, quod ubique admi-
nistrantium sententias imperfectas
esse voluit, & ad Episcopos per ap-
pellationem refugiendum esse san-

ciuit

eiuit, si qui vellent ciuiles iudices
 refutare. Firmam verò Episcopo-
 rum sententiam fore iudicauit, &
 potiolem quàm aliorum iudicium
 esse voluit: imò tanquam ab Impe-
 ratore foret prolata, ab omnibus
 obseruandam: à qua ad alios quos-
 uis iudices nullam passus est fieri
 prouocationem. Fortasse vt hanc
 ferret legem, illud eum diuinum
 monuit decretum, quodin Deute-
 ronomio promulgatum legitur. Si
 difficile (inquit Dominus) & am-
 biguum iudicium apud te esse perspexeris
 (inter sanguinem & sanguinem, causam
 & causam, lepram & lepram) & iu-
 dicium intra portas tuas videris verba
 variari: surge & ascende ad locum quem
 elegerit Dominus Deus tuus: veniesq; ad
 sacerdotem Leuitici generis, & ad iudi-
 cem qui fuerit in illo tempore, queresq;
 ab eis. Qui iudicabunt tibi iudicii veri-
 tatem, & facies quacumq; dixerint tibi,
 qui præsunt loco quem elegerit Dominus
 Deus tuus: & docuerint te iuxta legem

*Historia
 tripartita
 lib. 1.*

Quantū
 De' defer-
 ri volue-
 rit sacer-
 dotib' in
 veteri te-
 stemēto.

eius: sequerisq, sententiam eorum, nec
declinabis ad dexteram vel ad sinistram.
Qui autem superbierit nolens obedire
sacerdotis imperio qui eo tempore mini-
strat Domino Deo tuo, & decreto iudicis,
moriatur homo ille: & auferes malum
de medio Israël, cunctusq, populus audi-
ens timebit, vt nullus deinceps intume-
scat superbia. Quibus sanè verbis
constituit Deus à iudicibus secula-
ribus ad sacerdotes transferendum
esse difficilis rei iudicium: & repu-
gnantem sacerdotis decreto morte
affici debere. Ex quorum vtro-
que non mediocre fumitur
iudicium dignitatis sa-
cerdotalis.

MAGNO SEMPER IN PRECIO
apud antiquos habitam esse sacerdotij
functionem & multis priuilegijs ab
eis dotatam esse.

CAPVT III.



ST & illud dignitatis sa-
cerdotalis non leuè argu-
mentum

mentum, quod apud antiquos plurimi semper existimata sit, & magno in honore habita: non solum apud eos, qui veræ in Deum pietatis ac religionis erant gnari, sed & apud illos qui illusionibus demonum hallucinati procul ab ea deerrarunt. Apud quos legimus sacerdotes eorum immunitate potitos fuisse & liberos à pendendo tributo, vectigalibus, & alijs Reipublicæ communibus oneribus: & per multis alijs priuilegijs ad maiorem facientibus libertatem præter ceteros donatos. Testis huius locupletissimus est liber Geneseos, ita de Ægyptijs sacerdotibus referens.

Emit ergo Ioseph omnem terram Ægypti, vendentibus singulis possessiones suas præ magnitudine famis, subiecitq; eam Pharaoni, & cunctos populos eius à terminis nouissimis Ægypti vsq; ad extremos fines eius, præter terram sacerdotum, quæ à Rege tradita fuerat eis, quibus & statuta cibaria ex publicis horreis præ-

1.
Ioseph sacerdotem
Ægypti os magni
fecit.
Genes:
47.

bebantur, & idcirco non sunt compulsi vendere possessiones suas. Et paulò inferius eodem loco : Ex eo tempore vsq; in presentem diem in vniuersa terra Aegypti regibus quinta pars soluitur, & factum est quasi in legem, absq; terra sacerdotali, quæ libera ab hac condicione fuit.

2.
Artaxerxes sacer-
dotes ma-
gni fecit.
1. Esdræ
7.

Artaxerxes quoq; Rex Persarū in decreto suo, quod scribit ad Esdram scribam & sacerdotem : inter cætera munificentia suæ in templū Domini officia, & illud inserit. Omne quod ad ritum Dei cæli pertinet : tribuatur diligenter in domo Dei cæli : ne fortè irascatur contra Regnum Regis & filiorum eius. Vobis quoq; notum facimus de vniuersis sacerdotibus & leuiticis, cantoribus, ianitoribus, & ministris domus Dei huius : vt vectigal & tributum, & annonas, non habeatis potestatem imponendi super eos. Idem quoque in tertio Esdræ libro reperitur edictum : vbi etiam immunitas ministrorum templi à tributis ita ex-

3. Esdræ
8.

plicatur

plicatur: Vobis autem dicitur vt omnibus sacerdotibus, leuitis, & sacris cantoribus & seruis templi huius, nullum tributum, neq; vlla alia indictio irrogetur, nec habeat quisquam potestatem obſistere eis quicquam.

Næmias item Iudæorum Dux optimus, cumprehendisset sacerdotes, leuitas & cantores, alioſque templi ministros: debitis sibi portionibus primitiarum, oblationum, & decimarum fuiſſe defraudatos, per rapacitatem & auaritatē Eliazib sacerdotis magni (qui conſtructo ſibi gazophilatio quæ aliorum erant ſibi congerebat atq; ibidem colligebat) & proinde illos relicto templo cultuq; diuino, abiſſe in ſuas regiones, reſtitit pro viribus tantæ iniquitati in ſua abſentia perpetratæ, & acta coram magiſtratibus cauſa, curauit ſacerdotibus & miniſtris templi ſuas deſignari partes, atq; in horrea congeri, quæ de decimis & oblationibus

Næmias
ſacerdo-
tes ma-
gni fecit.
Næmia

13.

eis debebantur. Quemadmodum liber Næmiæ vltimo capite pleni-
us refert. Is itaq; tanti fecit sacerdo-
tes, vt in faciem restiterit ijs, qui
partes oblationum illis diuino ius-
su decretas detinebant, atq; in suos
vsus vendicabant.

4.
Alexan-
der ma-
gnus Iad-
dum sū-
mum sa-
cerdotē
magnife-
cit.

*vide Io-
sephum
antiqui-
tatis Iu-
daica
lib: 11.*

Quid Alexandrum magnū me-
morem? qui infesto agmine ani-
moq; infenso urbem Solymam pe-
tens, cum obuium sibi haberet Iad-
dum eo tempore summum Iudæo-
rum sacerdotem pontificalibus in-
dutum vestibus, & ornatissimo sa-
cerdotum atq; leuitarum cætu co-
mitatum, equo defilijs, pronus in
terra Sacerdotē Magnum venera-
tus est, quin imò in ea Deum ado-
rauit. Deinde placato animo Hie-
rosolymitanum intrauit templum,
& pro Regia magnificentia ibidem
dona obtulit. Allatisq; Danielis o-
raculis se ibidem signatum intelle-
xit, qui Persarum vires deberet con-
terere, eoque regno potiri, quare

multis

multis privilegijs, atq; immunitatibus totam Iudæorum gentem est persecutus.

Deinde interiectis aliquot annis Ptolomeus Philadelphus Ægyptiorum Rex, Ptolomei Lagi filius, ab Eleazaro sacerdotum principe apud Iudæos septuaginta duos viros eruditissimos qui diuinam sibi legē in Græcum sermonem ex Hæbreo traducerent, ad se mitti petiuit, atq; impetrauit, ob quod plurima & maxima cum in ipsos interpretes, tum in Iudæos vniuersos beneficia contulit, quorum plurimos antè captiuos libertate donauit, vt scribit Iosephus antiquitatis Iudaicæ libro duodecimo.

Præterea Attila Rex Gotthorū cum ex Pannonia in Italiam facta eruptione, Romam cum instructissimo peteret exercitu eam perditurus, Leo primus summus pontifex illi cum honesto Ecclesiasticorum virorum cœtu occurrit, admonuit.

5.

Ptolomeus
Philadelphus
sacerdotes
magni fecit.

6.

Attila
Rex Gotthorū
Leonē summū
Pontificem
magni fecit.

B 5

que

Alaric⁹

que cum, ne in urbem desœuaret,
 aut armorum rabie debaccharetur,
 alioqui iram Dei in se concitaret,
 (quemadmodum Alaricus vnus ex
 superioribus Gotthorum Regibus,
 statim Dei iudicio post captam vr-
 bem mortuus est) cuius monitis in
 cunctanter obtemperauit Attila,
 nec vltra versus Romam progressus
 est. Quin etiam dum simul cum
 Pontifice loqueretur, cernere du-
 os viros supra se visus est strictos
 tenentes gladios, ac mortem sibi
 minitantes nisi Pontifici pareret,
 quos Petrum & Paulum Apostolos
 fuisse putant in Leonis auxilium ap-
 parentes. Dimissoq; quod cœpe-
 rat itinere, Attila in Pannoniam
 reuersusest.

7.

Constati
 n^o magn^o
 S. Ambro-
 sium ma-
 gni fecit.

Insuper quo honore sacerdota-
 lem ordinem profectus sit. Con-
 stantinus ille magnus, quæ in præ-
 cedente capite dicta sunt, fidem
 faciunt. Quo itidem fuerit a-
 nimo in Ambrosium sanctitate,
 doctrina

doctrina & zelo Dei clarissimum, historia tripartita toto noni libri tricesimo capite dilucidè testatur.

Iouinianus item impij Iuliani successor cum imperiū suscepisset, reuocandorum ab exilio Episcoporum (quos Constantinus Arrianus, & apostata Iulianus relegauerant) primam curam habuit. Quibus lata lege consuetudinem præbendorum frumentorum reddidit, quam constituerat Constantinus, & seruari prohibuerat Iulianus. Præsertim Athanasium Episcopum Alexandrinum, mille tempestatum procellis & persecutionum turbini- bus exagitatum ab Arrianis in amicitiam & familiaritatem recepit, atque in Ægyptum remisit ad suam Ecclesiam moderandam, quæ diutius suo fuerat orbata & viduata pastore.

Ad hæc Auxentio Arrianorum præfule defuncto, qui Mediolanen- sem Episcopatum tenuerat, om-

8.
Iouinia-
nus Epi-
scopos
maximè
S. Athan-
magni
fecit.

9.
Valenti-
nianus
Impera-
tor Epi-
scopus
magni
fecit.

nes Episcopos euocans Valentini-
anus imperator, admonuit eos ex
diuinis eloquijs, id non stare, quòd
esset eligendus Episcopus Ecclesiæ
qui non verbo solum, sed etiam
boni operis exemplo subiectos gu-
bernet, & semetipsum totius imi-
tatores virtutis ostendat, testem-
que doctrinæ conuersationem bo-
nam habeat. Proinde talem in pon-
tificali sede constituent, cui & Im-
perator Romanus rerum summam
gerens, syncerè caput submittat, &
eius monita, ubi tanquam homo
deliquerit, veluti medicamenta a-
nimæ suscipiat. Cumq; tota syno-
dus Imperatori suggereret, vt ipse
magis decerneret quisnam Ecclesiæ
esset præficiendus: & omnes in ea
re suo starent arbitrio. Respondit
Valentinianus, ad ipsos omnino
hanc spectare electionem. Vt qui
virtute & doctrina fulgentes meli-
us norint, quisnam Ecclesiæ guber-
nandæ esset magis idoneus. Vbi au-

tem

tem paulò post accepit electum
 communi omnium consensu Am-
 brosium, illius loci præfectum ac
 præsidem, ei electionis tanquam
 diuinitus factæ mirum in modum
 congratulatus est, dicens. *Gratias a-*
go tibi Domine omnipotens, & Saluator
noster, quoniam huic viro ego quidem
commisi corpora, tu autem animas, &
meam electionem ostendisti iustitiæ con-
uenire. Omitto dedita opera, ne
 sim prolixior æquo, Gratianum,
 Theodosium minorem, Arcadium,
 Honorium, Iustinianum, optimos
 Imperatores, qui omnes sacerdota-
 lem ordinem miro coluerunt ho-
 nore, & amplissimis beneficijs ex-
 ornarunt.

Neq; hac in parte, sua laude frau-
 dandi sunt inclyti Francorum Re-
 ges, quibus peculiare id quondam
 fuit & consuetudinarium, pericli-
 tanti Apostolicæ sedi, & graui ad-
 uersitatum mole laboranti ferre
 suppetias. Siquidem Carolus Mar-

Ambro-
sius.

Vide tri-
partitā
historiā
lib. 7.

10.

Reges
Galliarū
maximè
Carolus
Martell⁹
sedem A-
postolicā
magni
fecit.

tellus à Gregorio tertio Romano Pontifice rogatus; vt illi contra Luthprandum regem Longobardorum, auxilium ferret, per legatos egit, vt is infesto agmine Romanā premens vrbem ab obsessione disceslerit, & in gratiam cum pontifice redierit. Cuius filius Pipinus paternæ virtutis æmulus rogatu Stephani secundi summi pontificis exercitum in Italiam aduersus Aistulphum Longobardorum regem Ecclesiasticam ditionem vexantem bis duxit, ipsumq; restituendum quæcunq; Ecclesiæ abstulerat compulit.

J I.
Carolus
magnus
sedem A-
postolicā
magni
ecit.

Ab hac autem paterna virtute non degenerans Carolus magnus, Adriani primi summi pontificis aduersam sortem miseratus, à Desiderio Rege Longobardorum grauius oppresso, cum validissimo exercitu in Italiam profectus est, & Desiderium bello superatum atq; captum cum vxore & filijs Leodiū relegauit.

relegavit. Leonem itidem tertium summum pontificem à seditiosis quibusdam vrbe expulsum, idem in Italiam mota expeditione, in suam sedem restituit, sumpto de coniuratis ac seditionis authoribus supplicio.

Demum ad Ludouicum Iuniore Ludouici Grossi filium velut sacerdotalis dignitatis patronū confugit fortissimus propugnator Ecclesiasticæ libertatis Beatus Thomas Archiepiscopus Canthuariensis suâ sede indignè deturbatus: & eodem ferè tempore Alexander tertius, ab improbis quibusdam vrbe Italiaq; pulsus. Qui libenter Ecclesiæ patrocinium suscipiens, vtrumq; eorum suæ sedi cum summa auctoritate restituit.

Ex his itaq; constat, sacerdotale ordinem apud imperatores, & reges, plurimi semper existimatum esse, cum ethnicos, tum veri Dei cultores, & hinc magnam illi digni-

tatem

J2.

Ludouicus Iunior B. Thomas Archiepiscopus Canthuariensis magni fecit

tatem, ornatum atque splendorem accreuisse.

QVOD DEVS HONORARI
sacerdotes præceperit, & in illorum
contemptores acerba punitio-
ne animaduerti.

CAPVT IIII.

Sacerdo-
tes hono-
randos
probatur
ex scri-
ptura.

J.
Probatur
Eccl: 7.



Ec humana solum con-
stitutione id sancitū est,
aut obseruatum, hono-
randos esse, & præcipua colendos
reuerentia sacerdotes, sed & diui-
na, cum & antiqua & noua lege id-
ipsum iusserit Deus. Siquidem Ec-
clesiasticus id sedulò faciendum ita
admonet. *In tota anima tua time De-
um & sacerdotes illius sanctifica. In o-
mni virtute dilige eum, qui fecit te, &
ministros eius ne derelinquas. Honora
Deum ex tota anima tua, & honorifica
sacerdotes. Da illis partem sicut manda-
tum est tibi, primitiarum & purgationis.*

Ad hæc districtè præcepit Deus
honorandos esse parentes. *Honora*

(inquit)

(inquit) patrem tuum & matrem tuam, ut sis longævus super terram. Atqui sacerdotes nobis parentum loco habendi sunt, quod patres sint nostri spirituales, & vitæ spiritualis consequendæ ministri, & à quibus maiora, quàm à parentibus secundum carnem beneficia accepimus. Quod his verbis contestatur Ioannes Chrysostomus. In beneficiis (inquit) maior virtus sacerdotibus à Deo data est quàm carnalibus parentibus nostris. Tantumq̃ inter utrumque differt, quantum inter vitam præsentem & futuram. Alteri quippe in hanc, alteri verò in illam generant. Et illi quidem nec corporalem possunt propellere mortem, nec incurrenti obsistere infirmitati. Hi verò laborantem animam, & iam iamq̃ perituram saluauerunt, frequenter alios de graui condemnatione liberantes, alios verò nec in leuem finentes incidere. Nec verò hoc solum docendo ac monendo faciunt, sed etiam orationibus adiuuando, nec solum quando nos regenerauerunt,

2.

Probatum
Exo: 20.

Chrys:
lib. 3. dialog: de
dignitate sacerdotals.

runt, sed etiam deinceps potestatem habent indulgendi peccata. Et reliqua, quæ in idem propositum continuè prosequitur, & præclarè deducit. Idem quoque paulò ante de sacerdotibus loquens, ait. *Quomodo ergo nobis isti non solum reuerendi magis, quàm aut reges aut iudices, sed etiam magis erunt honorabiles quàm parentes? illi quippe nos ex carnis & sanguinis voluptate genuerunt. Hi verò nobis sunt demum regenerationis authores & sancti illius qua reformamur libertatis veraque adoptionis filiorum.*

3.
Probatur

Deuter.

11.

Deuter

17.

Hæc Chrysostomus. Proinde sicut filius contumax & in parentes rebellis, in Deuteronomio iubetur interfici, ita & nolens obedire sacerdotis imperio & superbè illi resistens, præcipitur à domino morte mulctari, vt paulò ante ex Deuteronomio est adductum testimonium. Vt ex consimili ratione pænæ præuaricatoribus infligendæ, intelligamus haud non dissimilem ob-

bligatio-

bligationem esse honorandi sacerdotes & colendi parentes.

Præterea beatus Paulus ad Timotheum scribens ait. *Qui bene præsunt presbyteri, duplici honore digni habeantur, maximè qui laborant in verbo & doctrina.* Duplici honore inquam, spiritualis obedientiæ, & subministrationis rerum exteriorum. Quod ex beato Augustino protinus innoscit, hunc locum ita exponente. *Boni dispensatores & fideles, non solum honore sublimi præueniri debent, sed & terreno, ut non contristentur indigentia sumptuum, & gaudeant obedientia spiritualium.*

4.

Probatum
I. Tim. 5.

August.

Porro conuincitur idem nostrum propositum ex graui punitione à Deo, & hominibus inflicta ijs qui in sacerdotes ausu sacrilego insurgere tentarunt, aut illorum officium insolenter usurpare ultra suam sortem. Siquidem Dathan & Abiron in Moysen & Aaron sacerdotes domini seditionem excitantes, ac ambientes

Sacerdotum con-
temptores
punitos
probatum
ex scri-
ptura.

I.

Probatum

lacerdo-

Nū: 16.

sacerdotium (quo erant indigni) diuino decreto ipsi Aaron designatum, subito terræ hiatu viui absorpti sunt, eorumque complices in Moysen & Aaron deinde obmurmurare ausos & commotionē suscitare, vltix flamma consumpsit, quam Dei immiserat ira. Quid autē mereantur horum exemplo, sacerdotum domini contemptores, audiatur Chrysostomus dicens. *Qui noui testamenti sacerdotes despiciunt, magis mihi rei quàm Dathan & Abiron videntur digniq; maiori supplicio. Quoniam & illi etsi indebitum honorem usurpare voluerunt, tamen magnam habuerunt ministerij ipsius æstimationem, cuius se velle fieri participes vel temeritate docuerunt. Hi verò quanto huic officio multum honoris accessit, & in gloriam promouit altissimam, tanto ex aduerso quàm Dathan & Abiron atq; ausu maiore delinquunt. Neque enim æquale peccatum est indebitum honorem velle peruadere, & quod tam magnum est*

*Chryf:
lib. 3. di-
al: de di-
gnitate
sacerdo-
tali.*

audere

*audere despicere, sed tantò grauius est i-
studillo, quantum distat inter ambitum
& despectum. Hæc ille.*

Ad hæc Maria soror Moysis quo-
niam mitissimum fratrem & sacer-
dotali insignem honore laceffiuit
iniurijs, iram Dei in se prouocauit,
lepraque percussa est. Ob quod se-
ptem diebus separata extra castra
demum precibus fratris sui, bo-
num pro malo reddentis, est sani-
tati restituta. Ecce quomodo vin-
dex est Deus in eos, qui sacerdoti-
bus iniurijs sunt, aut grauem infe-
runt molestiam. De quibus per
prophetam dicit, *Nolite tangere Chri-
stos meos, & in prophetis meis nolite ma-
lignari.* Et rursum alio loco. *Qui te-
tigerit vos, tangit pupillam oculi mei.* In-
super Saul rex Israël temerario au-
su victimas immolauit domino, sa-
cerdotis opus sibi impudenter ar-
rogans, neque expectauit Samue-
lem iuxta condictum, cuius munus
erat sacrificia Deo offerre. At quàm

ingrata

2.

Probatur
N^o: 12.

Psal: 40.

Zach: 2.

3.

Probatur
1. Reg: 13.

ingrata fuit Deo hæc alieni iuris & sacrificii offerendi usurpatio, ostendunt hæc verba Samuelis ad Saul *Stultè (inquit) egisti , nec custodisti mandata Domini Dei tui , quæ præcepit tibi . Quod si non fecisses , iam nunc præparasset dominus regnum tuum super Israël in sempiternum , sed nequaquam regnum tuum ultra consurget .* Quibus sanè verbis prædicitur ipsi Saul deiectio à regno , ob insolentem hanc præsumptionem . qua sacerdotalem sibi functionem vendicauit .

4. Par.
16.

4.
Probatur
A Rege
Ozia.

Haud dissimiliter Ozias rex Iuda ob multas res prosperè & præclare gestas eleuatus in superbiam eò deuenit insolentiæ , vt ingressus templum Domini adolere tentauerit incensum super altare thymiamatis , nec audire voluit monita Azariæ sacerdos , hæc illi suggerentis . *Non est tui officij Ozia , vt adoleas incensum domini , sed sacerdotum , id est , filiorum Aaron , qui consecrati sunt ad hoc ministerium .* Egredere de sanctuario

ne con-

ne contempseris, quia non reputabitur tibi in gloriam hoc à domino Deo tuo. Verùm iracundia concitatus Ozias, & tenens manu thuribulum, comminabatur sacerdotibus recta momentibus. Ob quod subito apparuit lepra oborta in fronte eius, & continuo egressus est de templo, præsentiens manum Domini. Et ne humana quidem habitatione aut societate dignus est habitus deinceps, qui diuina ministeria arroganter sibi voluit usurpare, ambulareque in magnis ac mirabilibus super se.

Deinum cum instigatione Menelai viri nefarii & ambientis sacerdotium, Andronicus regis præfectus, Oniam optimum pontificem Iudæorum dolo interemisisset, non solum Iudæi, sed aliæ quoque nationes indignatæ sunt, molestè ferentes tanti viri necem iniustam. Quam cum ex aliorum querimoniis Antiochus rex audisset, valde contristatus est animo, flexusque

ad mise-

5.
Probatur
2. Mac:
4.

Conclu-
sio.

ad misericordiam lachrymas fudit ,
recordatus defuncti sobrietatem &
modestiam. Accensusque animo
Andronicum purpura exutum, per
totam ciuitatem iubet circumduci,
& in eodem loco in quo in Oniam
impietatem commiserat, sacrilegū
vita priuari, Domino illi condignā
retribuente pœnam. Magnus itaq;
debetur honor sacerdotibus, in
quos nefarias extendentes manus,
aut eorum officia peruadentes, vin-
dicem Dei dextram non effugiunt.

Q V O D M A G N A E S T S A C E R -
dotum dignitas ob potestatem conse-
crandi verum Christi corpus,
ipsis à Deo traditam.

CAPVT V.



Mnium autem maximè
eminet dignitas sacerdo-
talis in sublimitate fun-
ctionis illius & officii, quo verum
Christi corpus in altaris ministerio
consecrant & sanguinem, panemq;

saluifi-

saluificum, & calicem benedictionis offerunt Deo pro totius mundi salute sacerdotes. Ea quippe potestas neque regio diademate insignitis, neque imperiali adornatis corona, indulta est, sed neque angelicis spiritibus & substantiis illis supercœlestibus longè supra hominè naturæ perfectione collocatis, & indisseparabiliter Deo affixis. Quin imò nec Sacrosanctæ Virgini Mariæ, quæ excedit omnes mortales & gratiarum affluentia & gloriæ celsitudine & sublimitate, id traditum est munus. Quamuis alia permulta dona illi elargita sit diuina bonitas, hoc sacerdotali ministerio longè augustiora. Vt quòd Spiritu Sancto fecundata Christum castis sit complexa visceribus verum Deum & hominem, illæsaq; virginitate salutiferum toti mundo fructum ediderit. Hoc etenim singulare privilegium quo Dei mater effulget, & virgo intacta omnem transcendit

Sacerdotalis dignitas superat Regiam.

B. V. M. quomodo inferior & quomodo superior sacerdotibus.

sacerdotalis sanctionis nobilitatem atq; præstantiam. Nihilominus illi Deiparæ virgini non permilla est potestas offerendi sacrificium istud viuificum, neq; altaris ministerium exercendi, quod sui sexus conditio illi repugnet, quæ tamen sacerdotibus præsertim nouæ legis est tradita.

Chrys:
lib 3. di-
al: de di-
gnitate
sacerdo-
tali.

Porro hæc dignitatis rationem sacer Chrysostomus mirificè extollit, his verbis S. Basilium compellens. *Sacerdotij autem de quo loquimur aspice dignitatem. Agitur quidem in terra, sed officium eius cœlestibus negotijs continetur. Et quidem consequenter. Non enim homo, non Angelus, non Archangelus, neq; aliqua alia creatura, non virtus, sed ipse Spiritus sanctus hoc munus instituit, atq; adhuc manentes in carne, ministerio præstitit Angelorum fungi. Propter quod oportet Pontificem quasi qui in ipso constat cœlo illisq; virtutibus misceatur, ita splendore vitæ esse radiatum. Deinde paulò post ait. Cuius immolatum Dominum nostrum et*

incenso

incenso astantem videris sacerdotem, atque imprecantem, omnesq; pariter precioso imbui sanguine, adhuc te esse cum hominibus arbitraris? Et non continuo translatus in cœlos, omnemq; de mente sensum carnis excludens, nuda anima sensuq; mundissimo inter ea, quæ sunt in cœlestibus constitueris? O miraculum (inquit) ô Dei in nobis benevolentia. Qui sursum sedet ad dexteram patris, sacrificij tamen tempore hominum manibus continetur, traditurq; lambere cupientibus eum, & cum veneratione complecti, fitq; hoc totum sub oculis humanis. Hæc ille.

Porro cum Aaron octavo post suam consecrationem die, hostias immolaret secundum diuinæ sanctionis ritum, & præparatas altari superposuisset, apparuit gloria Domini omni multitudini, & ecce egressus ignis à Domino deuorauit holocaustum & adipem, qui erant super altare. Quod cum vidissent turbæ laudauerunt Dominum, ru-

Leui: 9.
Probatur
sacerdo-
talis di-
gnitas.

2. *Para:* entes in facies suas. In dedicatione
7. quoq; magnifici templi per Salomonem Ideo extructi, cum ipse suam orationem ad Deum compleret, ignis descendit de cælo, & deuorauit holocausta & victimas, & maiestas Domini impleuit domū. Sed & omnes filij Israël videbant descendentem ignem & gloriā Domini super domum, & corruentes proni in terram super pauimentū stratum lapide, adorauerunt & laudauerunt Dominum, quoniam bonus, quoniam in seculum misericordia eius. Denique cum Helias Tesbites propheta superposito altari sacrificio orasset Deum intentus, vt signo visibili se verum toti populo Deum declararet ad ipsius conuersionē & salutem cecidit ignis Domini, & vorauit holocaustum & ligna & lapides, puluerē quoque, & aquam quæ erat in aquæductu lambens. Quod cum vidisset omnis populus, cecidit in faciem suam, &
ait, Do-

ait, Dominus ipse est Deus, Dominus ipse est Deus. Admiranda nempe hæc (inquit Chrysostomus) *Chryso*
 & totius plena stuporis. Sed transi ex
 istis ad ea, qua nunc aguntur, & non
 solum miranda ea, sed omnem stuporem
 transcendentia videbis. Stat quippe sa-
 cerdos nō ignem per orationem educens,
 sed spiritū sanctū diu orationi incubens,
 non ut illa desuper accensa lāpas cōsu-
 mat apposita, sed ut aduolans gratia spi-
 ritus sancti sacrificio, per ipsum cuncto-
 rum mentes accendat, & splendidiore
 reddat argēto per ignē probato. Hæc ille.

Quid quod non modo Spiritus *Angeli*
 sanctus, sed & cœlestia agmina assi- *ass. stunt*
 stunt sacerdoti sacra facienti, do- *sacerdoti*
 minumq; suum, & omnium offi- *celebrati.*
 cioso circumstant obsequio atq; a-
 dorent. Quod ita astringit Grego- *Gregor :*
 rius. Quis fidelium dubium habere *in Hom:*
 possit, in ipsa immolationis hora ad sa- *pascuali*
 cerdotis vocem cœlos aperiri? In illo
 IESV Christi mysterio Angelorum choros
 adesse, summa & ima sociari, unumq; ex

inuisibilibus atq; visibilibus fieri? Et
 rursum. Vno (inquit) eodemq; tempo-
 re ac momento in cœlum rapitur panis,
 ministerio Angelorum corpori Christi so-
 ciandus, & ante oculos sacerdotis in al-
 tari videtur.

Idem quoque comprobat Chry-
 sostomus. Tunc (inquit) tempore sci-
 licet oblationis sacrificij super altare, e-
 tiam Angeli circumstant sacerdotem,
 & tribunal atque altaris locus cœlesti-
 bus virtutibus adimpletur, in honorem
 illius qui immolatur. Quod quidem ex
 ipsis, quæ aguntur ostenditur. Ego autem
 (ait) audini referente aliquo, quod
 presbyter quidam vita sanctitate mira-
 bilis, & qui revelationes soleret videre
 retulisset illi tale spectaculum. Se ali-
 quando vidisse, id est, sacrificij tempore
 conspexisse, Angelorum multitudinē (si-
 cut ei possibile erat intueri) stolis sulgen-
 tibus circumdantem, & altare coronan-
 tem cum officio quo circa regem suum
 milites stare consueverunt. Quod mihi
 facile persuasum est. Alter verò (inquit)

mibi

mibi retulit, non ab alio se audisse dicēs,
sed quod ipse vidisset, quoniam de seculo
hoc recedentes, qui parti ipse mysterio-
rum illorum in conscientia munda fue-
runt cum efflauerint vltimum spiritum,
subuehi eos alacres manibus Angelorū.

Constat etiam ex sequentibus, Probatur
sacerdotū
dignitatē
nouæ le-
gis supe-
rare vete-
ris.
multò augustiorem sacerdotum
nouæ legis, quàm veteris esse di-
gnitatem. Leuitici enim generis sa-
cerdotes tabernaculo deseruientes,
pecora tantum immolabāt, agnos,
oues, hircos, capras, arietes, tau-
ros, & auiculas, illorumque san-
guinem multiformi ritu fundebant
per altaris crepidinem, quorum
oblatione nec ipsi sanctificabantur
interius, nec in alios sanctificatio-
nis gratiam transfundebant. Nouæ
verò legis sacerdotes secundum ri-
tum Melchisedech initiati, panem
& vinum offerunt domino, panem
inquam supercælestem, quod ve-
rū est Christi corpus, & vinum
sanctificationis, qui verus est Chri-

sti sanguis effusus in ara crucis, cum immolatus est verus agnus, qui abstulit peccata mundi. Qui & quotidie offertur in altari, ad illius vnicæ oblationis memoriam atque representationem.

Admonitio ad humilitatē.

Hinc non insolescant sacerdotes neque intumescant animo, cum tantum audiunt prædicari suam dignitatem adeoque sublinem, sed in spiritus humilitate gratias agant Deo bonorum omnium largitori: qui dedit talem potestatem hominibus, quod eos tanto dignatus sit honore, & ad tam arduum opus asciverit, innitenturque impensius, ut pro tanti officii dignitate recte viuant, nec acceptā administrationē sordidæ vitæ contaminent inquinamentis.

QVANTÆ VIRTVTIS ET EFFICACIÆ sit sacratissima hostia, quæ per nouæ legis sacerdotes in altaris sacrificio offertur.

CAPVT

CAPVT VI.



Exploratio in super erit
& perspectior sacerdo-
talis ordinis dignitas,
quantum attinet ad offerendi mu-
nus & sacrificandi, si cognita fuerit
apertius excellentia & nobilitas ip-
sius singularis & salutaris hostiæ,
cuius faciunt oblationem sacerdo-
tes, quam collatione eius ad hosti-
as veteris legis facta, haud difficile
erit colligere? Enimvero multipli-
ces leguntur in Leuitico fuisse insti-
tutas hostias diuersas sortitas deno-
minationes, pro diuersitate ratio-
num, ob quas offerebantur. Aliæ
namq; pro peccato dicebantur of-
ferri, quæ in perpetrati peccati ex-
purgationem & satisfactionem fie-
bant, aliæ pacificorum dicebantur
hostiæ (quæ salutaria sacrificia ap-
pellat Origenes in Leuiticum) im-
molaris solitæ aut in postulationem
accipiendi beneficii, aut in gratiarum

Leuit. 3.

Varietas
hostiarum
in veteri
testamē-
to.

J.

Hostia
propitia-
toria.

2.

Hostia
pacifico-
rum.

Leuit. 3.

Leuit. 26.

C 5

actionē

3.
Hostia ex
piationis

4.
Hostia
holocau-
sti.

Hostia
nouæ le-
gis supe-
rat om-
nia enu-
merata.

actionem pro beneficio iam ac-
cepto. Erat & hostia expiationis, pro
totius populi propitiatione, semel
quotannis offerri solita, cum sacer-
dos magnus sanguinem hirci pro
peccato populi oblatus intulit in san-
cta sanctorum coram propitiato-
rio. Præterea & holocaustū hostia
erat Hæbreorum, quæ tota concre-
mebatur Domino in altari. Iuge ve-
rò sacrificium, alterius erat generis
hostia, quæ quotidie bis sine inter-
missione offerebatur, & mane sci-
licet & vesperi. Fuerunt & alia mul-
ta sacrificiorum genera apud Israe-
liticum populum in usu, quæ &
prolixum foret enumerare, & in Le-
uitico habentur exactè digesta.

At verò hæc vnica noui testamē-
ti hostia, omnium istarum est con-
summatio & veritas: quoniam ipsa
cæterarum immolationi finem im-
posuit, & omnium earum exem-
plare est absolutū atq; archetypus.
Proinde ipsa vnice & collectim in

se con-

se continet atque complectitur, quicquid virtutis & efficaciar habent sparsim & sigillatim omnes hæ multiformes veteris legis hostiar. Est enim ipsa hostia pro peccato, quoniam verus est Agnus Dei, qui tollit peccata mundi. Est & hostia pacificorum, quoniam nos Deo pacificat, reconciliat, & placat, efficacissima quidem ad impetrandum quæcunque libet à Deo exposcere, & ad agendas Deo gratias de susceptis bonis maximè conueniens.

Probatur
eminentia
huius
hostiar
per ordinem.

Ad hæc, eadem est expiationis hostia, & oblata Deo in propitiationem pro peccatis nostris, non pro nostris autem tantum, sed etiam pro totius mundi. Certè preciosus huius hostiar sanguis illatus est in sancta sanctorum, scilicet in cælum, per summum Pontificem nostrum Christum & paternæ maiestati oblatus in peccatorum nostrorum expiationem, & totius mundi reconciliationem. Rursum ipsa

Heb: 9

C 6

est ho-

est holocaustum, quoniam tota igne charitatis feruentissimo in ira
Ioā: 20 viuificæ crucis est suspensa. Maiorem
(inquit) hac dilectionem nemo habet,
quam ut animam suam ponat quis pro amicis suis. Quod si animam suam
pro amicis suis ponere, eximie charitatis est argumentum, nonne ardentioris amoris indicium est, animam suam ponere pro inimicis suis? Hoc autem Christus nobis exhibuit, quoniam cum inimici essemus, pro nobis mortuus est. Demum
Rom: 5. eadem hostia iugè est sacrificium, quoniam iugiter & sine intermissione ad consummationem usque seculi offeretur: ut prius ostensum est.
1. Cor. 1. Quotiescunque enim (ait Paulus) manducabitis panem hunc, & calicem bibetis, mortem Domini annunciabitis, donec veniat, ad iudicium scilicet, in finem mundi. Non igitur ante cessabit hæc oblatio, quæ est preciosæ mortis Christi semel exhibitæ quotidiana annuntiatio atque expressio.

Verum

Verum vt diuersa creaturarum ^{A pari.} genera multiformibus suis perfecti-
onibus non possunt attingere, neq;
ex æquo referre totam Dei perfecti-
onem, quam tamen omnia & sin-
gula pro suo modulo & ratione ex-
primunt, & vtcunque depingunt,
ideo quod diuina perfectio, immē-
sa sit & absoluta: Ita hæc hostiarū
veteris legis multiformitas atq; va-
rietas nequaquam potest assequi
aut æquare virtutem & efficaciam
istius vnus hodie, quam tamen sin-
gulę quoquo pacto effingunt & de-
pingunt, quod eius spiritualis ener-
gia, vis atq; potentia, nullo possit
limite claudi, nulla concludi meta,
nullis finibus comprehendi. Quic-
quid igitur commendatione dignū,
admirandum aut laudabile in qua-
uis hostia veteris instituti inuene-
ris, id omne sine hæsitacione emi-
nentius atq; excellentius in hac e-
xemplari & archetypa emicat ho-
stia. Et longè amplius, quàm tota

hostiarum antiquæ legis numerositas in se continet, ambit atq; comprehendit.

Hostia &
sacerdos
Christus
idem.

Quodq; his maius est, hæc eadem salutaris hostia & summa, ipsi summo & primo sacerdoti coincidit, estq; idem sacerdos & hostia, quod seipsum in cruce pro nobis Deo patri obtulerit. Et supremus quidem sacerdos & suprema hostia, & primus dignitate sacerdos & prima hostia. Atqui in tota veteris testamenti serie, nequaquam est inuenire, hostiam ipsi sacerdoti coincidentem. Alius namq; semper est, qui offert hostiam, & alia est hostia, quæ offertur. Nisi fortasse ipsum Isaac excipias, qui spontè seipsum promptoq; animo obtulit, atq; exhibuit paternæ voluntati. Verùm id factum est, ut præcurreret huius admirandæ rei figura, & ab ipso Abraham factum est illius oblationis mysterium. Sed neq; in toto sacerdotum noui testamenti catalogo alium quempiam

Gen. 22.
Isaac figura fuit
huius hostiæ & sacerdotis
Christi.

assignare

assignare poteris, qui simul sacerdos fuerit & hostia, seipsumq; Deo in verum obtulerit sacrificium, & si spiritualiter quisq; sese Deo offerre possit hostiam viuente[m], sanctam, & beneplacentem, quantum ad obsequium, & bonorum operum exhibitionem, vt planè intelligamus hanc sacerdotis & hostiæ coincidētiā atq; concursum in eo solo comperiri, qui in utroq; primatum tenet, summumq; dignitatis fastigiū & culmen.

His accedit & aliud sacerdotum veteris legis ministerium, ferendi videlicet arcam Domini, quæ ex lignis Sethim imputribilibus erat compacta, intus & foris auro purissimo vestita. Et continens suo sinu tabulas legis Mosaicæ, virgam Aaron quæ fronduerat, & urnam auream manna continentem. Neq; cuiquam licitum erat arcam illam umbratilem & figuralem deferre, nisi qui ex Leuitico genere fungere-

tur sa-

Differentia hostiæ in veteri & noua lege à ferendo.

Exo: 25.

Heb: 9.

tur sacerdotio. At nouæ legis sacerdotes deferunt hanc salutiferam arcam, aut in solenni & publica totius populi supplicatione, aut ad infirmos, & limina templi accedere non valentes, eo saluari antidoto muniendos. Neq; cuiquam alteri fas est id sibi ministerij vendicare.

Hestia
nouæ le-
gis verè
Arca di-
citur.

Neq; abs re arcam eam appella-
uerim spiritualement & mysticam,
quæ verum Christi corpus conti-
net, nulla peccati contagione, aut
putrefactione vnquam cõtamina-
tum, quæ mirum charitatis ardore
& virtutum omnium ornamentũ
præfert. quæ denique verum legis-
latorem Regia potestate insignem,
& synceram ipsius humanitatem in-
credibili diuinitatis dulcedine re-
fertã verè integreq; complectitur.

Hec certè est arca sanctificatio-
nis, in qua omnis sanctimonia ex-
undat, & Sanctus Sanctorum con-
sistit, hæc itidem arca testamenti est,
sed noui, non veteris, hæc etiam

arca est

arca est fœderis perpetui inter Deū
& hominem, hæc denique arca est
viua & animata, in qua omnis est
plenitudo gratiæ: quæ interitum
non est passura, vt arca Moisaica, sed
permanet in æternum.

Multum igitur dignitatis accedit
sacerdotalem functionem gerenti-
bus, quod hanc tantam, & talem
immolare hostiam, hanc quoq; sin-
gularem deferre arcam ex lan-
ctione ecclesiastica possint,
quod alijs omnibus ne-
gatum esse con-
stat.

Recolle-
ctio toti-
us capi-
tis.

EX POTESTATE LIGANDI
& soluendi sacerdotibus indulta, ad-
ministrandorumque sacramento-
rum, magnam ipsorum con-
uinci dignitatem.

CAPVT VII.



NE C minus sacerdotalis
dignitatis est argumen-
tum, quod illi est con-
cessa

Magna
sacerdo-
tum po-
restas &
dignitas.

cessa potestas ligandi & soluendi super terram, non corpora hominum, sed animas, quodque huiusmodi sententia diuinæ maiestatis consistorio atque prætorio approbatur. Per hanc siquidem administrationem, & animæ peccatis mortuæ reuocantur ad vitam, & gehennæ filij fiunt filij regni, & homines implicati laqueis solvuntur ab hisce vinculis, & libertati restituntur. Sanè nec Reges nec Principes terræ æquam habent huic potestati virtutem, sed neq; Angelis cælestibus collata est hæc facultas, qua soluant aut ligent homines in terra.

Probat
S. Chryso
stomi au
thoritate
dignitas
sacerdo
talis.

Quod & ipsius Chrysostomi testimonio clarius innotescit ita in tertio libro dialogorum de dignitate sacerdotali cum Basilio differentis. *Sacerdotes* (inquit) *qui terram incolunt atque in ea conuersantur celestia dispensare meruerunt, et potestatem acceperunt, quam neque Angelis neque Archangelis dedit Deus. Neque e-*

nim ad

nim ad illos dictum est: Quacunque ligaveritis super terram, erunt ligata & in cælo; Et quacunque solueritis erunt soluta. Habent quidem & mundi principes vincendi aliquam potestatem, sed in solis corporibus. Hoc autem vinculum quod sacerdotibus est commissum, ipsam contingit animam, transitque cælos. Vt ea quæ operati fuerint sacerdotes deorsum, etiam Deus confirmet in cælis, sententiamque servorum dominus ipse corroboret. Quid ergo reliqui est, si omnis eis commissæ est potestas cælorum? Quorumcunque enim dimiseritis peccata, dimittentur, & quorumcunque tenueritis, tenebuntur. Quæ potest inveniri maior potestas? Omne iudicium dedit Pater Filio. Ad hoc video à Filio totum sacerdotibus esse commissum. Ac sicut iam translati in cælum, & humanam transcendentes naturam, atque à nostris infirmitatibus liberati in tantum inuecti sunt principatum.

Deinde sensibili exemplo manuducit nos Chrysostomus ad intelligendam

Matth. 18.

Ioan. 10.

Ioan. 5.

Chryso:

gendam huius potestatis sublimitatem. Nam si Imperator (inquit) alicui subditorum honorem impertiatur eiusmodi, ut quos voluerit in vincula contrudat, laxetque quos voluerit, dignus invidia & conspicuus ab omnibus aestimatur. Hic qui à Deo accepit, tantò maiorem his, quæ diximus potestatem: quantò est cælum quàm terra preciosus, & quanto preciosior est anima quàm corpus, ita ne modico affectus honore credetur, ut aliqui etiam suspicentur posse hanc artem ab illis quibus fuerat commissæ contemni? Procul, procul fiat talis insania.

Idem.

Ex quo rectè colligit idem sacer author eminentiam sacerdotũ noui testamenti super eos, qui in veteri lege fungebantur eo officio, cum ait: Et quidem sacerdotes in veteri testamento habebant potestatem curandi corporis lepram, immo non curandi, sed ostendendi tantum eos, quos constabat esse mundatos, & cognoscere, quantus ibi imminabat dolor. At hi non corporis
lepram,

lepram, sed immunditiam mentium, *Lev. 14.*
 non ex parte probandi, sed omnimodam
 mundandi obtinent potestatem. Hæc ille.

Nec solum reconciliationis sacra-
 mentum præstatur hominibus mi-
 nisterio sacerdotum, sed & regene-
 rationis sanctæ lauacrum, & san-
 ctum Eucharistiæ mysterium & nu-
 ptialis fœderis benedictio, & vn-
 ctionis extremæ illinimentū. Quæ
 omnia magnam conferunt salutem
 hominibus & sacerdotali duntaxat
 officio communicari possunt, vt
 constituisse videatur Deus sacerdo-
 tes, tanquam spiritualium antido-
 torum (quæ in medicamentum æ-
 grotantis animæ sanxit & dereliquit
 in terra) dispensatores atque mini-
 stros. Quod & Chrysostomus his *Chrysost*
 contestatur verbis. Neque aliud quàm
 furor vocandus est contemnere illud my-
 sterium, sine quo nobis nec salus, nec ea,
 quæ sunt promissa bona reddentur. Ne-
 mo enim valebit ingredi in regnum celo- *Ioan. 3.*
 rum, nisi ex aqua renatus & spiritu. Et

qui non

Sacramē-
 torum ad
 ministra-
 tio ma-
 gnā con-
 ciliat sa-
 cerdotib⁹
 autori-
 tatem &
 potesta-
 tem.

ioan. 6. qui non manducat carnem Domini, nec bibit eius sanguinem, non habebit vitam eternam. Quæ per nullius alterius ministerium, quam sanctis efficiuntur manibus sacerdotum. Nec gehenna utique ignem vitare, nec promissarum remuneratione potiri, nisi per illorum valemus officium. Isti enim sunt, qui nos spiritali affectione parturiunt, & regeneratione baptismatis exequuntur. Per ipsos Christum induimus, & per ipsos coniungimur Dei filio, per ipsos membra beati illius capitis efficimur.

sacerdotes oratione populum adiuuāt.
Iacob. 5.

Quod insuper orationibus suis plurimum nobis opitulari valent sacerdotes, & præsidium salutis afferre, idem ostendit ex sententia beati Iacobi dicentis: *Infirmatur aliquis ex vobis, adducat presbyteros Ecclesia & orabunt pro eo ungentes enim oleo, & oratio fidei infirmum sanabit, & suscitabit eum dominus, si & in peccatis est, dimittentur ei.*

Denique quod orationum suarum instantia nos efficacius adiuuare pos-

re possunt sacerdotes, quàm filij
 suos parentes secundum carnem,
 his deinde verbis astringit. Parentes e-
 tiam naturales si aliquas seculi potestates *Chrysost.*
 offenderint, filijs eorum nihil poterunt
 prodesse. Sacerdotes verò non solum po-
 tentes & Reges, sed etiam ipsum Deum
 frequenter iratum sua intercessione nobis
 conciliant. Hæc ille. Neque id sanè
 præter officium faciunt, vt qui in-
 ter Deum homines constituti sint
 mediatores, vt & homines ad De-
 um subuehant per sacrorum myste-
 riorum participationem atq; com-
 municationem, nec non per inter-
 nam sacræ & salutaris doctrinæ trās-
 fusionem factam illuminationem, vt
 etiam Deum ad homines inclinent
 atque deducant per beneuolā con-
 descensionem, placationem atque
 reconciliationem, pijs precibus im-
 petratam. Quod quidem sacerdo-
 tum munus & officium, orandi in-
 quam pro toto populo ad diuinam
 misericordiam impetrandam, Iohel *Iohel: 1.*

Sacerdo-
 tes inter
 Deum &
 homines
 mediato-
 res esse,
 probatur
 multis
 modis.

Pro-

- Iob. 2.* Propheta sic inlinuat. Inter vestibulum & altare plorabunt sacerdotes ministri domini, & dicent: Parce Domine, parce populo tuo, & ne des hereditatem tuam in opproprium, ut dominantur eis nationes. Quare dicunt in populis, ubi est Deus eorum? Et in sacra Machabæorum historia, cum Hebræi ab aduersarijs, multis premerentur aduersis casibus, id inter cætera annotatum est, quod orationem faciebant omnes sacerdotes dū consummaretur sacrificium, Ionata inchoante, cæteris autem respondentibus.
- 2. Mach. 1.* Domine Deus omnium creator, terribilis & fortis, iustus & misericors, qui solus es bonus Rex, solus praestans, solus iustus, omnipotens & aternus, qui liberasti Israël de omni malo, qui fecisti patres electos & sanctificasti eos, accipe sacrificium pro vniuerso populo tuo Israël, & custodi partem tuam & sanctifica. Ad hæc.
- 3.* In tribulatione Iudeorū graui quam intulit Holofernes numerofo instructus exercitu, omnibus exterminiu
- Iud: 4.*

mini-

minitans, induerunt se sacerdotes ciliciis, & infantes prostrauerunt contra faciem templi Domini, & altare Domini operuerunt cilicio. Et clamauerunt ad Dominum Deum Israël vnanimiter, ne darentur in prædam infantes eorum, & vxores eorum in diuisionem, & ciuitates eorum in exterminiũ, & sancta eorum in pollutionem, & fierent in opprobrium gentibus: & exaudita est oratio eorum.

Demum sacerdotes ipsos sua oratione sæpius iram Dei placasse, in totum populum infensi variis Testamenti veteris exemplis planum nobis redditur. Enimvero postridie quàm Chore, Dathan & Abiron dehiscente terra sunt absorpti, oborta est seditio populi, increuitque tumultus contra Moysen & Aaron quorundam improperantium illis, quòd interfecissent populum domini, coactique sunt vterque ad declinandum furorem populi, confu-

4.
Probatur

Nu: 16.

D

gere

Nū: 16.

gere in tabernaculū fœderis. Quod postquam ingressi sunt, operuit nubes tabernaculum & apparuit gloria Domini. Dixitque Dominus ad Moysem, *recedite de medio huius multitudinis, etiam nunc delebo eos*. Cumq; iacerent ambo in terra, orantes pro populo ad Deum placandum dixit Moyses ad Aaron: *Tolle thuribulum, & hausto igne de altari mitte incensum desuper, pergens cito ad populum ut ores pro eis*. Iam enim egressa est ira à Domino, & plaga desauit. Quod cum fecisset Aaron, & cucurrisset ad mediam multitudinem, quam iam vastabat incendium, obtulit thymiama, & stans inter mortuos & viuentes, pro populo deprecatus est: et plaga cessauit.

5.
Probatur

Exo: 23.

Rursum cum fecisset sibi populus in deserto vitulum conflatilem, & adorasset eum litatis hostiis atq; sacrificiis, dixit Dominus ad Moysem. *Cerno quod populus iste dura cervicis sit. Dimitte me ut irascatur furor*

meus

meus contra eos, & deleam eos, faciamque te in gentem magnam. Moyses autem orabat Dominum Deum suum dicens: Cur Domine irascitur furor tuus contra populum tuum, quem eduxisti de terra Ægypti in fortitudine magna & in manu robusta? Ne quaso dicant Ægyptij, callidè eduxit eos, ut interficeret in montibus & deleret è terra. Quiescat ira tua, & esto placabilis super nequitia populi tui. Recordare Abraham, Isaac, & Iacob seruorum tuorum, quibus iurasti per te ipsum dicens: Multiplicabo semen vestrum sicut stellas cœli, & vniuersam terram hanc de qua locutus sum dabo semini vestro, & possidebitis eam semper. Placatusque est Dominus ne faceret malum, quod locutus fuerat aduersus populum suum.

Gen: 16.

Sed & alio tempore cum clamaret aduersum Moysen vniuersa multitudo, exterrita voce exploratorum, qui missi fuerant ad contemplantam terram illis repromissam, & reuersi contreruerunt

6.

Probatum

N^o: 14

cor populi, incutientes illi pauorem, vanamque formidinem, lapidibusque Moysen vellet opprimere, concitatus furore Dominus comminatus est, quòd totum populum feriret pestilentia, atque consumeret. Moyse tamen precibus placatus, manum à plaga continuit.

7.
Probatur
Luc: 23.

Sed nonne verus ipse summusque sacerdos, in die oblationis suæ oravit patrem suum dicens. *Pater ignosce illis, quia nesciunt quid faciunt, & exauditus est à Domino.* Nam omnis turba eorum qui simul aderant ad spectaculum istud, & videbant quæ fiebant, percutientes pectora sua reuertebantur, iam pœnitidine ducti, quòd in mortem ipsius consenserant. Et nunc quoque assiduè apparet vultui Dei, & postulat iugiter pro nobis,

Heb: 9.

SACERDOTE M OMNEM SCI-
entia rerum sacrarum ornatum esse de-
bere, & salutari doctrina ad sui
ministerij functionem.

CAPVT VIII.



Æterum non poterit ri-
tè id ligandi soluendiq;
ministerium exequi &
exercere sacerdos, nisi discernendi
habeat scientiam, qua rectè diu-
dicet inter lepram & lepram, inter
eam scilicet quæ magis est exitialis,
& quæ minus exitij infert animæ,
ac inter varia mortiferorum crimi-
num genera. Non valebit item re-
ctè sacerdos alios docere viam Do-
mini & veritatis luce probè illumi-
nare, nisi sacras calleat literas, diui-
norumq; mysteriorum habeat pe-
ritiam, atq; sacrorum eloquiorum
intelligentiam. Quocirca primum
sacerdotis ornamentum, quo reful-
gere debet, est scientia rerum sacra-
rum, & eorum quæ ad suum spe-

Scientia
necessa-
ria est sa-
cerdoti.

Mat. 35 Etant officium notitia. Qua si prorsus careat, quomodo rectus aliorum duxerit in via Domini? Nonne si cæcus cæco ducatum præstat, ambo in foveam cadunt?

sacerdotes
Ægyptiorum
docti.

Certè ethnicorum & gentilium sacerdotes, leguntur insigni doctrina supra cæteros suæ nationis semper effloruisse. Apud Ægyptios fuit adeò illustris & celebris sacerdotum in toto orbe sapientia, ut Lycurgus Lacedæmonius, Pythagoras Samius, Plato Atheniensis, Democritus Abderites, & ferè Græci omnes, qui singulari claruerunt doctrina, in Ægyptum ad sacerdotes profecti sint, ut morum instituta & disciplinam illorum perciperent.

Chalda-
orum
sacerdo-
tes peri-
ti.

Sic apud Babylonios Chaldæi eorum sacerdotes, illum locum in sua Republica, quem Ægyptiorum sacerdotes quondam habuere. Ad cultum enim deorum (ut Diodorus Siculus author est) deputati, per omnem vitam Philolophari solebant.

bant. Astrologiæ, (quod omnes concedunt) ultra cæteros peritissimi habebantur, cum in ea diutius versati sint, & eorum, quæ ad sacra pertinent, scientissimi. Apud Persas Magi illorum Sacerdotes maximo in pretio fuere, & id nomen à magnitudine scientiæ sunt assecuti. Ab illis autem profluxerunt Indorum Gymnosophistæ, qui ab omni opere immunes soli rerum contemplationi & sapientiæ fuerunt intenti, & sacrificiorum dijs offerendorum curam habuerunt. Nonnullos eorum Alexander magnus interrogasse legitur, authore Plutarcho in eius vita, & singularem eorum prudentiam admiratus, multis donatos muneribus à se dimisit. Adhæc apud Græcos sacerdotium ferè Philosophiæ coniunctum fuit, & sacerdotes ibidem aut Philosophi fuerunt, aut sapientiæ studio intenti.

Persarum
sacerdotes
scientes.

Gymno-
sophista.

Græcorū
sacerdotes
sapientes.

Druyde
rerū di-

Denique apud Gallos Druyde

D 4

haud

uinarum
interpre-
tari

Quare su-
periora
exempla
sint addu-
cta.

haud longe à Carnutibus sedes for-
titi, sacerdotes habebantur antequā
supernæ lux veritatis illis terris ir-
radiaret, & rerum omnium peritissi-
mi. Qui vt refert Cæsar libro sexto
commentariorum de bello Galli-
co, rebus diuinis interesse, sacrifi-
cia publica ac priuata procurare, &
religiones interpretari ex officio ha-
bebant. Ad eos magnus adolescen-
tum numerus, disciplinæ gratia cō-
currere tum solebat. Multa de ani-
mæ immortalitate, de sideribus ac
eorum motibus, de mundi ac ter-
rarum magnitudine, de rerum na-
tura, de Deorum immortalium vi
ac potestate disputare; ac iuuentuti
tradere sunt ex more consueti, vt ex
his intelligamus illos egregia pollu-
isse doctrina. Sed quorū hæc
Quo commonstremus & Christia-
nos sacerdotes diuinæ sapientiæ stu-
dio gnauiter intentos esse debere,
cum viderint Ethnicos & idolorū
cultores sacerdotes tantam doctri-

næ &

næ & eruditionis habuisse curam simul & excellentiam, erubescant. que ab illis superari diligentia percipiendæ doctrinæ, quos longè antecedunt pia religionis sinceritate & veritatis agnitione, habentes sanctum Dei veri cultum, cuius illi erant prorsus expertes & ignari.

Sed nunc ex sacrarum literarum promptuario idem ostendamus propositum, sacerdotes, inquā, debere habere scientiam salutarem & doctrinam sacram & primum ipsius Dei testimonio, per Oseam Prophetam dicentis. *Quia tu scientiam repulisti, & ego repellam te, ne sacerdotio fungaris mihi.* Constat utiq; his verbis, propter ignorantiam & inscitiam, imò doctrinæ contemptū, diuina censura homines à sacerdotio repelli.

Rursum conqueritur Dominus per Esaiam dicens. *Speculatores eius cæci omnes, nescierunt vniuersi, canes muti non valentes latrare, videntes va-*

Probatur
ex Sacra
scriptura
accutina
necessa
riam esse
sacerdo-
tibus.

I.
Ex Pro
pheta
Osea c.4

2.
Ex Esa.
ia cap.
65.

na dormientes & amantes somnia, canes impudentissimi nescierunt saturitatem, ipsi pastores ignorauerunt intelligentiam. Sed nonne pastores omnes, & speculatores, à Domino positi domui Israël, sacerdotes sunt? quos frequenter cæcos reddit diuinorum eloquiorum ignorantia, quos elingues & obmutescences vt non allatrent in vitia hominum per seuerâ correptionem, plerunq; efficit imperitia.

3.
Ex eodem
cap. 5.

Rursum per eundem Prophetâ ait Dominus. *Propterea captiuus ductus est populus meus, quia non habuit scientiam, & nobiles eius interierunt fame, & multitudo eius siti exaruit.* Si promiscuum vulgus & laicus populus in captiuitatem aut corporalem aut spiritualem (quæ durior est, quod per eam spiritus redigatur in seruitutem & carcerem peccati) idcirco abductus est, quod scientiam Dei non habeat, potiore iure & sacerdotes ipsi in acerbam

captiuita-

captiuitatis sortem trahuntur, quia per ignauiam suam non habent eorum, quæ sui sunt officij, scientiâ, qui non solû interna doctrinæ claritate relucere debent, sed & illam extra se profundere, & in proximos per docendi officium transmittere. Quare ipsis non solum propria ad culpam imputatur inscitia, sed & eorum, quos ad Deum & operam iustitiæ debent ex officio dirigere, qui in abrupta vitiorum prolabuntur, quòd non sunt edocti legem Domini quam teneant, ob sacerdotum ignorantiam. Hinc etiam nobiles eorum, primores scilicet & maiores interierunt fame spirituali, quòd non est eis subministrata per sacerdotes verbi diuini alimonia, & multitudo populi siti exaruit, quoniam non propinauerunt ei sacerdotes poculum sapientiæ salutaris & fluuenta doctrinæ. *Vbi enim non est* Prou: 19
scientia animæ, non est bonum, ut ait
 Salomon in Prouerbis.

Homel.
2. in Le-
uiticū.

Origenes item præclare ait: Ob-
servandum sanè est, quod in peccato sa-
cerdotis non addit legislator, quia per
ignorantiam aut non voluntatem pecca-
verit. Neq; enim ignorantia cadere po-
terat in eum, qui ut ceteros doceret, con-
stitutus est. Quibus planè verbis in-
nuit ignorantiam non debere locū
habere in sacerdote, quod alios in-
stituendi provinciam assumpserit,
ad quam rectè exercendam, prom-
ptam rerum ad vitam beatam ne-
cessariarum notionem habeat, ne-
cesse est. O quàm malè sibi, quàm
malè prævidet alijs qui non videt,
ridiculosa res an periculosa magis
speculator cæcus? Plangendus est
an ridendus, doct̃or inscius, præ-
cursor claudus, prælatus negligens,
præco mutus?

4.
Ex Ma-
lachia.
cap. 2.

Ad hæc Malachias Propheta idē
comprobat, dicens. Labia sacerdo-
tis custodiunt scientiam, & legem requi-
rent ex ore eius, quia Angelus Domini
exercituum est. O præclaram sacer-

dotum

dotum & eximiam dignitatem, qui cum supernis spiritibus licet adhuc in terra diuerſantes, idem habent denominationis consortium & eandem communionem, Angelicoque nomine honorantur, quod denuntiandæ alijs diuinæ voluntatis conſimile fortiuntur officium.

Quod & Beatus Dionysius confirmat, cum ait. *Quæri autem & illud* *Diony. lib. de celesti. Hierarchia.*
ſolet ab ijs, qui diuinorum librorum ſtudio & amore flagent quam ob cauſam
ſacerdos homo inter homines, Dei omnipotentis Angelus à ſacra ſcriptura nominatur? Cui interrogationi paulò poſt hoc pacto reſpondet: *nihil (ut reor) abſurdum eſt, ſi ſacerdotem quoque hominem, theologia Angelum vocat, qui pro viribus Angelicæ proprietati docendo participat, atq; ad Angelorum ſimilitudinem (ut homini poſſibile eſt) per nuntiandi officium nritur* Sed qui id fieri poterit, quod ſacerdos ſcientiam cuſtodiat, & requiſitus legem edoceat, atq; ad alios nuntiandi e-

xerceat officium, nisi diuinæ legis sit peritus, & eorum quæ nuntiare debet, teneat scientiam?

Quanam
scientia
sacerdos
debeat
esse in-
structus.

At quanam (inquires) scientia, sacerdoti in primis est necessaria?

2. Ti. 3.

Sacræ
scripturæ
commen-
tatio.
Ecc. 24.

Certè sacrarum literarum, & diuinorum (quæ sancta continet pagina) eloquiorum, ut quæ vel sola possint & sufficiant hominem instruere ad salutem. *Omnis enim scriptura diuinitus inspirata* (quemadmodum scribit Paulus ad Timotheum) *utilis est ad docendum, ad arguendum, ad corripiendum ad erudendum in iustitia, ut perfectus sit homo Dei ad omne opus bonum instructus, quæ omnia sunt præclara sacerdotis & propria officia.* Hic etiam solus est liber vitæ & testamentum altissimi, quo omnes ad vitam rectè instituuntur, & ad veritatis perducuntur agnitionem.



SANCTITATEM ET VITÆ

probitatem etiam in sacerdote sum-
mopere requiri, ad offerendum
Deo gratum sacrificium.

CAPVT IX.



ED nunquid sola sufficit
scientia ad exornandum
sacerdotem, vt ea deco-
ratus stola prodeat securus in con-
spectu Domini, & suo ritè funga-
tur officio? Nonne aliud insuper
ornamentum in illo expetitur, nec
minus necessarium, quo decoretur?
Certè aliud honestas, inquam vitæ,
& morum probitas, sine qua scien-
tia parum utilis est, imò grauiorem
infert damnationem. *Scienti enim*
bonum facere & non facienti, peccatum
est illi, vt scribit Iacobus. Et melius
erat illis (ait Petrus) non cognoscere
viam iustitiæ, quàm post agnitionem re-
trorsum conuertere ab eo, quod illis tradi-
tum est, sancto mandato. Seruus item
qui cognouit voluntatem Domini sui, &
non se

Honestas
vitæ &
probitas
requiritur
in sacer-
dote.

Iaco. 4.

2. Petr.
2.

non se praparaui, & non fecit secundum voluntatem eius, vapulabit multis.
Luc. 12. Qui autem non cognouit, & fecit digna
plagis, vapulabit paucis.

Est itaq; sacerdotibus magnopere necessaria honesta conuersatio, & vita reprehensioni minimè obnoxia, vt non solum verbo alios doceant, sed & honestę vitę exemplo, & bona actione. Nam ipsi tanquam omnis virtutis exemplar in sublimi perfectionis monte constituti esse debent, ad quod mentis suę obtutum conuertentes reliqui vitam suam componant ad illius imitationem, & eo tanquam prototypo vtantur ad rectam omnium suarum actionum directionem. Et quod Beatus Paulus Tito scribit, quisq; sacerdotum sibi dictum esse debet existinare. *In omnibus teipsum prabè exemplum bonorum operum, in doctrina, in integritate, in grauitate.*
Necnon & id, quod idem Apostolus scribit ad Timotheum. Exem-

plum

plum (inquit) esto fidelium, in verbo, in conuersatione, in charitate, in fide, in castitate.

Parum certè confert bona sacerdotis ad populum prædicatio improbæ eiusdem vitæ coniuncta, imò propter morum improbitatem, despicabilis redditur & contemptibilis. Vt enim testatur Gregorius. Cuius vita despicitur, restat, ut eius quoq; prædicatio contemnatur. Idem quoq; in moralibus rectè ait. Ille vberes prædicationis fructus colligit, qui semina bonæ operationis præmittit. Nam loquendi auctoritas perditur, quando vox opere non adiunatur. Rursum idè super Ezechielem. Si negligis implere quod doces, alijs messèm seminas, & ipse à frumenti participatione ieiunas.

Præterea, quod longè periculosius est, sacerdotes corruptam vitæ agentes vitam, pestiferam suorum criminum scabiem transmittunt in cæteros, eosq; exemplo suæ prauitatis occidunt, quos deberêt

viuendo

Gregorius.

Vita sacerdotum malorum est contagiosa.

viuendo viuificare, quemadmodū Dominus per Ezechielem dicit de prauis sacerdotibus conquerens. *Facti sunt domui Israël in offendiculum iniquitatis.*

Ose. 9.

*Gregori
us in
Pastora
li.*

Et de iisdem rursus per Oseā Prophetam. *Laqueus ruinæ populi mei, sacerdotis mali.* Astipulatur illis Beatus Gregorius. *Nemo amplius in Ecclesia nocet, quam qui peruersè agens, nomen vel ordinem sanctitatis habet. Delinquentem namq; hunc, nemo reprehendere præsumit, & in exemplum culpa vehementer extenditur, quando pro reuerentia ordinis peccator honoratur. Qui ergo ad sanctitatis speciē deductus, vel verbo ceteros destruit, vel exemplo, melius profectò fuerat ut hunc ad mortem sub exteriori habitu terrena acta constringerent, quam sacra officia ceteris in culpa imitabilem demonstrarent. Quia nimirum si solus caderet, utcumq; hunc tolerabilior inferni pœna cruciaret. Idem quoq; in alio loco: Scire prælati debent, quod si peruersa unquā*

*Gregori
us.*

perpetrant

perpetrant, tot mortibus digni sunt, quot
 id subditos perditionis exempla trans-
 mittunt. Vnde neceſſè eſt, vt tantò ſe
 cautiùs à culpa cuſtodiant, quantò per
 praua, quæ faciunt non ſoli moriuntur.
 Hæc ille.

Meminiſſe ſanè debent ſacerdo-
 tes ſui nominis, quo Presbyteri ap-
 pellatione græca dicuntur, id eſt, ſe-
 niores, non quidem ab ætatis ca-
 nitie aut ſenio, ſed mentis maturi-
 tate & vitæ immaculatæ puritate.
Senectus enim venerabilis eſt (vt ait ſa-
 piens) *non diuturna, nec numero an-*
norum computata. Cani enim ſunt ſen-
ſus hominis & atas ſenectutis, vita im-
maculata. Qui ergo officium ſacer-
 dotale gerunt, & leuitate morum
 huc & illuc more venti aguntur, iu-
 uenilibuſq; fluctuant deſiderijs, no-
 men quidem Presbyteratus habēt,
 ab ipſa autē re longè abſunt, quòd
 animi caniciem non præferant.

Præterea debent ſacerdotes vir-
 tute compositam & bonis mori-
 bus com-

Vnde
 ſunt dicti
 presbyte-
 ri.

Sapient.
 4.

Sacerdo-
 tes debēt
 eſſe im-

maculati
propter
Missæ sa-
crificiū.

bus commendatam agere vitam, ob excellentissimum sacri altaris ministerium & offerendi sacrificii, iustitiæ & laudis officium, quod nō nisi puro vitij animo & puris manibus contingi debet & contrēctari. *Sancti* (inquit) *estote* dicit Dominus, *quoniam ego Sanctus sum*. Imò quoniam Sanctus Sanctorum est Agnus ille verus, qui immolatur Deo Patri in Sanctissimo altaris sacrificio, & fons sanctitatis immensus, non decet illum nisi à mundis & incontaminatis ministris attrectari.

Exo. 12.
Figura.

1. Cor. 5.

Si enim typicus ille Agnus Hebræorum adhibitis panibus azimis debuit manducari, non commixto vlla ex parte fermēto, certè Agnus iste immaculatus nō nisi in azimis synceritatis & puritatis est sumendus, expurgatoq; omni fermento nequitiae. Hoc & veteris legis expressit institutio his verbis. *Sacerdotes sancti erunt Deo suo & non pollu-*

ent no-

ent nomen eius, incensum enim Domini *Leus.*
 & panes Dei sui offerunt; & ideò sancti *22.*
 erunt. Quòd si in antiquæ legis sa-
 cerdotibus exposcebatur senectus,
 quantò maior in ijs, qui nouæ legis
 sequuntur instituta? Rursum de
 Hostia pacificorum ita legem san-
 xit *Leuiticus.* *Qui fuerit mundus, ve-*
scetur ex ea. Anima polluta quæ ederit
de carnibus hostiæ pacificorum, quæ obla-
ta est Domino, peribit de populis suis. Et
quæ tetigerit immunditiam hominis vel
iuementi, siue omnis rei, quæ polluere po-
test & comederit de huiusmodi carni-
bus, interibit de populis suis. Quæ igitur
munditia in ea exposcitur ani-
ma, quæ hostiam salutarem immo-
latura est & manducatura, cuius
sanguine pacificata sunt omnia &
Deus mundo reconciliatus? Debet-
ne illa impolluta esse & ab omni cõ-
tactu rei immundæ contagioneq;
peccati quàm maximè aliena?

Sed nunc Beatũ Ioannem Chry-
 sostomum audiamus de dignitate

Chryso-
stomus
lib. 6.

sacerdo-

*Dialo-
gorum
de di-
gnitate
sacerdo-
tali.*

sacerdotali, ita nostrum propositū
astruentem. Nam eum qui pro omni
ciuitate (quid autem dico pro ciuitate?
imò pro vniuerso mundo) legatione fun-
gitur, & deprecatur iniquitatibus om-
nium propitium Deum fieri, non solum
viventium sed etiam mortuorum, qua-
lem putas esse debere? Ego quidem Moy-
si & Helix confidentiam, huic non puto
supplicationi posse sufficere. Sicut enim
is, cui sit commissus vniuersus mundus,
& qui sit pater omnium ita accedit ad
Deū obsecrans extingui quicquid ubiq;
pugnarum est, dissipari tumultum pla-
cari omnia, & tam priuatis malis quam
publicis imponi finem, itaq; tantum dif-
ferre debet omnibus precator virtutis e-
minentia, quantum pracellit & ipso di-
stat officio. Cum verò etiam Spiritum
Sanctum aduocauerit & reuerendam
illam immolauerit hostiam, communēq;
omnium Dominum subinde contigerit,
vbi illum (dic mihi) nostra aestimatione
ponemus? quantum ab illo splendorem
poscimus, & quantam religionem? Ex-

pende

pende enim quales oporteat eius esse manus tantarum rerum ministras, qualem linguam talia verba fundentem, aut quo genere non mundio rem, & sanctiorem animam esse talem spiritum recepturam. Ecce ex magnitudine & sublimitate officij sacerdotalis in immolatione illius augustissimæ hostiæ, quā tam ostendat Chrysostomus in offerente sacerdote debere esse sanctitatem & munditiam. Et id meritò quidem. Nam teste Gregorio, cum is qui displicet ad intercedendum mittitur, irati animus ad deteriora provocatur. Et malis sacerdotibus denuntiat per Malachiam Dominus Maledicā benedictionibus vestris. Rursum per Esaïam Prophetam. Cum extenderitis manus vestras auertam oculos meos à vobis, & cum multiplicaveritis orationem, non exaudiam, manus enim vestra sanguine plena sunt. Cui etiam respondet Propheta in Psalmo dicens, Iniquitatem si aspexi in corde meo, non exaudiet Dominus,

Gregori
us.

Malach. 2.

Esaï. 1.

Psa. 65.

Deniq;

Ioan. 9.

Deniq; apud Ioannem cæcus ille à natiuitate non minus animo quàm corpore iam illuminatus ait, *Scimus, quoniam peccatores Deus non audit, sed si quis Dei cultor est, & voluntatem eius facit hunc exaudit.* Ex his utiq; constat prauorum sacerdotum preces non esse Deo acceptas.

PROFVNDÀ HV MILITATE,
suiq; ad diuinam maiestatem exinani-
tione opus esse sacerdoti, ad offeren-
dum altaris sacrificium.

CAPVT X.

NE igitur temerè quispiam & im præparatè accedat sacerdos, ad reuerendum istud & summè venerandum sacrificium Deo offerendum: in primis attento animo debet considerare summam ipsius maiestatem, qui in huiusmodi offertur ministerio, & ex illius consideratione in suam resiliire paruitatem, imò (vt ita dixe-

rim.)

rim) nihilitatem, qua se verè coram Deo humiliet: indignitatem suam confiteatur, & refugiat tam sublime tractare sacramentum.

Enimverò si attendere lubet, quantus & qualis ipse est, qui in hoc sacratissimo mysterio offertur certè & cæli & terræ Dominus est, qui vitæ & mortis habet potestaté, deducit vsque ad portas mortis & reducit, quique claves habet mortis & inferni. Ipse vnigenitus est Dei filius à patre ante sæcula genitus, & eidem coæternus, cuius æternitas circulari hostiæ visibilis figura cum neque principium habeat neque finem, (vt linea recta) sanctorum patrum instituto exprimitur atque significatur. Idem quoque vnigenitus est Deiparæ Virginis Mariæ Filius, & verus homo ex substantia matris in sæculo natus, nullam in se habens peccati maculam. Cuius omnimodam puritatem & immunitatem à peccato,

Maieestas
Dei in
hoc My-
sterio
quanta.

Apoc. i.

Æterni-
tas Dei
hostiæ in
figura de-
notatur.

E

candor

Candor
hostiæ
puritatē
Dei signi-
ficat.

Tremen-
da DEI
Maie-
stas.

candor hostiæ sacræ conspicuus ex
ipſius Eccleſiæ decreto nobis refert
atq; inſinuat. Ipſe certè eſt & non
alius, qui paſſus eſt pro nobis acer-
biſſimam in Cruce mortem, vt nos
viuificaret. Qui precioſum Sangui-
nem ſuum effudit, vt nos redime-
ret. Deuiſta deinde morte rediui-
uus ad immortalem ſurrexit glori-
am, cælos triumphali virtute con-
ſcendit, ſedet ad dexteram paternę
maieſtatis in excelsis, inde venturus
iudicare viuos & mortuos. Ipſe i-
gitur Creator noſter eſt, ipſe Re-
demptor noſter, ipſe Iudex noſter,
in cuius manus anima noſtra deue-
niet ſoluta corpore, & recipiet ab
eo ſuorum operum ſtipendia atq;
mercedem.

Sed quis antè tantum Iudicem
(cuius magnitudinem neq; cæli, ne-
que terra capere poſſunt, cuius po-
teſtati obluſtari valet nemo, in cu-
ius ditione cuncta ſunt poſita, nec
quiſquam voluntati eius reſiſtere

potest

potest) se constitutum cernens, nō
 totus contremiscat, exhorrescat e-
 ius maiestatem, & totus tremore
 concutiatur? Si columnæ cæli &
 Angelicæ potestates contremiscūt
 & pauent ad nutum eius, trepi-
 dantq; ob immensitatem sublimi-
 tatis illius, quid faciet homo conce-
 ptus in iniquitatibus, & qui semper
 vitam agit in peccatis? Certè aliud
 nihil habet quod faciat, nisi quòd
 prouoluat se humi ante thronum
 diuinæ maiestatis, procumbat hu-
 militer, & pronus in terram proci-
 dat humili animi affectu, atque in-
 dignum se esse ad tam reuerēda per-
 agenda mysteria, interna mentis
 lingua fateatur. Nec modo indi-
 gnum se, imò & nihil seipsum esse
 nisi terram & lutum ad illam celsi-
 tudinem diuinæ virtutis conteste-
 tur: quin imò ob peccatorum fœ-
 ditatem & corruptelam, longè in-
 fra terram & lutum se constituat.

Heb. 13

106. 26.

Abrahæ
humili-
tas.

E 2

gularis,

Gen. 19.

gularis, & omni virtute probatus, seipsum pulverem & cinerem vocavit, cum esset Deum allocuturus (loquar, inquit, ad te, cum sim pulvis & cinis ?) quid faciet sacerdos ab ipsius Abraham perfectione multum distans, verum Deum & Dominum suum immolaturus atque sumpturus ? Nonné longè infra cinerem & pulverē se debet projicere, propter gravia sua peccata, demergentia hominē in infernum ?

2. Reg.

24.

Hiebus
humili-
tas.

Rursus Areuna Hiebusæus cum animaduertisset David Regem ad se venientem cum servis suis, egressus adoravit Regem pronò vultu in terram, admiratusque tantam illius benignitatem, humiliter ait. *Quid causa est, ut veniat Dominus meus Rex ad servum suum ?* Nihilominus erat ipse David naturæ mortalis conditione, illi ad quē veniebat prorsus æqualis. Nonné igitur sacerdos antè Domini sui præsentiam in hoc altissimo consti-

tutus

tutus ministerio, ex profundo cordis affectu debet admirabundus proclamare: *Vnde mihi hoc, ut veniat Dominus meus ad me, nec meus solum, sed & hominum & Angelorum Dominus super omnes exaltatus?* Et nihil sibi ipsi aut operibus iustitiæ quæ fecerit ascribens, totum id diuinæ benignitati debet acceptum referri.

Athæc Rex Salomon in oratione sua cum dedicaret templum à se constructum Domino, inter cætera ait. *Si calum, & cali calorum te capere non possunt, quanto magis domus hæc quam adificavi tibi? Cuius humilem professionem imitatus sacerdos, dicat intra se.*

Neq, cali Domine neq, terra te capere possunt, ob magnitudinē tuā maiestatis, quanto magis te nequaquā cōprehendere valet domus hæc cordis mei, quam tibi preparavi? In qua nō sunt fateor ea virtutū ornamenta, quæ tuā decent magnificentiā. Non est ille charitatis fervor, ille fulgor fidei, ille bonorum operum splen-

2. Reg.

8.

Salomonis humilitas.

Interna
sacerdotis ad
Deum
excursio

Lev. 13.

dor, quem tua exposcit dignitas, imò nihil in ea ex me ipso, nisi peccatorum sordes & tetra eluuiēs. Prohibuisti Domine sub graui interminatione, ne quispiam in Leuitici sacerdotij tempore habens maculam in corpore, accederet ad offerendū tibi sacrificium, voluistiq; illius temporis sacerdotes immaculatos esse & nulla deformitate notatos. Hæc tamen omnia in figura illis contingebant, & habebat ipsa lex umbram futurorum bonorum, non ipsam veritatem, significabantq; illa legis antiquæ instituta, sacerdotes nouæ legis omni debere carere macula cordis, quæ longè quacunq; corporis deformitate est magis horrenda & abominabilis. Si itaq; sanguinem hircorum aut taurorum immolaturus sacerdos, omnis macula quæ corpus dedecorat & deformat, esse debuit immunis, an anima sædam labem & pestem geret in iustā longo vsu, qui Agnū immaculatum & verum est Deo oblaturus? Horrerene debet sui consilij mali, tanta contingere sacra? Verum quis dicere potest Domi-

ne, mun-

ne, mundum est cor meum, & purius ego
 sum à peccato? Iniquitates meae Domi-
 ne supergressae sunt caput meum, & si-
 cut onus graue grauatae sunt super me,
 multiplicatae siquidem sunt super capil-
 los capitis mei. Et cor meum dereliquit
 me, vulnera praeerea peccatorum gra-
 uia, sicut sagittae infixae sunt cordi meo,
 quo igitur modo ausim ò Domine tuum
 altare accedere, quod non nisi mundis
 manibus & corde puro debet adiri? Vnde
 in id deueniam temeritatis & auda-
 cia, ut omni ex parte peccato informi &
 multiformi cordis scditate deturbatus,
 ausim ad tam sublimè offerendum sacri-
 ficiū me ipsum ingerere.

Pro: 20.

Psal: 37.

Psal: 33.

Apoc: 3.

Demum in sacris reuelationibus tuo
 dilecto discipulo ostensis, ad vnum An-
 gelorum septem illis Ecclesiis praesidentium
 Domine dixisti. Utinam frigidus esses
 aut calidus, sed quia tepidus es, & nec
 frigidus nec calidus, incipiam te euo-
 mere ex ore meo. Quo quidem verbo a-
 pertè indicasti Domine, te cordis tepore
 omninò auersari, atq; refugere. Et id

quidem merito nam ipse ignis es consumens, & flamma comburens montes, idcirco ignitos exposcis animos & flagranties igne diuini amoris. At cor meum Domine Deus meus, neque flamma illa tua charitatis incalcescit, neq³ feruentium cupiditatum extinctione algescit, sed ad bene operandum ignauia & torpore in-
tepescit penitus, vt ne minima quidem

Deut. 4. in anima mea foco sit scintilla, vnde rediuiua exuscitetur in me tua dilectionis flamma. Quomodo igitur formidandum mihi non est, ne abs te enomiar, vt dignus sum, & repellar vt seruus inutilis & maledictus, qui facit opera sua negligenter? Qua fiducia accedam montem illum ardentem & flagrantem igne charitatis inextinguibili, qui torpore animi atq³ socordia torpescens, nihil in me sentio diuini incendiij atq³ caloris?

Leu. 16. Deniq³ iussisti Domine sacerdotibus Leuiticis, quod ignis in altari tuo semper ardeat, quem nutriet sacerdos subiiciens per singulos dies, quodq³ ignis iste sit perpetuus nunquam deficiat in altari. Quo

praecepto

præcepto mysticè insinuasti, in altari cordis nostri (super quo offerre tibi quotidie debemus sacrificia bonorum operum) ignem charitatis nunquam debere extinguere, sed iugi & continua beneficiorum suorum in nos recordatione illum enutrire in nobis, ac magis succendi. Aique in ara cordis mei Domine non est succensus ille ignis, quo adoleam tibi holocaustum, incensum & adipem. In meditatione mea Domine non exardescit ignis, quia neque tuorum in me bonorum iugis est recordatio, neque studium mihi est aut curare hunc sacrum ignem suscitandi in altari cordis mei, quo immolem tibi sacrificium laudis, & reddam tibi Domino altissimo vota mea.

Hic: 48

Psal: 38.

Hæc & similia piè meditetur apud se sacerdos, ut in abyssum humilitatis se demittat, & attonitus altitudine diuinæ potestatis, celsitudine maiestatis supernæ, & sublimitate tanti mysterij, resiliat ab eo tanquam indignus, qui illud cōcelebret. Et eo ipso maximè con-

Conclusio.

Psal: 49

E 5

sequetur

sequetur vt dignum illum efficiat
 Dominus, qui superbis resistit, &
 humilibus dat gratiam. Si quidem
 hoc pacto præclari & sanctitate il-
 lustres viri leguntur plerunq; recu-
 sasse sacerdotalis ordinis fastigium,
 ob dignitatem eius, & mysterij in
 eo perficiendi excellentiam atque
 magnitudinem. Inter quos sacra-
 tissimus pater Ioannes Chryso-
 stomus libro sexto dialogorum de di-
 gnitate sacerdotali, Sanctum Basi-
 lium exhortantem ipsum ad sub-
 eundam hanc functionem Ecclesi-
 asticam, his compellit verbis. Nec-
 dum in horrescis (inquit) quod ad ta-
 le mysterium me nitebaris inducere, in-
 dutumq; sordidis vestibus, sacerdotum
 inserere dignitati? cum talem Christus à
 conuiuantium congregatione separauit.
 Splendore etiam vita totum illuminan-
 tis orbem, fulgere debet animus sacerdo-
 tis. Noster autem tantis operitur tene-
 bris mala videlicet conscientia, vt in-
 curuetur, semper, nec ad Deum cum fi-
 ducia

1. Pet. 4.

Chryso-
stomus.Humili-
tas sancti
Chryso-
stomi.

Mat. 22.

ducia audeat aliquando respicere. Sacer-
dotes item, sales terra sunt. Nostram *Mat. 5.*
autem insipientiam & in omnibus
ignorantiam, quis queat facile su-
stinere? exceptis vobis qui ni-
mis nos diligere decreuistis.

Hæc ille.

EX CONSIDERATIONE BE-
 nignitatis & humanitatis Christi, sacer-
 dotem debere fiduciam sumere offe-
 rendi Deo altaris sacrificiū.

CAPVT XI.



VERVM hæc propriæ in-
 firmitatis recognitio &
 sui ipsius deiectio, ex cō-
 sideratione magnitudinis diuinæ
 maiestatis concepta, non debet vs-
 que adeò sacerdotem ipsum ab-
 sterrere, vt penitus refugiat huius
 tanti mysterij celebrationem, sed a-
 nimum sic trepidum & attonitum
 reuocare debet & erigere, summa
 Christi benignitas & humanitas no-
 bis exhibita, fiduciamq; illi sugge-

E 6

rere fa-

Humili-
tas cum
confiden-
tia pia.

rere sacrum accedendi altare, & hoc sacrificium offerendi. Laudanda quidem est humilitas cordis animū deterrens ab hoc ministerio. Sed non min⁹ commendanda animi confidentia, qua non in suis fidens operibus, sed in sola Dei bonitate aggreditur huius muneris functionem.

Placuit certè Domīno humilitas
Mat. 8. Centurionis detrectantis aduentū
 Domini ad domum suam, his ver-
 bis. *Domine non sum dignus vt intres
 sub tectum meum.* Æquè tamen gra-
Luc. 16. ta fuit eidem Zachei promptitudo
 & hospitalitas, qua Dominum di-
 gnatum subire illius tecta suscepit
 in domum suam gaudens. Placuit
 item Domino nostro Beati Petri
 humilitas, qua attonitus in captu-
Luc. 5. ra piscium dixit. *Exi à me Domine,
 quia homo peccator sum.* Nihilomin⁹
Ioan. 21 placuit eidem & feruor ille Petri &
 affectus syncerus, quo impatiens
 moræ demisit se in mare, vt veniret

citius

citius ad IESVM in littore confitentem quàm nauigio venire posset. Demum placuit Domino humilitas Ioannis recusantis baptismi circa eum ministerium, his verbis. *Ego à te debeo Baptizari, & tu venis ad me?* Sed non illi grata fuit eiusdem obedientia, qua baptismi officium à Deo sibi designatum etiam circa Dominum & Deum nostrum exercuit. Itaque ad erigendum in fiduciam animum suum, hæc apud se sacerdos mente in Deum effusa reuoluat.

Magnus quidem es Domine, sed propter nos te paruum absq; tui diminutione fecisti, cum homo fieri dignatus es, & in mundo nobiscum conuersari. Seruiunt tibi obedienter Angelica virtutes, & ad nutum tuum iugiter obtemperant, sed & ipse in mundum venisti non ministrari sed ministrare, & dare animam tuam in redemptionem pro multis, atq; in medio discipulorum tuorum fuisti, non sicut qui recumbit, sed qui ministrat. Et quod

Mar: 3.

Interna
sacerdotis
ad Deum
oratio.

Mar: 20.

Luc: 22.

Ioan: 13.

E 7

amplius

amplius est, pedes eorum abluere & ex-
 tergere non es dedignatus. Ecce Domi-
 ne pedes affectuum meorum habeo sordi-
 dos, aspersos pulvere curarum & solici-
 tudinum huius seculi, & contaminatos
 luto carnis concupiscentia. Non id
 arrogans (oro) & temerarium videat-
 ur, si extendam & ipse pedes meos, ut à
 relauentur. Mitte obsecro aquam con-
 tritionis in peluim cordis mei, laua pedes
 meos vnda salutari, & exerge linteo
 tua benignitatis. Si dixero Domine cum
 Beato Petro ex humilitate cordis, Non
 lauabis mihi pedes in aeternum, timeo ne
 audiam formidabilem tuam commina-
 tionem illi dictam: Si non lauero te, non
 habebis partem mecum. Obedientiam
 certè tunc ab eo exposcebas, non tantum
 humilitatem, quam & ipse haud cun-
 ctanter praeiitit: mihi quoq; eandem
 praestandum ipso da gratiam, & dicen-
 di. Domine non tantum pedes mihi la-
 ua, affectusq; meos, sed & manus, id est,
 opera mea & caput, intentionemq; cor-
 dis omnia opera disponentem, ut efficiar

tua

tua gratia adiutorio mundus totus, teq;
in puritate & munditia possim contre-
clare & sumere.

Non abhorruisti Domine Deus meus
contactum leprosi, adorantis te & dicen-
tis, Domine si vis, potes me mundare. *Mat. 9.*

Ita & manum tuam virtutis extende in
animam meam, dic te velle eam munda-
re, & protinus mundabitur ab omni le-
pra peccati, qua miserè premitur. Non
exhorruisti etiam Domine, neq; cum su-
percilio reiecisti mulierem, iam duode-
cim annos profluvio sanguinis laboran-
tem, sed & sanam eam reddidisti, & tre-
mentem benignè consolatus es dicens.
Confide filia, fides tua salvam te fecit.
Ipse verò non duodecim tantum annis
sed toto vitæ meæ tempore, fluxus car-
naliū desideriorum sum perpeffus, &
carne spiritum pragrauante ad delicias
& oblectamenta seculi huius pellectus.
Reprime igitur contactu tua gratiæ in-
terno has fluitantes carnis illecebras.

Insper mulierem Chananeam assi-
duè pro filia sua deprecantem demum e-
Mat. 15.
xaudisti,

xaudisti, demoniumq; ab ea compescuisti.
 Ita Domine miserere mei, anima mea
 male à damonio torquetur, non vno sed
 pluribus: tot enim me torquent damo-
 nia, quot in anima mea regnant pecca-
 ta. Sed qui Principem huius mundi fo-
 ras eiecisti, ejce tuo in meum hospitium
 aduentu, & exturba fauum tyranum,
 qui me excruciat, & animam meam
 vult deglutire. Non es auersatus itidem
 Domine illam peccatricem flumine la-
 chrymarum suarum sacros tuos pedes
 abluentem, non recusasti oscula qua pe-
 dibus tuis dedit: nec vnguentum, quo
 illos inunxit, dimissis illi peccatis suis in
 pace eam abire iussisti. Ita nec me ipsum
 Domine dedigneris, ad pedes tuos effu-
 sum atq; prostratū, & peccatorum meo-
 rum veniam postulantem.

Luca 7.

Præterea cum publicanis & peccato-
 ribus conuersari in terra non recusasti,
 manducasti & bibisti cum illis, voluistiq;
 vt appropinquarent tibi ad audiendum
 verba tua. Quid igitur nunc prohibebit
 & me ad te Domine accedere, quamuis
 peccator

peccator sim? Nunquid minor nunc est
benignitas tua, quam tunc fuerat? nihi-
lo certè minor. Eadem est prorsus, &
nulla ex parte immutata. Dixisti etiam
Domine, & verum est, quòd non est opus
valentibus medico, sed malè habentibus,
adiecistiq; te venisse non ad vocandum
iustos, sed peccatores ad pœnitentiam.
Ego ptanè si sanus essem, ad te medicum
non properarem. Si iustus forem, ad te
iustificationem non accelerarem. Sed
quia ægrotus sum, indigeo medico. Et
quoniam peccator sum, egeo Salvatore.
Imò eo ipso testificor meum morbum &
probo, quòd ad te medicum confugio.
Sordidus sum fateor Domine, sed tu fons
es misericordiæ ad abluendas sordes meas.

Mat. 9.

Tenebrosus est animus meus & nebu-
lis vitiorum obductus, sed tu lux es im-
mensa ad illuminandum tenebras meas.
Mortuus sum Domine, & à te fonte vi-
uo diuulsus per frequentem peccatorum
perpetrationem, quæ animam peccantiæ
occidunt. Sed tu fons es vitæ; tu vita es
ætterna, omnia solo verbo viuificans. Vt Sap. 16.

igitur

Mat. 11

igitur abste viuificari valeam, ecce venio ad te Domine, viuifica me secundum verbum tuum: Caterum quidni ad te venire? inuitasti me ad hoc ipsum Domine Deus meus, cum dulcissima vocatione omnes ad te venire monuisti dicens.

Venite ad me omnes qui laboratis & onerati estis & ego reficiam vos. Laboravi Domine iam diutius, & ambulavi vias peccatorum difficiles. Oneratus etiam sum graui fasce peccatorum, & iniquitates meae sicut onus graue grauata sunt super me. Refice igitur me hoc dulcissimo edulio, quod in altari tuo offertur ut hac refectiōe abeat omnis ille labor peccatorum, quo hactenus fui occupatus, & dulcis sit omnis sudor, qui pro te suscipitur. Depellantur etiam pondera peccatorum meorum & proijciantur à me, ut posthac suauem tuum iugum lubens feram, Neque solum vocasti me suauissimè ad hoc conuiuium Domine Deus, sed & grauem panam comminatus es illis, qui hunc cibum & potum anima non sumerent, cum dixisti. Nisi manduca-

manducaueritis carnem filij hominis, & biberitis eius sanguinem, non habebitis vitam in vobis. At triste admodum est & ærumnosum, vitam spiritualem non habere, sed in perpetua versari morte. Et qui ad cenam magnam vocati sunt, nec venire voluerunt ab irato patrefamilias indigni eius conuiuio sunt habiti. LUC. 14.

Ne igitur illis annumerer, ne excludar ab illorum beatorum consortio, qui manducant panem in Regno Dei, ecce venio ad te Domine, & de tua benignitate confusus ad te cum fiducia accedo.

Sanè horum & similium pia meditatione, quæ mens in Deum intentata suggeret, animus erigetur in cælum, & ad hoc altaris ministerium

fidentius exequendum con-

fortabitur in Domino atq;

roborabitur, proiciens

se in sinum miseri-

cordiæ eius.

QVAM TIMENDA EST INDIGNA huius ministerij executio, & quanta gratiæ exuberantia rectè ipsum exercentibus confertur.

CAPVT XII.

NON debet tamen isti fiducia deesse timor, tanquam eam moderans & temperans, animumq; suæ salutis reddens sollicitum. Si quidem metuere debet mens humilis, ne indignè tantum accedat ministerium, ne minus æquo præparata, ne circa sui ipsius probationem negligēs, summam eius cui famulatum vult impendere maiestatem offendant. Neque vnquam animo timorato excidere debet illud Beati Pauli

1. Cor. 11. *verbum. Qui manducat panem hunc, & bibit calicem Domini indignè, reus erit Corporis & Sanguinis Domini, iudiciumq; sibi manducat & bibit, non diiudicans Corpus Domini. Propterea anxie sollicitus sit & sedulus, vt secundum eiusdem Apostoli monitū probet seipsum per diligentem vitæ antea actæ inquisitionem, per accuratam propriæ conscientie ex-*

mutatio-

minationem atq; discussionem per
 puram & synceram peccatorum
 suorum confessionem, & sic de pa-
 ne illo edat, & de calice bibat. Si-
 quidem dictum est à Domino in
 Exodo, *quòd bestia quæ tetigerit mon-*
tem interficietur: & lapidibus obruetur
aut confodietur iaculis. Si non debu-
 it corporalem illum montem in
 quo lex danda erat tangere bestia
 rationis expers siue iumentum, ali-
 oqui morti erat obnoxia: quomo-
 do maiore supplicio dignus non e-
 rit, aut gehennæ effugiet ignem,
 qui bestialem agens vitam, cum in
 honore sacerdotali esset, non in-
 tellexerit eius dignitatem? qui cõ-
 paratus iumentis insipientibus, &
 similis factus illis audet tangere
 montē illum sanctū montē Dei,
 montem pinguem, montē in quo
 beneplacitum est Deo habitare in
 eo? Sacratissimum scilicet Eucha-
 ristix mysterium & cælo & terra
 sublimius, & suæ dignitatis culmi-
 ne cælos

Sacerdo-
 tibus ti-
 mendam
 esse indi-
 gnam ce-
 lebratio-
 nem, pro-
 batur va-
 riis exem-
 plis.

J.
 Probatur
 exemplo
 Montis.
 Exo: 61.

psa: 48.
 Psa: 67.

ne cælos iplos atque Angelicos spiritus transcendens.

2.

Probatur
à sancti-
ficatione
sacerdotū
antiquæ
legis.

Exo: 19.

Propterea eodem loco legitur Dominus dixisse ad Moysen. *Sacerdotes quoq; qui accedunt ad Dominū, sanctificentur, ne percutiam eos.* Si cōminatus est plagam ijs sacerdotibus antiquæ legis, qui minus æquo sanctificati ingererent se ad obeunda sua ministeria, nunquid manū continebit à percussione, si attentent nouę legis sacerdotes sine sanctificatione, & debita per mundiciam præparatione accedere ad Dominum atq; altaris officium?

3.

Probatur
ab exem-
plo Beth-
samarū
1. Reg: 6.

Rursum quoniam minore, quā par fuit reuerentia, Bethsamitæ viderunt arcam Domini, cum à Philisteis reduceretur, viderunt inquam detectam & nudam quod illis fas non erat, percussit Dominus (vt sacra primi libri Regum narrat historia) de viris Bethsamitis, eo quòd vidissent arcam Domini, & percussit de populo septuaginta vi-

ros &

ros & quinquaginta millia plebis. Luxitq; populus eo quod Dominus percussisset plebem plaga magna & dixerunt viri Bethsamitæ, *Quis poterit stare in conspectu Domini Dei sancti huius, & ad quem ibit ex nobis?* Ecce propter illatam populo grauem plagam, cæteri Bethsamitæ timore magno correpti sunt, neque ausi apud se arcam Domini diutius detinere. Quis igitur non timeat homo arcam viuam & animatam, arcam spiritualem & superdiuinam (in qua inhabitat omnis plenitudo diuinitatis corporaliter, in qua sunt omnes thesauri sapientiæ & scientiæ absconditi) impuris spectare oculis aut animo malorum conscio apud se suscipere?

Colof. 2.

Præterea. Oza manum admo- uens arcæ minanti ruinam perculsus est à Domino super temeritate sua, & morte repentina extinctus, quod plaustro eam imposuerat bo- bus vectandam, quæ solis leuitarû

humeris

4:
Probat
ab exem-
plo Ozz.

2. Reg: 6

humeris ex diuina ordinatione debuit deferri. Et extimuit David Dominum in die illa dicens. Quomodo ingredietur ad me arca Domini & noluit ad se diuertere arcam Domini in Ciuitatem David. Fuit autem arca illa, solum figura & vmbra huius Sanctissimi Sacramenti, in se omnē gratiæ exuberantiam continentis. Quomodo ergo mortem effugiet, qui ausit impudenter extendere manus impias & pollutas sanguine, in hanc Sacratissimam arcam? & quis non concutietur vehementi timore, ne ira Dei descendat super eum?

5.

Probatur
ab exem-
plo istius
qui care-
bat veste
nuptiali.
Mat: 22

Adhæc. Qui sine veste nuptiali venerat ad discumbendum in nuptijs filii Regis acriter reprehensus est à Rege ingresso, vt videret discumbentes, his verbis. Amice, quomodo hic intraisti non habens vestem nuptialem? Deinde iussus est ligatis manibus ac pedibus, pronci in tenebras exteriores. Quem quidem Euangelij lo-

cum Au-

cum Augustinus in vno sermone *Augustinus*
 de dedicatione Ecclesiæ adducens *7266.*
 subiungit. Ecce qualem sententiam
 merebitur audire, qui ad conuiuium nu-
 ptiale, id est, ad altare Domini aut ebrī-
 osus, aut adulter, aut odium in corde re-
 tinens, præsumit accedere. Avertat
 hoc à nobis Deus fratres charissimi, &
 concedat, ut mala ista aut nunquam ve-
 limus admittere, aut si admissa fuerint,
 sine vlla mora, per pœnitentiam studea-
 mus sanare, & largioribus eleemosynis
 festinemus abluere. Ne fortè si cum
 peccatorum vulneribus ante tribunal
 æterni iudicis venerimus, ab illa æterna
 Ecclesia & ab illa celesti Hierusalem, *Idem.*
 perpetua excommunicatione separemur.
 Rursum idem in supradicto loco.
 Rogo vos fratres, diligenter atten-
 dite. Si ad mensam cuiuscunq̃, potentis
 hominis nemò præsumit cum vestibus
 concisis & inquinatis accedere, quanto
 magis à conuiuiò æterni Regis, id est, ab
 altari Domini, debet se vnusquisq̃, inui-
 dia vel odij veneno percussus, vel iracun-

die furore repletus, cum reuerentia & humilitate subtrahere, propter illud quod Mat. 5. scriptum est. Vade prius reconciliari fratri tuo, & tunc veniens offeres munus tuum. Hæc ille.

6.
Probatur
exemplo
Nadab &
Abiud.
Le: 10.

Insuper Nadab & Abiud filij Aaron, arreptis thurribulis obtulerunt Domino ignem alienum, quod eis præceptum non erat, & protinus à Deo percussi, mortui sunt in eodē loco. Cur (oro) simile non extimescunt iudicium, qui ignem carnalis concupiscentiæ, auaritiæ, aut iracundiæ prorsus alienum ab igne charitatis offerunt Domino? cum igne cupiditatis flagrantes aut libidinis, scelestas ingerunt manus ad offerendum Deo sacri altaris holocaustum.

7.
Probatur
ab exem-
plo Iudæ.
Ioa. 12.

Quem deniq; non exterreat infamatus ille & miserabilis Iudæ traditoris exitus? qui post susceptum indignè hoc sanctissimum Sacramentum sathanæ traditus in interitum, laqueo sibi mortem consci-

uit, su-

uit, suspensulque crepuit medius.
 Quis iure non timeat, ne post indignam tanti cibi manducationem intret in manducantem lathanas, quemadmodum in illum intrasse legitur?

Demum Beatus Paulus multos Corinthiorum scribit infirmos esse ac imbecilles, multos item immatura morte dormire, quod sine debita veneratione & reuerentia hoc tantum sacramentum auderent sumere. Cur ergo non timeamus similem afflictionem nobis à Deo illatum iri, si minus quam oportet reuerentes & apparati fuerimus ad atrectanda hæc sancta & incontaminata mysteria?

Cæterum quantò grauiora impendent malis, qui irreuerenter & illotis (vt aiunt) manibus hæc contrectant, quorum consideratione meritò deterremur ab hac sanctorum communione, tantò cumulatiora manent gratiarum mu-

8.

Probat
 exemplo
 Corinthiorum.

I. Cor:

11:

Sacerdotibus dignè celebrantibus magna confertur gratia.

nera eos, qui cum debita (vt fragilitas finit humana) præparatione & deuotione accesserint piè & religiosè ad horum mysteriorum participationem. Quod è diuerso debet incitare & prouocare animû, vt ardenti affectu ac desiderio ad ea totus aspiret.

1.

Probat
longa ad
Deum o
ratione à
benedi-
ctione
domus
Laban.

Gen. 31.

Gen. 39.

Si enim benedixisti Domine Deus domui Laban ad introitum Iacob, & domui Aegyptij ad ingressum Ioseph, non quidem ob ipsius Laban aut Aegyptij virtutem (nam vterq; à te erat alienus, hic religionis ignorantia, ille fraudulentia) sed ob illorum, qui domos illas ingressi sunt singularem probitatē: nonne vberiore dabis nobis benedictionem, cum domum nostri cordis fueris ingressus per sacram horum mysteriorum communionem? Larga præterea benedictio tua descendit super domum Obededom, & bonorum multiplicatio, ob arce maritima praesentiam. Quid igitur faciet arce diuina sacratissima & supercaelestis in domicilio cordis nostri collocatio? Non-

2.
Probat
à benedi-
ctione do-
mus O-
bededō.

2. Reg.

6.

né am-

né amplissimam illi gratiarum copiam e-
largietur, & affluentiam sanctificatio-
nis opulentissimam?

Rursum Helias ingressus vidua Sar-
reptana domum, & ab ea ad tempus e-
nutritus, filium eius mortuum reuoca-
uit ad vitam. Heliseus etiam Propheta,
mulieri Sunamiti (cuius utebatur ho-
spitio) prius filium impetrauit, deinde
eundem in tenella aetate morbo extinctū
resuscitauit. Si id praestitit prophetica
virtus suo in quo diuersabatur domici-
lio, quid praestabis tu Deus meus (qui
prophetarum es Dominus, & omnes pro-
phetas sanctificans) cordibus eorum, qui
te suscipiunt hospitio? Nonné animas e-
orum praemortuas restitues vita, & omni
replebis benedictione, bonorumq; operum
fecunditate?

3.

Probatur
exemplo

Viduae

Sarrepta-
nae.

3. Reg.

7.

4.

Probatur
exemploSunami-
tis.

4. Reg.

4.

5.

Probatur
exemploElisabe-
thae.

Luc. 2.

Demum Sacrosancta mater tua do-
mum Elizabeth cognata sua ingressa, in
ipso salutationis exordio, primaq; con-
gressione, id grandematri contulit do-
num, quod spiritu sancto continuo re-
pleta, cognouerit sacratissimum incar-

nationis tuae mysterium: & admirabunda in magnam eruperit diuina laudis vocem. Contulit & sancta proli maternis adhuc clausa visceribus, quod exultauerit in gaudio intra uteri suae matris latibula. Quid igitur conferet nobis o Domine Deus, piorum cordium dulcedo, suauissima tua in hoc admirabili Sacramento praesentia? Nonne exuberantem Spiritus sancti gratiam secum asferet in tabernaculum cordis nostri, gaudiumque internum, & consolationem? Tu Domine diligenti te, & sermones tuos seruanti promissisti, quod ad eum venires, & mansionem apud eum faceres. Quid ergo praestabis te ipsum in penetralia sui cordis introducenti? Quum stas ad ostium cordis nostri & pulsas, promissisti si quis tibi aperuerit, quod intrares ad illum, & canares cum illo, & ipse tecum. Ecce ego Domine mi, aperui tibi cubiculum anima mea, per affectum ad te suspirantem. Ingredere igitur domum serui tui, & ibidem quiesce, & da illi tecum in dulcedine spiritus epulari. Et quemad-

modum

6.

Probatur
ab exem-
plo dili-
gentis
Deum.
104.14.

7:

Probatur
ab exem-
plo stan-
tis ante
ostium.
Apoc. 3.

modum prius de Zachæo hospite tuo dixisti, ita & de anima mea domicilio dic Domine Deus. Salus hodie huic domui facta est, eo quod ipse sit filius Abrahe. Tu Domine Deus meus, summa es veritas, & in ore tuo non est inuentum mendacium. Dixisti utiq; : Qui manducat meam carnem & bibit meum sanguinem in me manet, & ego in eo : & qui manducat me, ipse viuet propter me. Da igitur mihi Domine per hanc tui corporis & sanguinis sumptionem perpetuo in te manere, & propter te viuere, ut nec unquam a te separet, aut per mortem peccati diuellat.

8.
Ab exemplo
Zachari
hospitis.
Luc: 19.

Ioan: 6.

His & consimilibus pijs meditationibus, animus fidenter in Deum erigitur : & interna perfusus suauitate totus ad Deum suspirat, miroq; desiderio ad sumendum hunc cibum viuificum afficitur.

IN OFFERENDO ALTARIS
sacrificio, rectam intentionem, debitamq; ad omnia attentionem & reuerentiã in Deũ seruari debere.

CAPVT XIII.

Quæ sit
primaria
facti in-
tentio.

Postquam animū ex humilitate refugientē hoc arduum altaris ministerium reuocauerit fiducia beneuolentiæ & benignitatis Christi: tunc sacerdos sacra facturus primū constituat rectam sui operis intentionem primariam & præcipuam: ut potè quòd ea sacrificij oblatio fiat in primis ad Dei honorem, omniumq; sanctorum gloriam: ad omnium præterea uiuentium salutē, & fidelium defunctorum refrigerium. Est enim hæc vniuersalis hostia, & quæ pro totius Ecclesiæ omniumq; membrorum eius offertur salute: in qua offerenda constituitur sacerdos ut publicus Ecclesiæ minister, non pro se tantum orans, sed pro tota fidelium communitate: omnes quoq; preces suas, multitudinis numero & plures orantes complectente exprimens.

Quod

Quod non solus ipse ibidem orat,
sed & tota cum eo fidelium Eccle-
sia, offerens Deo Patri Filium eius *Mat: 3.*
vnigenitum, in quo sibi bene com-
placuisse voce cælo delapia conte-
statur est, & quem seipsum offeren-
tem acceptauit, vt sacrificium iusti-
tiæ in odorem suauitatis.

Si enim odoratus est Dominus *Varia huius sacrificij figura.*
odorem suauitatis, cum Noë fini-
to diluuiio obtulit illi holocaustū, *Gen: 8.*
vt ait scriptura: si respexit Domi-
nus ad Abel & ad munera eius, quæ *Gen: 4.*
erant de optimis sui gregis. Si gra-
tum habuit Abraham sacrificium, cū *Gen: 22.*
pro Isaac immolaret arietem inter
vepres cornibus hærentem, Si de-
niq; placuit eidē Regis David sacri-
ficiū, & igne cælitus emissio ad il-
lud concremandum: gratum esse
sibi hoc ostendit indicio. Nonne
longè gratius & acceptius erit illi
hoc sacrificium laudis? in quo non
tauri offeruntur aut arietes: sed fi-
lius eius vnigenitus, quem diligit,

quem sibi dilectum esse testificatus est, qui quæ placita sunt ei fecit semper : quem misit in mundum propitiationem pro peccatis nostris, qui vnus totius humani generis est reconciliatio. Certè non potest ea oblatio sacra, Deo Patri esse non grata, si munus oblatum attenditur, aut ipsa sancta Ecclesia offerens, quæ neq; rugam habet, neque maculam : quod pretiolo Christi Sanguine est sanctificata, & dilectissima eius sponsa.

Eph: 5.

Requiritur
in celebrante.

1.

Recta
intentio.

Mat: 9.

Verum vt eadem oblatio placeat Deo ratione ministri offerentis : ante omnia opus est, quòd recta intentione & sincera accedat sanctum altare, illam immolaturus hostiam. Si enim oculus tuus simplex fuerit, totum corpus tuum lucidum erit. Quod si oculus tuus fuerit nequam, totum corpus tuum tenebrosum erit. Nempè si ad quæstum & pecuniæ aucupiū referat, præcipuè sacerdos suam intentionem, non habita ratione di-

uini ho-

nini honoris aut salutis animarum pro quibus offertur: ipse tantum ac tale sacramentum (quantum in se est) venale prostituit: Iudæ institutori infœlicissimo persimilis: qui accepta pecunia tradidit Dominum Iudæis. Sed is adhuc mortalem & versantem in terris, ille verò regnantem in cœlis, & sedentē ad dexteram Patris. Quare sibi caueat ille sacerdos, ne pecunia sua illi sit in perditionem, ne itidem Iudæ exemplo præcipitetur in æternum interitum.

Mat. 26

Præterea inter sacrificandum ita colligat animum sacerdos: vt sedulam habeat attentionem ad ea quæ pertractat mysteria: neque alio diuagetur ipsius mentis cogitatio, quod euagationes illæ animi ad secularia negotia aut extranea opera nihil ad rem propositam facientia, & tepidiorem reddant animum & minus æquo suo officio intentum.

2.
Attentio
Animi.

Musca enim morientes (vt testatur Eccl. 10.

S. Thomas Can-
tuariensis
quam fu-
erit sacro
attentus.

Ecclesiastes) perdunt suauitatem vn-
guenti. Quantum ergo finit huma-
na fragilitas, enitatur sacerdos, cū
sacra facit, ad imitationem sanctil-
simi viri (qui se murum posuit pro
domo Israël) Thomæ Cantuarien-
sis Archiepiscopi, qui ita versaba-
tur in altaris officio, ac si passionē
Domini nostri corā se agi vidisset,
vsq; adeo affixam habuit mentem
tempore immolationis sacrificij illi
sanctæ meditationi Dominicę pas-
sionis. Eadem itaque cogitatione
armetur sacerdos sacra faciens, &
illam intentissimo animo sibi infi-
gat. Nullam certē sacrationem aut
accommodatiore cogitationē pos-
set eo tēpore animo suo imprimere,
quam quod ea oblatio sit sacra-
tissimæ Christi passionis assidua &
iugis commemoratio.

Sacerdos
distract⁹
nō debet
esse abie-
cto ani-
mo.

Cæterum si quispiam conquera-
tur sacerdos se tempore oblationis
illius sacrificij etiam inuitum mul-
tis agitari euagationibus aliò men-

tem di-

tem distrahentibus : non idcirco sit
deiecto & prostrato animo, sed suā
cognoscens infirmitatem, eam fa-
ciat maioris humilitatis materiam
humiliansq; seipsum in conspectu
Dei, petat adiutorium ab eo, qui
non deserit sperantes in se.

Elaboret insuper pro viribus
has volubilitatis animi muscas, hos
cogitatum strepitus manu diligē-
tiæ & sollicitudinis à se rejicere, &
Dominus ipse talia conanti vires
suggeret, & feret auxilium. Quem-
admodum ipso Abraham offeren-
te sacrificium, cum aues importu-
nè aduolarent, & inturbarent e-
ius oblationem : ipse sollicita manu
abegit eas, neque permisit ibidem
quiescere. Sic sanè spiritualium ne-
quitiarum sacerdotem infestantiū
reprimendæ sunt suggestiones,
cūm sacra Deo facit.

Rursum in lectione eorum quæ
ex instituto Ecclesiastico (cum of-
fertur hæc salutaris hostia) à sacer-

Muscæ co-
gitationū
repellendæ

Gen: 16.

3.
Mediocri-
tas in pro-
latione.

dote legi debent ad altare: ea feruetur mediocritas, vt neque nimiū præceps & festina sit ea prolatio, neque lentior æquo. Hæc enim fastidium ingerit assistentibus atque tædium. Illa vero intelligentiam eorum quæ dicuntur, eripit: efficitq; vt neque ipse qui legit, neque audientes quicquam intelligant eorum, quæ proferuntur. Quod si coram viris grauib; & magnæ authoritatis habita oratio præceps & nimis accelerata, datur vitio: & merito reprehenduntur serui, qui suo domino concitata nimium & præcipiti lingua respondent: quid nō magis damnabitur & increpabitur, ipsi supremo Domino facta oratio cum properatissima linguæ concitatione, velocissimaq; volubilitate.

4.

In ceremonijs
grauitas.

In cæteris itidem ad eandem pertinentibus oblationem: vt in faciendis sacris, signaculis, & alijs mysterijs: neque nimia sit celeritas que

irreueren-

irreuerentiam, & indecentiam arguat, neque nimia tarditas aut cūctatio, quæ assistentes prolixitate offendat. Dictum siquidem est de *Exo: 12.* Agno Paschali Iudæorum, quòd comedi debuit festinanter: quòd sanè præceptum & in Agno vero secundum Ecclesiæ ritum immolando obseruari debet: vt moderata offeratur celeritate, & celeri moderatione: & neque quid nimis fiat, neque minus quàm par sit.

Demum totius rei hæc summa est, quòd in hac sacratissima altaris oblatione summo perè caueatur omnis negligentia, incuria, & irreuerentia. Nam illa ministrum graui obstringunt pœnæ. Si enim seruus piger domino suo mortali exhibens obsequium negligeret & oscitanter, non manet impunitus, quantò grauius punietur, qui in hoc celeberrimo ministerio, quod ipsi Deo præstatur immortalis & summo Domino, deprehenditur negligens

5.

Omnis irreuerentia fugienda.

negligens, incurius, aut olcitantus?

Gentiles
fuerunt
in cære-
monijs
suis exa-
cti.

Valeri-
us Ma-
ximus
de serua-
ta rels-
gione ca-
pite.

Sulpitius
quare sa-
cerdotio
priuatus
fuerit.

Porro Ethnici & Gentiles, vsq; adeò sollicitam adhibuerunt curam cæremonijs & ritibus suis in Deorū sacrificijs ad vnguem obseruandis, vt nonnunquam legantur aliquos sacerdotio abdicasse quod negligētes deprehensi fuerint, in sacris suo more faciendis, Vt enim refert Valerius, apud Romanos tres flamines sacerdotium deponere sunt coacti, quia parum diligenter, & minus debito ritu extra altaria admonuissent. Ob nullam etiam aliam causam Sulpitius sacerdotio priuatus scribitur, nisi quia inter sacrificandum apex illi è capite prolapsus est. Si itaque tanta seueritate animaduenterunt Romani in eos, qui minus æquo circa suorum Deorū (immò verius dæmoniorum) cultum fuere curiosi: quid agere debent Christiani sacerdotes circa vnius & veri Dei cultum? Nonné to-

tis enti

tis eniti viribus, vt is quàm decen-
tissimo fiat ritu, & negligentes gra-
ui plectere supplicio?

Sed & huiusce rei exemplum
nobis sacræ proponunt literæ, de
Nadab & Abiud filijs Aaron: qui
arreptis (cum præcipitatione scili-
cet inconsiderata, & immoderata
celeritate) thuribulis, obtulerunt
ignem alienum Domino, quod eis
præceptum non erat, & protinus
vlttricem Dei manum senserunt, su-
bitaneaue morte puniti sunt.
Quod si irreuerentia circa veteris
legis ritus ac ceremonias tam gra-
uiter prælenteq; pæna mulctata le-
gitur, quid putas meretur suppli-
cij qui circa nouæ legis sacræ, & cul-
tum altaris non eam præfert pieta-
tem, curam & religionem quam e-
xigunt: sed negligenter ea contre-
ctant? Tantò sanè grauiorè is mere-
tur pænam, quantò sacratiores sunt
noui testamenti quàm veteris my-
steria. Tanto siquidem grauiori

culpæ

Leu: 10.
Præcipi-
tationis
pæna gra-
uis.

culpa obnoxius est contemptus a-
licuius & despicientia, quantò di-
guior est, & excelsior is qui
contemnitur & despi-
citur.

ORATIO ANTE MISSAM ex Blosio.

A Doro te & gratias ago tibi amantissi-
me Domine Iesu Christe, pro innume-
ris beneficijs, donisq; tuis mihi indignissi-
mo prestitis, omnia in te refūdo, & tibi of-
fero in laudem æternam. Gratias ago pro
incarnatione, natiuitate, infantia, pueri-
tia, adolescentia, laboribus, ætumnis,
passione, morte, resurrectione, & ascen-
sione tua. Gratias ago quod me vilissimū
peccatorem admittere dignaris ad splen-
didum, viuificumq; sacræ mensæ tuæ con-
uiuium. Bone Iesū, per illum amorem,
qui te incarnari, pati, mori pro me coegit,
rogo te, vt ab omni peccato me planè e-
mundes, & tibi per omnia placentem red-
das. Exorna egenam animam meā meri-
tis, & virtutibus tuis. Perficiam hoc pu-
rissime ad laudem, & gloriam nominis tui
sempiternam, ad honorem dulcissimæ ge-
nitricis tuæ Virginis Mariæ, ad honorem
omnium

omnium Sanctorum tuorum, omniumq;
bonorum Angelorum: ad salutem meam,
ad salutem N, ad salutem omnium fide-
lium viuorum, & defunctorum. Miserere
Domine, Miserere Ecclesiae tuae. Adesto
omnibus, pro quibus pretiosum sanguine
tuum fudisti. Da viuis veniam, & gratia:
da fidelibus defunctis requiem, lucem-
que sempiternam. Tibi laus Christe
IESV in secula seculorum.

Amen.

GRATIARVM ACTIO POST Missam ex eodem.

A Doro, & gratias ago tibi benignissime
Domine IESV CHRISTE, qui me
vilissimum peccatorem admittere digna-
tus es ad splendidum, viuificumque sacrae
mensae tuae conuiuium: Hei mihi, quia ni-
mis indignè compleui hoc sanctissimum
sacrificium, miserere mei, ignosce mihi.
Ego quod egi, commendo diuino cordi
tuo emendandum & corrigendum. Susci-
pe quæso hæc sacrosancta corporis tui my-
steria, quæ tibi off-ro ad gloriam nomi-
nis tui sempiternam, ad honorem dulcis-
simæ genitricis tuæ Virginis Mariæ, ad
honorem omnium Sanctorum tuorum,
omniumq; beatorum Angelorum: ad sa-
lutem

lutem meam, ad salutem N. ad salutem omnium fidelium viuorum, & defunctorum. Suscipe hoc præcellentissimum Sacramentum in plenam emendationem, expiationem, atq; satisfactionem pro omnibus peccatis, & negligentijs meis, & pro peccatis totius mundi. Per illud instaure omnes ruinas meas spirituales, & supple omnem inopiam meam. Per illud mortifica in me quicquid tibi displicet, & effice me hominem secundum cor tuum. Per illud conforma spiritum, animam, & corpus meum spiritui, animæ, & corpori sacræ humanitatis tuæ, meq; totum luce diuinitatis tuæ illustra. Per illud largire, vt in te stabiliar, te perfectè, & perseueranter diligam, intimè tibi vniar, ac totus in te transmuter ad laudem nominis tui. Conuerte Domine miseros peccatores, reuoca hæreticos, atq; schismaticos, illumina infideles te ignorantes. Adesto omnibus, qui in tribulatione, & necessitate aliqua constituti sunt. Adesto ijs, qui se precibus meis commendarunt, aut commendati esse cupiunt. Adesto parentibus, propinquis, & benefactoribus meis. Miserere omnium, pro quibus ego orare debeo, & tu rogari vis. Da viuis veniam, & gratiam. Da fidelibus defunctis requiæ, lucemq; sempiternā. Tibi laus Christe I E S V in secula seculorum. Amen.

IN LEGENDIS HORIS CANONICIS & diuino officio celebrando, magnam deuotionem à sacerdotibus adhibendā esse.

CAPVT XIV.



PRæter hæc debent ipsi sacerdotes Deo quotidianum pendere tributum legendo horas canonicas, ad quas ex decreto, & instituto Ecclesiastico nemo eorum se nescit astringi. *Septies in die* (inquit Propheta in Psalmo) *laudem dixit tibi, super iudicia iustitiarum.* Vt enim nauæ munus est nauem per fluctus & procellas agere, & militis certare in acie: agricolæ verò terram vomere, proscindere, imò cuiusque opificis quæ suæ sunt artis opera exercere, quò quotidianum quæritet victū: ita sacerdotis est officium, quotidiana horarum lectione Deo famulari: & pro eo famulatu exhibendo, Ecclesiastico ordini insertus

est, vi-

Recitatio horarum est quotidianum sacerdotum tributum.

Psalmus

Congeries pariu.

est, vitaq; præsentis recipit stipendia, victum inquam & amictum ex fructibus & emolumentis Ecclesiasticis prouenientem. Si enim miles stipem non recipit nec salariū : nisi exerceat militiam, & in hostem arma ferat : an erit sacerdos ociosus & oscitans : & stipendia recipiet sine aliquo opere, quod quotidie impendat Deo?

Horæ nū
quā sunt
interruit
tendz.

Illud autem opus nunquam intermittendum est, horarum canonicarum lectio. Quam si sacerdos faciat priuatam, & non in communi sacerdotum cœtu atque publico loco cū alijs eas decantet : sed priuatim legat, aut in templo aut domi, summioperè studeat illas vno in loco consistens cum attentione absolueret : & non diuagetur ambulando vltro citroque, nunc in vnā domus partem, nunc alteram, neq; simul quidpiam alterius negotij agitaret & pertractet : quoniam hæc corporis in diuersa loca inter legendum tra-

Horæ quæ
et sunt
absoluē-
dz.

dum tra-

dum traductio, aut alterius pariter operis actio, maximè iuggerit materiam & occasionem euagationis animi, quæ plerunq; tollit fructum orationis. Agitatio enim illa, & mobilitas corporis in varia loca (cum horarum absolvitur lectio) aut alienæ cuiuspiam rei contrectatio, & opus animi non satis apud se constantis, nec in oratione omnino (ut par esset) collecti, præstare videtur argumentum. Neque illud meum est, sed Domini præceptum dicentis apud Mat: *Tu autem cum oraveris, intra in cubiculum tuum: & clauso ostio ora patrem tuum in abscondito, & pater tuus qui videt in abscondito, reddet tibi.* Quod quidè verbum, licet à nonnullis spiritua-liter intelligendum censeatur: subeundum scilicet esse cordis secretū, cum orationem Deo fundere volumus: & carnalium sensuum phantasmata (quæ se importunè ingerunt animo, & orantibus obstre-

punt)

Mat: 6.

punt) esse inter orandum secludenda: attamen corporaliter etiā intelligi debet & sensibilibiter, vt littera ipsa sonat, quoniam nisi secretus deligatur locus, & clauso ostio fiat oratio in abscondito, vix secretum cordis tenere quis poterit: aut importunos cogitatus abigere, quod continuē noui se nobis obijcient. Itaque loci solitudo cum orationem legimus, ad mentis solitudinem magnopere confert, & si illa vix hæc poterit vnquam haberi.

A simili.

Certè si Regem, aut Principem terrenum alloqueretur sacerdos, vno in loco consistentem aut residentem in solio sublimi, non se inter loquendum nunc in vnū transferret locum nunc alium, sed fixo gradu vno in loco sese contineret sacerdos, donec orationem, aut legationem suam absolueret: non etiam cum verba faceret ad augustæ maiestatis Principem, simul aliud

moliretur

moliretur opus, aut quidquam alterius negotij manibus contrectaret, sed cum summa totius corporis trāquillitate orationi dicendę totam suam operam intenderet. Omnis autem sacerdos suas legens horas, cum Deo loquitur, & ad eū verba psalmorum, ac orationem dirigit. Cur igitur præsentem tibi Deum constituens, qui nusquam abest, non eam impendit reuerentiam illi & venerationem cum suas legit horas, quam exhiberet principi mortali cum quo verba faceret? Conqueritur planē de hac inhonoratione Dominus, per Malachiam Prophetam dicens. *Filius honorat Patrem: & seruus Dominum sum. Si ergo Pater ego sum, vbi est honor meus? & si Dominus ego sum, vbi est timor meus? dicit Dominus exercitū.* Formidandum etiam est valde, ne in illis sacerdotibus deambulando per omnes domus vias, aut aliud simul negotium agendo suas horas

Applicatio.

Communiatio in negligentibus orātes
Mal: 1.

G legentibus

*Esa: 12.**Beda in
homilia
Euange
lî de
muliere
Chana
nea.*

legentibus, locum habeat : quod dicit Dominus per Esaïam Propheetam. *Appropinquat populus iste ore suo, & labijs suis glorificat me : cor autē eius longè est à me.* Audiant igitur venerabilem Patrem Bedam ita illos admonentem. Notandum interea, quòd hac orandi pertinacia ita demum meretur esse fructifera, si quod ore precamur, hoc etiam in mente meditemur : neq; alio clamor labiorum quàm cogitationum scindatur intuitus. Sunt enim qui intrantes Ecclesiam multis Psalmodiam vel orationem sermonibus perlegunt, sed alibi corde intendentes : nec ipsi quid dicant recolunt. Ore quidem orantes, sed mente foris vagantes omnino se orationis fructu privant, putantes à Deo precem exaudiri : quam nec ipsi qui fundant, audiunt. Hæc ille. Quod si quietè vni immorantes loco & soli horarum lectioni intenti, plerumque patiuntur hanc, quæ damnatur, animi euagationem : quomodo non magis eam sustinebunt, qui

diuersa

diuerſa ſpectacula oculis obiecta
videntes per affiduam deambulationem,
aut aliud ſimul cum horarū
lectione expedientes opus, vix mē-
tem aptè colligere queant, aut ad
orationis attentionem, liberè con-
ſtringere?

Cum verò in choro ipſo templi
& penitiorē ſacratiorēq; loco de-
cantantur horæ canonicæ per con-
uentum atque conceſſum ſacerdo-
tum: illic & ſumma honeſtate &
modestia opus eſt, & vt habitus
ipſe oris, & geſtus corporis & tenor
vocis nihil indecorum habeat, ni-
hil inconcinnum, nihil inhoneſtū,
ſed omnia religioſam moderatio-
nem, reuerentiam in Deum atque
pietatem præferant, & ſapiant. Hoc
ſiquidem pacto, aſſiſtentes diuino
officio laici, & plebs ſancta prouo-
cabitur ad deuotionem, ſynceriorē-
remq; in Deum affectum, cum pſal-
modiam ſanctam audiuerit & om-
nem Eccleſiaſticam modulationē

In choro
modestia
eſt ſeruā-
da.

Laiciq; diſ-
cuntur mo-
deſtia ſa-
cerdotū,

S. Augu-
stin^o quā
fuerit ef-
fusus in
oratione

Laici scā
dalizātur
sacerdotū
colloqui-
is in tem-
plo.

grauiter, maturè, moderatèq; fieri.

Quemadmodum de Beato pa-
tre Augustino legimus: quod Ec-
clesiastico assistens officio à pijs la-
chrymis temperare non potuit, sed
flebat vberimè in hymnis & can-
ticis, suauesonantis Ecclesiæ voci-
bus vehementer affectus. Voces
autem illæ infuebant auribus eius,
& eliquabatur veritas in cor eius.
& fluebant lachrymæ, & bene illi
erat cum eis. E diuerso, si inter can-
tandum habeantur à nonnullis ibi-
dem vana colloquia & confabula-
tiones: quæ interstrepant cantan-
tium vocibus, si risus fiant effusi, si
moueantur cachinni ab vno in al-
terum: quid hæc sunt nisi irreue-
rentiæ & irreligiositatis in Deum
signa? An hæc Deo grata est psal-
modia & vocum modulatio, ea
leuitate facta, quam erubescerent
ostendere in conspectu magni prin-
cipis aut viri insignis? At non ve-
rentur eam gesticulationem scæni-

cam mo-

cam more minorum agere in conspectu Dei coram sancto altari, coram sanctis & incontaminatis mysterijs : quoniam non est timor Dei ante oculos eorum.

Hæc autem ludæica, & indisciplinata morum genera, scommata, sannas & ludibria, à sacerdotibus in templo fieri conspicientes laici : quomodo incitabuntur ad deuotionem, mentisq; in Deum erectionem ? Certe si qua fuerit eis prius deuotio, remittetur protinus & elanguescet, mens eorum deprimetur, & pessum ibit. Scandalizabuntur quam plurimum ex incompotitis huiusmodi moribus : aut exemplo sacerdotum discent & ipsi intra templi septa (cum sacra aguntur mysteria) miscere colloquia, narrare fabellas, risus excitare, strepitu, tumultu & susurro omnia perturbare. Id enim sibi licere arguent : cum sacerdotes talia in propatulo & palam facientes vident, e-

osq; vt duces sequuntur.

*Libro
tertio de
Virgini-
bus.*

Luc: 2.

Sed & sanctum Ambrosium au-
diamus, hæc de silentio & tacitur-
nitate in audiendis diuinis officijs
seruanda præclare monentem.

*Conseruabat, inquit Maria (vt legi-
mus) omnia in corde suo, qua de filio
dicebantur. Et tu cum legitur aliquid,
quo Christus aut venturus annuntiatur
aut venisse ostenditur, noli fabulando
obstrepere, sed mentem admove. An
quidquam est indignius quam diuina o-
racula circumstrepere, ne audiantur, ne
credantur, ne reuelentur? circumsona-
re sacramenta confusis vocibus, vt im-
pediatur oratio pro salute deprompta o-
mnium, cum gentiles idolis suis reueren-
tiam tacendo deferunt.*

*Pulchrū
exemplū
Pueri re-
uerentis
Regem.*

Vnde illud exemplū proditur,
Alexandro sacrificante Macedonū
Rege, puerulum barbarum qui ei
lumen accenderat, exceperat ignem
brachio, atque adusto corpore mā-
fisse immobilem, nec dolorem pro-
didisse gemitu, nec tacito pænam

indicasse

indicasse fletu. Tanta in puero barbaro fuit disciplina reuerentiæ, vt naturam vinceret: atque ille non Deos, qui nulli erant, sed Regem timebat, quid enim timeret eos, qui si idem ignis eos contigisset, arsisissent? Deinde paucis interiectis subiungit. *Frequens sermo est cum plurima vanarum murmura religiosa auribus plebis obstreperent, sacerdotem Dei præcepisse, vt conticerent, ac reuerentiâ sacra deferrent orationi: tunc subito circumfusus strepitus quiescisse, silent igitur paludes, homines non silebunt? Et irrationale animal per reuerentiam recognoscit, quod per naturam ignorat hominû tantam esse immodestiam: vt plerique deferre nesciant mentem religioni: quod deferunt aurium voluptati. Hæc ille. Itaq; si merito damnantur vana colloquia, & voces laicorum, obstrepentes in sacro Dei templo, cû diuina celebrantur mysteria quoniam domus Dei, domus orationis est, illi verò faciunt eam confabu-*

Ranz ex
præcepto
silent.

E/a. 59

Cautio
pro sacer-
dotibus
necessa-
ria.

Ioan: 2.

latorium & deambulationis ociose
locum, potiore profecto iure re-
probanda est immodestia sacerdo-
tum: qui concinentes sacrorum e-
loquiorum sacramenta, simul risū
misercent & verba inania. Caueant
ergo sibi, ne Christus factō de fu-
niculis flagello seuerę punctionis,
eijciat eos demum templo cælestis
Hierusalem, vt suo indignos con-
sortio: quemadmodum vendentes
& ementes olim detemplo mate-
riali vrbs Solymę exturbasse
legitur, & cum indigna-
tione repulisse.

ORATIO ANTE DIVI- num officium.

Aperi Domine os meum ad benedicen-
dum nomen sanctum tuum, munda
quoq; cor meum ab omnibus vanis, per-
uersis, & alienis cogitationibus: Intelle-
ctum illumina, affectum inflamma, vt di-
gnè, attentè, ac deuotè hoc officium re-
citare valeam, & exaudiri merear ante cō-
spectum diuinę maiestatis tuę. Per Chri-
stum Do-

stum Dominum nostrum. Amen.

Domine in vnione illius diuinæ attentionis, qua ipse in terris laudes Deo persoluiſti, has tibi horas persoluere incipio.

*In ipso diuino officio conabitur sacerdos
recitare horas.*

Primo.

Pura mentis elevatione.	{	Intellectua-	{	Eterni Iudicis.
		liter, quia		Angeli Custodis.
		stas in con-		Inimici tui per-
		spectu		sequentis.

Secundo.

Plena cordis attentione.	{	Affectuati-	{	Deus laudetur.
		ter deside-		Celestis cursa
		rando &c		latetur
				Totus mundus
				iunctur.

Tertio.

Perfecta oris pronunciati-	{	Prætermittas di-
		rendum
one	{	Integrali-
		ter &c nihil
		Super addas in
		ordinatum
		Hinc inde trans-
		ponas.

Hæc breuius sequenti comprehenduntur Disticho.

Cum Domini sacras humilis recitaues horas,
Dirige cor sursum, bene profer, percipe sensum.

Quod si quis voluerit ad maiorem animi sui consolationem & deuotionem excitandam in horarum recitatione, vel saltem in fine Psalmi circa versiculum, Gloria Patri. considerare ipsa Passionis Domini Nostri mysteria, propter quæ Ecclesia instituit septem horas Canonicas recitare poterit, hæc piè meditari inter recitandum.

- I. Circa Matutinum. Reprasenter sibi Christum ligatum.
- II. Circa Primam. Christum sputis repletum.
- III. Circa Tertiam. Christum condemnatum.
- IV. Circa Sextam. Christum Cruci affixum.
- V. Circa Nonam. Christi latus apertum.
- VI. Circa Vesperas. Christum de Cruce depositum.
- VII. Circa Completorium. Christum sepultum.

Quæ omnia vt facilius retinere possit sacerdos, sequentes notabit versus.

Matutina ligat Christum, qui crimina purgat,

Prima replet sputis, causam dat Tertia mortis.

Sexta Cruci necit, latus eius Nona bipertit
Vespera deponit, tumulo Completareponit,
Hæc sunt septenis propter quæ psallimus horis.

Post di-

Post diuinum officium.

SACROSANCTÆ, ac indiuiduæ Trinitati,
 Crucifixi IESU Christi Domini nostri
 humanitati, & Beatissimæ & Gloriosissi-
 mæ Virginis Mariæ fecunditati, & inte-
 gritati, ac omnium Sanctorum Sancta-
 rumq; vniuersitati, sit sempiterna laus,
 honor, virtus & gloria ab omni creatura,
 nobisq; remissio omnium peccatorum,
 nunc & semper & per infinita sæcula sæ-
 culorum. Amen.

BEATA viscera Mariæ Virginis, qua porta-
 uerunt æterni Patris Filium, & Beata
 ubera qua lactauerunt Christum Dominum.
Pater noster. Ave Maria.
Diuinum auxiliū maneat semper nobiscū.
Amen.

QUOD HUMILITATE ADOR-
 natus esse debeat sacerdos: qua omnem
 ambitionem & gloriæ appetentiam
 à se repellat.

CAPVT XV.



DRÆTER supradicta vir-
 tutum officia, quæ in
 exhibendis Deo obse-
 quis aut salutaris hostiæ oblatio-

G 6

ne, aut

ne, aut horarum lectione, aut psalmodia in templo præstanda sunt: & alia virtutum ornamenta exposcuntur, quæ sacerdotem in seipso perficiant, reddantque vitam ipsius apud Deum & homines commendabilem.

Humili-
tas est ba-
sis & fun-
damentū
in sacer-
dote.

Quomo-
do sacer-
dos sibi
compara-
bit humi-
litatem.
Phil: 1:

Harum autem fundamentum & basis est humilitas, quæ faciat sacerdotem, in oculis suis non superbe sapientem, sed humiliter de se sentientem, sui que contemptorem. Sanè hanc non difficile complectetur virtutem, atque sui despicientiam, si exemplum sibi proponat Christi summi sacerdotis, quem potissimum imitetur: qui humiliavit semetipsum, formam serui accipiens, cum in forma Dei esset & omnium Dominus emineret: qui exinaniuit semetipsū, inclinavit cælos & descendit. Discat ab eo, ut æternæ vitæ consequendæ magistro, quia mitis est & humilis corde, quod & omnia eius
produunt

produnt opera. Non enim veni ministrari, sed ministrare, & in medio discipulorum suorum erat sicut qui ministrat, quin imò & pedes eorum officiosa humilitate abluit exemplumque dedit nobis ut quemadmodum ipse fecit ita & nos faciamus. Hæc vna est vera humilitatis imago pulchris depicta lineamentis & viuo colore expressa, in quam quicunque conuertunt oculos clarè perspiciunt quid ad illius imitationem faciendum & quomodo efformandum ipsius exemplū.

Hæc itaque virtus in ipso sacerdotis vultu, gestu, incessuque eluceat, gravitati & maturitati coniuncta. Hæc itidem in vestibus citrà nimium nitorem & ornatum innotescat, seruato semper sui ordinis decore. Hæc denique in tota domus supellectili, absque pompa & luxu clarè legatur. Non radient gemmis eius digiti, nec annulis ornentur, nisi id ipsum dignitas ec-

Mat: 11.

Joan: 13.
Christus
imago vera
Humilitatis.

Sacerdos
in omni
re præ se
ferre debet
humilitatē.

Sacerdotes
nō debent
fulgere
gemmis.

Alexādrī
Impera-
toris hu-
militas.

cleiastica de more expostulet ,
quoniam nescio quid muliebri sa-
pit ille in digitis conspicuus annu-
lorum fulgor , præsertim multo
studio exquisitus. De Alexandro
Seuero Imperatore Romano me-
minerunt rerum scriptores , quòd
inter præclaras virtutes suas &
multas & magnas , procul omni
pompa & ambitione vitam egit ,
vnde semel tantum dum consul ef-
set , picta toga vsus est. Gemmas
reiecit vt res muliebres , dictitans
in Virgilio & plures & meliores
gemmas esse. Itaque illius exem-
plo , quamuis à vera religione alie-
ni studeant sacerdotes animam po-
tius virtutibus , quàm corpus niti-
do amictu adornare. Non eos tan-
gat gemmarum cura : neque mo-
ueat splendor annulorum , sed per-
suasum habeant in sacris literis lon-
gè preciosiores quàm hic feret mū-
dus gemmas inesse : quas studiose
perquirant , & sibi ad decorem as-
sumant.

sumant. Solæ siquidem illæ gem-
mæ eorum decent gradum & for-
tem.

Hæc denique virtus, quam præ-
dicamus, humilitas inquam, &
modestia sacerdotem intra suam
contineat pelliculam, neque eum
exagitari sinat immoderata alio-
ris dignitatis appetentia, aut cathe-
dræ sublimioris ambitione. *Nemo*

(inquit Paulus) *sumit sibi honorem,*

sed qui vocatur à Deo tanquam Aaron.

Expectanda certè est in adeundis
illis honoribus diuina vocatio, per
canonicam electionem ab homini-
bus factam insinuata. Et hoc mo-
do vocatus sacerdos, prodeat ad

submittendos ecclesiasticæ guber-
nationi humeros. Quod & facer

Dionysius in libro de Ecclesiastica

Hierarchia his edocet verbis. *At ve-*

rò sanctam consecrationem, & eorum

qui sacrantur predicationem pontifex

resonet, id insinuante mysterio quòd sa-

crator ille diuinus, diuinæ est electionis

expositor,

Sacerdoti
bus eui-
tanda est
Ambitio

Heb: 6.

Dionysii
sententia
de voca-
tione sa-
cerdotū.

expositor: non ipse sua gratia promouen-
 dos ad sacros ordines ducens, verum af-
 fatu Dei, quo in omnibus sacris officiis
 agitur. Ita Moyses legalium ceremonia-
 rum promotor, neque fratrem Aaron
 ad sacerdotale munus iungit & quidem
 Deo charum & sacerdotio cum non igno-
 raret esse dignissimum donec ad id diui-
 nitus agitatus sub Deo principe sacerdo-
 Heb. 5. talem consecrationem pontificaliter cõ-
 sumauit. Ipse quoque noster augustissi-
 mus & primus pontifex (& hoc enim
 propter nos fieri voluit benignissimus Ie-
 sus) non seipsum glorificauit vt scriptu-
 ra ait, sed qui locutus est ad eum: Tu es
 sacerdos in æternum secundum ordinem
 Melchisedech. Quocirca & ipse discipu-
 los ad sacerdotalem functionem promo-
 uens: & quidem cum esset mysteriorum
 princeps (quippe cum Deus) ad patrem
 tamen sanctissimum diuinumque spiri-
 tum, huiusmodi consummationis offici-
 um refert discipulos (vt legimus) admo-
 Aeto: 5. monens ne ab Hierusalem discederent,
 sed expectarent promissionem patris,

quam

quam audistis ex me: quia vos baptiz-
mini in Spiritu sancto. Cum ipse quoque
supremus discipulus cum equali sibi sa-
cerdotali decade, ad sacrum duodenari-
um discipulorum numerum perficiendum
esset progressus, Deo reuerenter electio-
nis permisit munus, ostende (inquiens)
quem elegeris, eumque quem diuina de-
clarauerat sors, in duodenarium suffecit
sacratissimum numerum. Hæc Dio-
nysius.

Porro quam displiceat Deo sa-
cerdotalis ambitio, declarat hor-
renda plaga diuinitus illata ipsi
Chore, Dathan & Abiron, qui re-
pentino terræ hiatu viui sunt absor-
pti cum omni substantia sua. Insu-
per ducenti & quinquaginta viri e-
iusdem coniurationis conscij, offe-
rentesq; incensum præter officium
suum, igne cælitus immisso simul
consumpti sunt, animaduertitque
in omnes vltrix ira Dei, vt ne vnus
quidem eorum superstes remanse-
rit. Nullum item facinus adeò suis

nocet

Deo di-
splicere
Ambitio
nem pro-
batur Ex
plis de
Chore &
Dathan.
N^o 16.

2.

De 250.
viris igne
consum-
ptis.

Varijs pro
batur exē
plis Am-
bitionē
nocuisse
Ecclesiæ.

1.

Exemplū
de Iafone
Menelao
2. Ma:4.

2.

Exemplū
de Aristobolo &
Hyrcano.

nocet authoribus, aut Ecclesiæ Dei
gravius infert dispendium, quàm
hæc execrabilis Ecclesiasticæ digni-
tatis ambitio. Siquidem cū Iaton,
Menelaus, Lythimacus viri scelesti
& sacrilegi, circa tempora Macha-
bæorum ambiebant summum sa-
cerdotium, & ipsum pecunia à Re-
gibus Syriæ comparabant, ipsa sy-
nagoga propemodum ad extermi-
nium est deducta, & omnes illi di-
gnum suis conatibus exitum, fu-
nestum & miserabilem habuerunt.
Paulo post Aristobolus & Hyrcanus
filij Alexandri Regis Iudæorū
post mortem Alexandri patris eo-
rum inter se dissidentes & bellige-
rantes pro regno & summo sacer-
dotio (vt author est Iosephus libro
antiquitatum Iudaicarum decimo-
quarto) Pompeium magnum soli-
citarunt in obsidionem vrbs So-
lymæ, & templi expugnationem,
qui & totam Iudæam prius liberā
reddidit Romanis tributariā. Cū-

que

que Christus Dominus noster in
 terris diuersaretur. Annas & Cai-
 phas alternis annis vendicantes sibi
 summum sacerdotium, pecunia
 Romanis Principibus persoluta,
 extremum synagogæ intulerunt
 interitum. Abiecerunt enim diui-
 nam sanctionem, qua constituerat
 Deus summum sacerdotem sola
 morte mutandum, & in illa admi-
 nistratione filium patri debere suc-
 cedere. Hi verò ambitione excecati
 annum iam fecerant sacerdotium,
 & simoniaca labe numerataq; pe-
 cunia comparandum: & certè non
 multo post tota synagoga cum suis
 sacerdotibus & templo interiit.

Sed & Ecclesiæ Christi nulla pe-
 stis exitio maiori fuit, aut grauiora
 attulit incommoda quam hæc exe-
 cranda ambitio. Siquidem Arrius
 infelix ambiens summum Ecclesiæ
 Alexandrinæ sacerdotium, ægrè fe-
 rens animo Alexandrum virum o-
 ptimum in ea sede sibi prælatum,

vt nar-

3.

Exemplū
de Anna
& Cai-
pha.

4.

Exemplū
de Arrio.

Historia
tripars
ta lib: 1:

S.
Exemplū
de No-
uatio.

vt narrat historia tripartita libro primo: dum inuidiæ stimulis agi-
tatus, salutari illius doctrinæ stu-
duit contradicere, hæresim pestife-
ram suscitauit à suo nomine dictā:
quæ maximam in Ecclesia & diu-
turnam excitauit perturbationem,
tandem diuino percussus iudicio,
morte suis operibus digna, subla-
tus est. Præterea Nouatus presby-
ter Romanus, cupiditate summi
pontificij instimulatus, schisma &
scissuram contra Cornelium virū
sanctum & legitime electum intul-
lit Ecclesiæ. Verum sua fraudatus
spe, author fuit hæreseos Noua-
tianæ, quæ negabat apostatas Chri-
stique desertores, postea tamen re-
sipiscentes, ad pænitentiam esse re-
cipiendos. Ob quod iustè ab Eccle-
sia separatus est, & ipsius vesana
impietas publico patrum consilio
damnata, quòd diuinæ misericor-
diæ fontem præcludere pænitenti-
bus attentarit, ad dandam pecca-
torum

torum veniam petentibus, semper paratam, quemadmodum refert Eusebius historiæ Ecclesiasticæ libro sexto. Demum Paulus Samosatenus Episcopus, intolerabili superbia fuisse in ipso incessu, sermone & operibus suis conscribitur; ut latentem animi fastum & tumorem exteriora indicia apertè declararent. Qui diuino destitutus præsidio in hæresim incidit negantem filium Dei descendisse de Cælo, & ante Mariam virginem fuisse. Ob quod ultimo concilio Antiocheno damnatus est, Ecclesiæque & sede sua Pontificali expulsus, ut latè profequitur Eusebius Cæsariensis. Et ut paucis absoluam, omnia schismata quæ sanctam Ecclesiam dilacerarunt, ex cathedræ sacerdotalis ambitione cæca, ut virulenta radice, pullularunt.

LIBERALITATI EXERCENDÆ intentum debere esse sacerdotem, & ab omni avaritia cupiditatēque pecuniæ sibi cauere.

Eusebi⁹
lib: 1. in
historia
sua Ec-
clesiasti-
ca.

6.

Exemplū
de Paulo
Samosa-
teno.

In Eccle-
siastica
hist: lib: 1

CAPVT XVI.



Umilitati verò animi sacerdotem vt humiliter de se sentiat & in omnibus modestiam seruet, dirigēti, annexa debet esse liberalitas, ad subleuandam pauperum inopiam officiosa: & propensa animi promptitudo ad succurrendum alienæ necessitati in sacerdotibus potissimum requisita, quod ex beneficijs Ecclesiasticis prouenientia annua emolumenta debent partim in vsum pauperum erogare, & ad hoc dispensationem susceperunt teste B. Ambrosio, dicente. *Aurum Ecclesia habet, sed vt erogat & subueniat in necessitatibus.* Cui accedit B. Hieronymus inquit. *Gloria Episcopi est pauperum opibus providere: ignominia sacerdotis est, propriis studere diuitiis.* Proinde qui in pauperum subsidium relictos amplos sui sacerdotij fructus in proprium accommodant vsum, nihil pauperibus

Sacerdotes debent esse liberales.

J.
Probatur
ex S. Ambrosio libro de officijs.
Hieronymus.

pauperibus (ut debent) dispartientes ,
 iniquæ dispensationis arguentur à Do-
 mino. Vox pauperum (quos suis fraudat
 stipendys) clamat ad Dominum de ter-
 ra , & clamor eorum in aures Domini
 sabaoth introiit. Quod ipsius Hie-
 ronymi comprobatur testimonio,
 dicentis. Amico rapere quidpiam fur-
 tum est : Ecclesiam fraudare , sacrilegi-
 um est : accepisse pauperibus erogandum,
 & esurientibus plurimis illud reservare
 vel cautum vel timidum est , aut quod
 apertissimi sceleris exinde aliquid sub-
 trahere , tandem omnium prædonum
 crudelitatem superat.

Iacob: s.

2.

Probatur
ex S. Hie
ronimo.

Iacob: s.

Hiero:

12. q. 2.

Exempla
liberali-
tat. s.

J.

Sancti Ni-
colai li-
beralitas.

2.

S. Marti-
ni Turo-
norū Ar-

Quid (oro) beatum Nicolaum
 Myrrhensem Episcopum , & sacer-
 dotalis ordinis decus eximium ,
 reddit seculis omnibus admirandū
 nisi quod effusa habuit in egenos
 & pauperes viscera pietatis, quibus
 larga manu eleemosynas erogabat
 Quid item sanctum Martinum Tu-
 ronorum Archiepiscopum efficit
 toti mundo celebrem , & tantope-

re com-

chiepisco
pi libera-
litas.

Ecclesi:

Sancti
Paulini
liberali-
tas.

*S. Gre-
gorius
in suis
dialogis*

Gen:39.

re commendabilem ? nisi quod in-
ter cetera virtutum officia studio-
sus fuit alienæ necessitatis subleuā-
dæ : atq; vt laicos vestiret , seipsum
interdum proprijs exuit indumen-
tis. Vnde & illius eleemosynas e-
narrabit omnis Ecclesia sanctorū.
Neque Paulinum Nolanæ vrbis
Episcopum sanctitateque venera-
bilem , silentio prætereundum cē-
seo , qui cum distributis omnibus
bonis suis in pauperum sustentati-
onem nihil reliquum haberet, quo
pauperis viduæ filium captiuum
redimeret , seipsum vendi passus
est, ac tradi in manus Barbarorū,
vt desolatæ viduæ filius liberare-
tur Gregorius. Itaque deductus in
exteram regionem , domino suo
cui venditus fuerat, licet Gentili
& Barbaro fideliter obsequium
impendit, more sancti patriarchæ
Ioseph , & colendis hortis indu-
striam adhibens ac diligentem o-
peram , gratiam in oculis eius in-
uenit.

uenit. Tandem à superuenientibus in eam regionem amicis fortè recognitus, quantusque & qualis esset Domino suo declaratus etiam visionis diuinitus ostensæ inditio, continuò ab eo manumissus est, ac libertate donatus. Quinimò Dominus; ille etiam futurorum circa se ab illo admonitus ipsum liberum cum summo honore ad proprios fines remisit. Simul & captiuos omnes Christianos, qui in suo principatu uincti tenebantur eius gratia & fauore soluit à vinculis, & liberos nullo persoluto pretio, cum eo abire iussit. Ecce vnus in captiuitatem se tradidit, vt fratrem redimeret: & ipse tandem captiuitate liberatus, cum multis itidem carcere solutis est reuersus in natale solum.

Hæc sanè est liberalitatis & misericordiæ retributio à Deo, cui gratissima est hæc virtus: quòd cū modicum aliquid ad proximi su-

Deus re-
fundit li-
beraliter.

H

bleua.

<p>1. Probatur exemplo Sarrepta- naz.</p>	<p>bleuationem impartimur, multò amplius etiam in hac vita à cælo plerunq; recipimus. Testis est pro- positæ rei vidua illa Sarreptana, quæ cum Heliam Prophetam suscepisset hospitio, farinæ suæ & olei percepit multiplicationem ad victum quotidianum, & filium suum ex- tinctum recepit rediuuium. Testis est mulier illa Sunamitidis, Helisæi hospita, cui sanctus Propheta filiū obtinueit, cum antea fuisset sterilis, & eundem mortuum vitæ restituit. Deniq; testis eiusdem propositi est Tobias, qui cum in captiuitate po- sitis contribulibus sua libens impar- tiret, & mortuis sepulturam sedu- lò impenderet, Angelico ductu re- ducem filium incolumem, locuple- temq; recepit, ademptumq; sibi iā pridem oculorū vsum recuperavit.</p>
<p>3. Reg: 17.</p>	
<p>2. Probatur exemplo Sunami- tidis.</p>	
<p>4. Reg: 4</p>	
<p>3. Probatur exemplo Tobiaz. Tobia 12</p>	
<p>Grauis Pasto- rum sua propria quærentiū comina- tio.</p>	<p>Ex opposito verò sacerdotes, qui aliorum directionis, pascendi- que gregis dominici curam susce- perunt, & tantū quæ sua sunt quæ- runt,</p>

runt, non quæ Iesu Christi, multū à suo aberrant officio, & graui interminatione increpantur à Domino per Ezechielem Prophetam. *Va, inquit, pastoribus Israël, qui pascebant semetipsos. Et rursus ad illos. Lac comedebatis, & lanis operiebamini & quod crassum erat occidebatis: gregem autem meum non pascebatis. Quod infirmum erat non consolidastis, & quod agrotum non sanastis: quod confractum est non alligastis, quod abiectum est non reduxistis, quod perierat non quasistis. Et dispersa sunt oves meæ, eo quod non est pastor: & facta sunt in deuorationem omnium bestiarū agri, & dispersa sunt. Errauerunt greges mei in cunctis montibus, & in vniuerso colle excelsio: & super omnem faciem terræ dispersi sunt greges mei, & non erat qui requireret.*

Nonnullos itidem est inuenire sacerdotes, qui pastoralis cura suscepta gregem suum ad cutem usq; attendant, & lac penitus emul-

Alia gra-
uis com-
minatio.

Eze: 33.

Sacerdo-
tes auari
similes

gent, nouas exactiones persoluē-
das pro suo (vt aiunt) iure, suo-
rum humeris imponentes, & inso-
litis vectigalibus eos prementes.

De quibus conqueritur Dominus
per Hieremiam Prophetam: *Va in-
quit, pastoribus, qui dispergunt & di-
lacerant gregem pascuæ meæ, dicit Do-
minus. Ideo hæc dicit Dominus Deus I-
sraël ad pastores, qui pascunt populum
meum. Ecce ego visitabo super vos mali-
tiam studiorum vestrorum. Rursum per
Ezechielem terribiliter inclamat. Pro-
pterea pastores audite verbum Domini.
Hæc dicit Dominus Deus: Ecce ego ipse
super pastores, requiram gregem meum
de manu eorum, & cessare faciam vt
ultra non pascant gregem meum: nec
pascant pastores amplius semetipsos, &
liberabo gregem meum de ore eorum, &
non erit ultra eis in escam. Ecce ego ipse
requiram oues meas.*

Per similes sanè sunt huiusmodi
sacerdotes flagrâtes cupiditate pec-
uniæ, & quæ Dei sunt negligentes,

tes, ipsis filijs Heli, de quibus dicit scriptura, quod erant filij Belial, nescientes Dominum, neque officium sacerdotum. Non enim erant contenti habere partem hostiæ immolatæ secundum diuinam constitutionē: sed per puerum missa fuscinula tridente in lebetem decoquentem carnes immolandas, quidquid illa leuabat sibi tollebant. Rursum antequam sacrificantes adolebant adipem, misso puero extorquebāt ab illis carnem crudam, nolentes exspectare quoad illa decoqueretur, & pro more offerretur. Ob quam violentam exactionem atq; extorsionem, & homines à sacrificio Dei deterrebant ac auertebant: & grauem Dei indignationem super se suscitabant, quam & eorum probauit exitus. Vno enim eodemque die ambo contra Philisteos in acie pugnantes, eorum gladio cæsi sunt.

Per similes item sunt huiusmodi.

H 3,

sacer-

sunt filijs
Heli.
I. Reg: 2.

Mat: 15.
Sacerdo-
tes auari
sunt simi-
les Scri-
bis & Pha-
risæis.

Mat: 23

Scribarū
& Phari-
sæorum
Auaritia
ruina fu-
it syna-
gogæ.

Mat: 21

Mat: 23.

sacerdotes Scribis & Phariseis : qui diuersas confinxerunt traditiones , legi diuinæ contrarias , ad pecuniæ aucupium , vt potius faciendam etiam oblationem in templo , quam parentibus succurrendum , iurantem per templum aut altare , non incurrere peccatum , neq; illo constringi iuramento : iurantem per aurum , quod est in templo : aut bonum quod est in altari , obligari ad aurum illud aut donum offerendum , vt ea tandem oblatio cederet in eorum vsum atque lucrum , emptionem & venditionem eorum (quæ ad sacrificia attinebant) licitam etiam in templo : & multa id genus talia : quæ ex Evangelica lectione dilucidè constant.

Verum hæc Scribarum & Phariseorum avaritia deuorantium domos viduarum , per hypocrisim & simulatam longæ orationis studioso sanctitatem , in causa fuit ruinæ ipsius synagogæ , quæ haud

mul-

multò post facta est: haud aliter
ominari licèt ad inuētiōes nouas,
quæ à sacerdotibus fiunt ad pecu-
niæ quæstum hac tempestate, qua
(vt ait Hieremias) à minore vsque ad *Hier. 6.*
maïorem omnes auaritiæ student, & à
Propheta vsque ad sacerdotem cū-
cti faciunt dolum, & exactiones
insuetas ad resarciendam crume-
nam excogitatas prælagire lapsum
& ruinam Ecclesiæ catholicæ.

Fertur olim fuisse oraculum a-
pud Græcos Delphis, acceptum ab
Apolline Pythio, vt author est Ci-
cero in secundo Officiorum libro *Cic. in 2.*
Spartam, Laconicæ Regionis vr- *Officio-*
bem celeberrimam, nulla re alia, *rum li-*
nisi auaritia esse perituram, Ego *bro.*
verò longè verius Delphicis tripodibus & cortinis credo esse oraculum, Ecclesiam Dei auaritia ruituram atque perdendam, quod ex ea omnia mala suboriuntur, & inualescunt in Ecclesia Christi, secundum illam beati Pauli sententiam:

1. Tim. 6 Radix omnium malorum est cupiditas, quam quidam appetentes errauerunt à fide, & inseruerunt se doloribus multis.

Eccl. 30 Cui consonat Ecclesiasticus dicens: Avaro nihil est scelestius: & nihil est iniquius, quam amare pecuniam: hic enim & animam suam venalem habet, quoniam in vita sua proiecit intima sua.

Malitia
Auaritix
in cleri-
cis.

Quod si hæc flamma gehennæ & auri sacra fames, in laicis & secularibus viris exercentibus negotiationem est meritò damnanda, quāto magis in sacerdotibus, & diuino mancipatis officio? in quibus si semel medullitus hæserit omnia sacra prostituit venalia, cruces, altaria, templa, animas, pro quibus mortuus est Christus, negligit, quæ spiritualia sunt officia nequaquam curat, sed soli inhiat pecuniæ congerendæ, satyricum illud continuò suggerens, *lucri bonus est odor ex re qualibet.* Et cum nemo militans

Iuena.

1. Tim. 2.

Deo implicet se negotijs secularibus, vt ei placeat cui se probauit,

facer-

sacerdotes militiæ Dei ascripti, & Ecclesiastica cauponantes ministeria, longè deterius agunt, quam si negotijs secularibus se implicarent.

Verum nostra tempestate videtur illud oraculum de ruina Ecclesiæ, per auaritiam futura, prope modum habere locum & veritatē, cum hæc inferna palude egressa tabes, in summum ferè nunc excreuerit, & suam impleuerit mensuram, ostendaturque planè nunc *Esa: 65.* verum esse quod ait Elaias. *Omnes in viam suam declinauerunt: vnusquisque ad auaritiam suam à summo vsque ad nouissimum.* Et quòd Paulus ad Philippenses scribens conqueritur. *Omnes quæ sua sunt quærunt, non quæ Iesu Christi.* *Phil: 2.*

ABSTINENTIA MET SOBRI-
etatem in sacerdote maximè requiri cum sacra tempore conuiuij lectione, & conuersationis cum laicis deuotione.

CAPVT XVII.

Comen-
datur sa-
cerdotib'
sobrietas
per varia
exempla
scripturæ

Primum
exemplū
sumitur
ab Aaron
& ipsius
filij.
Leu: 10.



Propterea sacerdotali ordini adscriptum virum maximè decet abstinētia & sobrietas, in cibo & potu moderationem & mediocritatem seruans, vt & purior atque eleuatior sit mens ad sancta altaris tractanda mysteria, & corpus ipsum ad id muneris reddatur magis dispositum. Siquidem in Leuitico dixisse legitur Dominus ad Aaron: *Vinum & omne quod inebriare potest, non bibes tu & filij tui, quando intrabitis in tabernaculum testimoniij, ne moriamini: quia praeceptum sempiternum est in generationes vestras, vt habeatis scientiam discernendi inter sanctum & prophanum, inter pollutum & mundū, doceatisque filios Israël omnia legitima mea, quæ locutus est Dominus ad eos per manum Moysi.*

Si itaque cauenda fuit ebrietas, fugiendaque temulentia à sacerdotibus, quando hircorum & tau-

rorum

rorum fiebat sacrificium, vt vegetiore animo & discretiore possent etiam docere populum instituta illius legis, longè valentiore iure nunc à vino temperandum est, quando omnium historiarum immolanda est veritas: & primitiua illa ac singularis hostia, cum etiam doctrina euangelica, longè syncerior & perfectior est tradenda populo.

Rursum Daniel cum socijs suis, vt scripturarum allequeretur scientiam, aquam & legumina prætulit regiæ mensæ delitijs. Nunquid ergo sacerdos eam sibi comparabit, cum studet calicibus epotandis, & largo vini haustu se ingurgitat? quandoquidem maledictionem æternam interminatur Dominus ijs qui multo vino & ebrietati sunt dediti, cum ait per Esaiã.

Va qui consurgitis mane ad ebrietatem sectandam, & potandum vsque ad vesperam vt vino astuetis. Cithara, lyra, & tympanum & tibia, & vinum in

2.
Exemplū
sumitur
à Daniele
& socijs
ipfius.
Daniel.

Esaias.

conuiujs vestris & opus Domini non respicitis nec opera manuum eius consideratis. Et paulò post eodem loco. *Va qui potentes estis ad bibendum vinum, & viri fortes ad miscendam ebrietatem.*

3.

Exemplū
sumitur
à S. Ioan-
ne Bapti-
sta.

Luca 1.

4.

Exemplū
sumitur
à S. Ti-
motheo.
1. Tim: 3

5.

Exemplū
sumitur
à Diaco-
no.
1. Tim: 3

Ad hæc Ioannes Baptista, vt idoneus esset minister baptismi Christo exhibendi, vinum & siceram non bibit. Quid igitur faciet sacerdos. Christum Deo patri immolaturus? Præterea permisit beatus Paulus Timotheo modici dūtaxat vini vsu propter stomachū, & frequentes eius infirmitates. Quis ergo iure sacerdos copioso le vino obruet, quo & animum grauius lædat, & corpus reddat imbecillius? Insuper Apostolus Episcopum suis depingens virtutibus & rectis moribus instruens, eundem dicit non debere esse vinolentum. Diaconos etiam assumendos esse, qui non multo vino sint dediti. Quid igitur sacerdotalem decet gra-
dum,

dum, qui diaconi ministerio est
 sublimior & episcopali dignitati
 plerunque coniungitur? Nonne & *Eccl: 2.*
 hunc decet abstinencia, atque à lar-
 giori vino temperantia? Demum
 Ecclesiastes rationem assequendæ
 sapientiæ ostendens ait. *Cogitavi in*
corde meo abstrahere à vino carnem me-

6.

Exemplū
 ducitur
 ab Eccle-
 siaste 2.

am, ut animum meum transferrem ad
sapientiam, deuitaremque stultitiam.

Sed quis sapientia magis indiget
 quam sacerdos, qui legem Dei de-
 bet interpretari, & ignaros sapien-
 tiam docere? de qua ait Iob. *Ecce*
timor Domini ipsa est sapientia, & re- *Iob: 28.*
cedere à malo intelligentia. Debet igitur
 & ipse carnem suam abstrahere
 à largo vini usu, qui acumen adi-
 mit menti, & aciem eius hebetat.

Quod & salubriter admonet i-
 pse magister totius disciplinæ quæ
 ducit ad vitam, cum ait in Euan-
 gelio. *Attendite vobis, ne forte grauen-* *Luc: 21.*
tur corda vestra in crapula & ebrietate
& curis huius vitæ, & superveniat in

vos repentina dies illa. Nonne plerique referuntur interdum subito extincti morbo, qui ortum occasionemque sumpsit ex immoderatioris cibo & potu prius accepto? Nonne quotidiano compertum est experimento, id verum esse quod dicit Ecclesiasticus? *Propter crapulam, multi obierunt. Qui autem abstinens est, adiciet vitam.*

Eccl: 38

Commē
datur sa-
cerdoti-
bus so-
brietas
ex San-
ctis Pa-
tribus.

Inno: 3.

J.

Commē
datio fir-
mitur ex
S. Inno-
centio.

Nunc autem ex sanctorum patrum sententia & autoritate idem comprobandum est, sacerdotem scilicet abstemium esse debere & in cibo moderatum, & primum canonica sanctione Innocentij tertij, qui in titulo de vita & honestate clericorum capi. à crapula sapienter omnes Ecclesiasticæ forti addictos admonet dicens. *A crapula & ebrietate omnes clerici diligenter abstineant. Vnde vinum sibi temperent, & se vino: nec ad bibendum quispiam incitetur, cum ebrietas, & mentis inducat exiliū, & libidinis prabeat incentiuum. Vnde*

illum

illum abusum penitus decernimus abolendum, quo in quibusdam partibus, ad potus aequales suo modo se obligat potatores, & ille iudicio talium plus laudatur, qui plures inebriat, & fecundiores calices exhaurit. Idem quoque eodem loco capi: clerici officia, cauponas & tabernas vinarias interdicit omnibus ad Ecclesiasticam sortem assumptis, dicens. Clerici tabernas prorsus euitent, nisi forte causa necessitatis in itinere constituti. Sunt enim illa demonum officina, & omnis intemperantia schola. Vbi omnis vita regula dissoluitur, & in concessis voluptatibus habentia laxantur. Præterea quadragesima quarta distinctione, cap: cum autem, dicunt sacri canones. Cum autem sacerdos vinolentus esse prohibetur, gula intemperantiam nequaquam habere permittitur. Neque enim ebrietas prohibetur, & voracitas permittitur, utrunque enim inter opera tenebrarum Apostolus commemorat scribens Romanis. Non in commessationibus,

NOTA.

2.

Probatur
ex sacris
canonib'

Rom: 14

Notabi-
lis S. viri
sententia

4. Re: 25

Vt
dicitur3.
Probatur
ex Con-
cilio To-
letano.4. dist:
pro re-
uerētia.

bus, & ebrietatibus. Ventris namque ingluuies, ad luxuriam prouocat facile, & omne opus bonum dissoluit. Vnde Hieronymus: *Venter & genitalia, sibi metipsis vicina sunt, vt ex vicinitate membrorum, consideratio intelligatur vitiorum.* Hinc Nabuzardan princeps coquorum muros Hierusalem destruxisse legitur, quia venter cui multitudo coquorum deseruit, ædificia virtutum ad solum redigit. *Sacerdos itaque de altari viuere, non luxuriari quærat. Tibi ò sacerdos de altari viuere, non luxuriari permittitur.*

Hæc tibi eadem quoque quadragesima quarta distinctione, capitulo, Pro reuerentia, exprimit tertium concilium Toletanum, quanta sit honestas & disciplina in sacerdotum mensa seruanda, cum ait. *Pro reuerentia Dei & sacerdotum, id vniuersa constituit synodus, vt quid solent crebrò mensis ociosa fabula interponi, in omni sacerdotali conuiuio, lectio diuinarum scripturarum immisceatur.*

Per

Per hoc enim & anima edificantur ad bonum, & fabula non necessaria prohibentur. (Rursum de consecratione, distinctione quinta capitulo, In omnibus. Idem præcipitur, quòd clerici ad mensam, similiter lectionem diuinæ scripturæ audiant.)

De consecratione.
se. distin.
in omnib.
Deu. 8.

Et meritò nam huiusmodi sacra lectio, spirituale est pabulum animæ, quandoquidem non in solo pane viuit homo; sed & in omni verbo quod procedit de ore Dei. Sacra autè literæ & eloquia, quidnam aliud sunt quàm verba ore Dei deprompta, quibus nos quotidie alloquitur? Atqui irrationabile est cum pascitur corpus, animam quæ plus est quàm corpus relinqui ieiunam, & suo destitui alimento. Vterque igitur simul pascatur homo, exterior cibo corporali, interior verbo Dei, quod ex sacra lectione menti ingeritur. Magna certe sedulitate id obseruauerunt antiqui patres, & eruditione

& vir.

Singula-
ris pietas
Origenis
Adamā-
tii.

Sacerdo-
tes con-
uersātes
cum lai-
cis impe-
diuntur
suis pijs
exercitijs

& virtute clarissimi, & in primis O-
rigenes Adamantius, de quo scri-
bit facer Hieronymus ad Marcellā,
quod nunquam cibum sine lectione sum-
psit, neque somnum accepit, nisi vnus
ē fratribus sacras literas personaret.
Hoc diebus egit & noctibus, vt lectio o-
rationem susciperet, & oratio lectionē.

Sed quomodo id præstabant sa-
cerdotes, qui quotidianam cum
laicis & à sua vocatione alienis ha-
bent consuetudinem, atque fami-
liaritatem, nullam autem vel ra-
ram cum Ecclesiasticis & suæ sortis
viris? Quo pacto in ea sacerdotum
mensa, cui solum vt plurimum ad-
sunt secularis atque negotiosæ vitæ
viri, resonabunt sacræ lectiones?
vbi potius vel ad fabulas, vel secu-
laria negotia, vel obtreptiones,
lingualaxatur. Proinde laicorum
societatem, iura canonica recte
viris Ecclesiasticis prohibent. Nam
quos studiorum disparitas separat,
morum quoque dissimilitudo de-

bet se-

bet feiungere. Et quemadmodum decima sexta, quæstione septima, capite in noua, dicit canonica sanctio, coherere & iungi non possunt, quibus vota & studia sunt diuersa. Consonat huic Ecclesiasticus dicens. Omne animal diligit simile sibi, sic & omnis homo proximum sibi. Omnis caro ad similem sibi coniungetur, & omnis homo simili suo sociabitur. Sicut communicabit lupus agno aliquando, sic & peccator iusto. Quæ communicatio sancto homini, ad canem? aut quæ pars bona diuiti, ad pauperem?

16. q. 7.
in noui

4.
Probatur
ex Eccle-
siastico.
Eccl: 12.

Certè quotidiana sacerdotum cum laicis conuersatio, contemptibiles ipsos reddit (cum nimia familiaritas, parere contemptum soleat) & grauiori efficit obnoxios culpæ. Quando coram illis peccant sacerdotes, quos deberent bono exemplo ad emendationem prouocare: & eos habent suorum criminum testes, socios & consocios, quorum ad virtutem deberent esse

Frequens
familiari-
tas parit
contem-
ptum.

duces

Quantū
mali sa-
cerdotes
præbeant
laicis scā-
dalum.


Idem.

Sap: 6.

duces & incitatores. Enimuero laici ipsorum sacerdotum innitentes exemplo, in eadem facile labuntur vitia. Quoniam ut inquit Gregorius. Cum pastor per abrupta graditur, consequens est, ut grex ad præcipitium sequatur, & qui labenti innititur necesse est ut cum labente pariter labatur. Persuadent enim sibi subditi, id eis impunè licere, quod à suis pastoribus fieri palam conspiciunt, & audentius idem perpetrant, ex quo superiorum longè maior redditur culpa. Quod liquiddò attestatur Gregorius dicens. *Deterius in populo Prælati delinquant, ac per hoc ipsi crudelius quam ceteri puniuntur, secundum illud libri Sapientia verbum. Durissimum iudicium in ijs qui præsumunt fieri, & potentes potenter tormenta patientur. Fortioribus enim fortior inflat cruciatio.*

IEIUNIVM NON SOLVM EC-
clesiastico instituto, sed etiam diuino
præcepto atque iure esse ordinatū, &
ita homines ad id obligari.

CAPVT XVIII.


 D comprimendum autē ^{Laus ie-} gula vitium, fugiendam ^{iunij va-} crapulam, ebrietatemq; ^{ria.} cauendam, nullum potius est & præsentius remedium quam ieiuniū, quo (vt ait Hieronymus) ista pestes corporis & reliqua consequētes, velut salutarī antidoto sanantur. Per illud enim, castigatur corpus, & in seruitutem spiritus redigitur. Quod se fecisse scribit Paulus, & eius exemplo facere debent sacerdotes. Ne fortē cum alijs prædicauerint, ipsi reprobi inueniantur. Per illud item caro crucifigitur cum vitijs & concupiscentijs, quod n̄ faciunt qui sunt Christi. Denique per illud mortificantur membra nostra quæ sunt super terram, vt spiritus in Domino viuificetur. Et certē satius est sacerdotibus hic ieiunio afflicti ad carnis castigationem, quàm delitijs in præsentī vita affluere, & demum cum diuite

epulo-

Luc. 16. epulone sepeliri in inferno, & cruciari flamma inextinguibili, fame-
que perpetua & siti contabescere,
nec minimam aquæ guttam ad lin-
guæ refrigerium obtinere.

Nonnul-
lorum
falsa sen-
tentia de
ieiunio.

Sed ecce cum ieiunium prædi-
camus, obstrepunt nonnulli im-
portunis clamoribus, & verbis no-
stris reclamant, confringentes ie-
iunij vinculum, & contententes
nullo nos diuino præcepto alligari
ad aliquam ieiunij obseruationem,
sed sola iuris humani positione.
Quæ (vt aiunt) non sic potest ho-
minem constringere, vt eius præ-
uaricatorē constituat peccati mor-
tiferi reum. Et ita tandem eò de-
ducunt suam rationem, vt sibi per-
suadeant eos minimè peccati le-
thalis reatum incurrere, qui ieiu-
nia Ecclesiastico instituto ordinata
cùm possint, non obseruant, vt
sanctæ quadragesimæ, aut quatuor
temporum, aut vigiliarum festa
solennia præcedentium, quas Ec-

clesia

clesia indicto ieiunio celebrat.

Verum hi prædicatores sunt Antichristi & præcursores eius, vt soluant legem Christi sanctam & immaculatam, carni, & sanguini repugnantem, & spiritui maximè consonam. Hi quoque ex Epicuri schola prodisse videntur, assertores voluptatis, & Epicuri de grege porci, aduersum veritatem grunire non verentur. Hos sanè Cherinus maximè probasset, tanquam suæ sectæ astipulatores, quæ in corporis oblectamenti summâ felicitatem collocavit. Hos deniq; Machometus corruptor & deceptor orbis lubens fuisset amplexus, quòd ad adstruendam ipsius legem (*si modo lex dici debeat, & non potius mera impostura atque animorum corruptela*) magnum habuissent illi momentum ac pondus. Idcirco ex sacræ scripturæ tam veteris quam nouæ legis testimonio elidamus duram illorum frontem, & subru-

Respon-
detur nõ
nullorũ
falsæ sen-
tentiz.

Cherin

amus

Probatur
ex scriptu-
ra ieiun-
ium ef-
fectus iuris
diuini.

J.

Probatur
ex Leui-
tico.
Cap: 16.

Leui: 23

amnis basin assertionis ipsorum, ostendentes ieiunium non solum ex humana sanctione, sed longè prius & potius ex diuina, vim obligationis habere, Deumque apertè dedisse præceptum obseruandi ieiunia, eiusque præcepto nos adstringi ad illorum obseruationem.

In primis, Leuitici decimo sexto capite, vbi festum expiationis celebrandum exprimitur, inter cætera dicit Dominus ad Moysen. *In hac die expiatio erit vestri atque mundatio, ab omnibus peccatis vestris coram Domino mundabimini. Sabbatum enim requietionis est, & affligetis animas vestras religione perpetua. Idem quoque repetitur Leuitici vicelimo tertio capite, his verbis. Decimo die mensis huius septimi, dies expiationum erit celeberrimus, & vocabitur sanctus, affligetisque animas vestras in eo. Et paulò post: Omnis anima qua afflicta non fuerit die hac, peribit de populis suis.*

Quid

Quid (oro) hac interminatione
 & comminatione manifestius? quæ
 plane ostendit eam afflictionem
 diuino iuberi præcepto, non sua-
 deri consilio. Atqui ea afflictio in-
 telligitur esse, carnis per ieiunium
 emaceratio, secundum communē
 omnium expositorum sententiam,
 consuetumque loquendi modum,
 quo scriptura sæpe etiam in alijs lo-
 cis utitur, quemadmodum tricesi-
 mo Numeri capite, cum ait. *Si vo-*
uerit & iuramento se constrinxerit, ut
per ieiunium vel ceterarum rerum ab-
stinentiam affligat animam suam. Et
 Esaie quinquagesimo octauo. *Nū-*
quid tale est ieiunium quod elegi, per
diem affligere hominem animam suam?
 & compluribus alijs in locis. Igitur
 in proposito Leuitici loco præci-
 pitur diuina autoritate ieiunium.
 Quod si in veteri sit testamento:
 multo amplius in nouo, quod ma-
 gis spirituale est, & ad spiritus du-
 cit perfectionem, ad quam ieiuni-

Nū: 30.

Esa: 58.

um magnopere confert. Quæ enim ad componendos mores spectant præcepta Dei, non minus roboris, & virium in nouo quam veteri habent testamento, vt liquidò manifestant præcepta de calogi.

Id autem præceptum de obseruando ieiunio: constat vtique ad formandos mores pertinere, etsi id ceremoniarum habeat rationē, quod in festo expiationis fieri debuerit, & proinde in noua lege secundum eam considerationem nequaquam obseruandum. Sed generalem duntaxat hic ieiunij rationē attendimus, secundum quam austruimus ipsum etiam in hac lege gratiæ (quæ nobis adest) esse præceptum à Deo.

2.
Probatur
ex Iohelis
cap. 1.
Iohel 2.

Præterea Iohelis primo capi: item & secundo præcipit Dominus per Prophetam: *sanctificate ieiunium, vocate cœtum*. Et rursus secundo eiusdem Prophetæ capite. *Conuertimini ad me in toto corde vestro, in*

ieiun-

ieiunio, fletu & planctu. Quod nullus sanæ mentis negauerit præceptorio sermone & imperatorio dictum à Domino, non autem suasio tantum & admonitorio, ut verba ipsa satis indicant. Quid est autem, nisi ipsum in sanctimonia, & puritate obseruandum indicare, & indictum obseruare? Sicut igitur conuersio nostri in toto corde ad Deum est præcepta diuino iussu, ita & modus couertendi iubetur sanctione diuina, ut pote quòd fiat in ieiunio, fletu & planctu. Rursum sicut fletus & planctus, id est compunctio cordis & contritio de peccatis, à Deo ibidem præcipitur, ita & ieiunium tanquam debitum & expediens medium conuertendi nos ad Deum, eademque prorsus ratione & iure (quòd his annectatur) præcipi intelligitur.

Insuper Zachariæ septimo capite Dominus ad sacerdotes & ad omnem populum ait. *Cum ieiunare.*

3.
Probatur
ex Zach:
Cap: 7.

tis & plangeretis in quinto & septimo, per hos septuaginta annos, nunquid ieiunium ieiunastis mihi? Et octauo eiusdem Prophetæ capi, Hæc dicit Dominus exercituum, ieiunium quarti, & ieiunium quinti, & ieiunium septimi, & ieiunium decimi erit domui Iudæ in gaudium & letitiam, & in solennitates præclaras. Ex quibus liquet Iudæos saltem post euersionem vrbs & templi in captiuitate Babylonica detentos, quin imò & post illius dissolutionem, assuetos esse obseruationi ieiuniorum indictorum in quarto mense & quinto, septimo & decimo. Sed cuius autoritate indicta fuerunt, & constituta illa ieiunia, nisi diuina? Nunquid si humana tantū traditione & per sanctionem humanitus solum inductam obseruata fuissent ea ieiunia, illorum per Prophetam Dominus meminisset, promississetq; eadem in gaudium & hilaritatem tandem conuersum iri? Erant igitur apud

Iudæos

Iudæos ieiunia, diuino iussu atque præcepto ordinata. Quod sufficit ad astruendum, quòd ieiunium ex diuino pendeat imperio.

Adhęc Angelus Raphael ad Tobiam dixisse legitur, *bona est oratio cum ieiunio & eleemosyna, magis quam thesauros auri recondere.* Vbi Angelus Domini adiunxit, ieiunium, alijs duobus operibus satisfactorijs scilicet orationis & eleemosynæ, tanquam suis comitibus & sine quibus Deo nequaquam esse gratum soleat. Quibus sanè verbis subinsinuauit eandem prorsus illorum trium simul nominatorum esse rationem, quantum ad præcepti diuini obligationem, vt si vnum eorum à Deo præceptū fuerit, æquo iure conuincantur & alia esse præcepta. Atqui oratio & eleemosyna, diuina iussione sunt præcepta, vt liquidò constat ex multis scripturæ locis. Igitur & ieiunium illis adiectitium, pari iure atq; ratione præ-

4.

Probatur
ex Tobia
Cap. 12.

5.
 Probatur
 ex Mat-
 thæo 6.
 & 7.

ceptum intelligi debet.

Conuincitur etiam idem ex sexto Matthæi capite, vbi eadem tria opera rursum connectit & sigillatim explicat Dominus quomodo sint exercenda. De eleemosyna quidem, *Cum facis eleemosynam, noli tibi canere*. De oratione vero, secundo loco. *Et cum oratis, non eritis sicut hypocrita*. De ieiunio autem, tertio loco subnectit. *Cum autem ieiunatis, nolite fieri sicut hypocrita tristes*. Vbi perspicuè ex ipso loquendi schemate atque forma præsupponit esse ieiunandum, tanquam id diuino præcepto sit indictum, quæ admodum omnino consimili loquendi ratione, præsupposuit & esse orandum ex diuino mandato, & dandam esse eleemosynam. Eadem siquidem obligatione, diuini scilicet præcepti ad illa tria homines deuinciri, ipse idem sermonis contextus dilucidè prodit.

Insuper Matthæi decimo septimo capi-

mo capite, dixisse legitur Dominus
noster discipulis suis. *Hoc autem ge-
nus (demoniorum scilicet) non eicitur
nisi per orationem & ieiunium.* Et idē
consimilibus ferē verbis, Marci no-
mo capite repetitur. Per quod (vt
exponit Nicolaus Lyra) innuit
quod dæmon titillans hominem &
tentans ad vitia carnis, quin imò &
ipsa carnis vitia, non eiciuntur à
nobis, neque vincuntur nisi per o-
rationis & ieiunij medicamenta.
Quam utique sententiam, eodem
in loco confirmat glossa dicens. *Ista
carnalium voluptatum mutabilitas non
mutatur vel vincitur, nisi spiritus ora-
tione confirmetur, & caro per ieiuniū
maceretur.* Atqui diuino præcepto
obligantur homines, ad superan-
dum hoc genus dæmoniorum.

Caro enim & sanguis, regnum Dei non 1. Cor. 15
possidebunt. Et qui amat animam suā Ioan. 13
in hoc mundo, perdet eam. Imo qui non
oderit animam suam, non potest Christi
esse discipulus. Ergo eodem etiam

Luc: 14 præcepto obligantur homines ad
ca media, orationem inquam & ie-
iunium, sine quibus hunc finem,
vitiourum scilicet carnis extirpatio-
nem, assequi non possumus. Obli-
gavit igitur Deus suo præcepto ho-
mines ad ieiunium, sicut & ad ora-
tionem, vt hisce medijs suæ saluti
necessarium finem assequantur, vt-
potè vitiourum carnis repressiōē.

6.

Probatur
ab exem-
plo Chri-
sti.

Mat: 4.

Sed quid multis opus est verbis?
Nonné Dominus & legifer noster,
quadraginta dierum & noctium ie-
iunio, nostram consecrauit quadra-
gesimam, & opere in se ostendit
quod debeamus imitari? Cui dein-
de accessit Ecclesiastica constitutio,
tempus & modum obseruandi ie-
iunij non sine Dei directione de-
terminans. Diuini igitur præcepti
est quod ieiunemus. Humanæ ve-
ro sanctionis, quòd hoc vel illo
tempore, quodq; tali modo & vi-
ctu ieiunium obleruemus. Huius-
modi tamen humana positio, non

minus

minus est tenenda, quàm si diuino ore esset deprompta, *quoniam Ecclesia qui non audierit sicut Ethnicus & publicanus habendus est.* Et de Apostolis atque viris Apostolicis dictum est à Domino. *Qui vos audit me audit: Et qui vos spernit, me spernit.* Quare qui Ecclesiæ fuerit rebellis, & eius dicto non audiens, Dei contemptor est habendus. Idcirco rectè decernunt pontificiæ sanctiones patrumq; decreta quod in ijs rebus de quibus nihil certi statuit diuina scriptura, mos populi Dei & instituta maiorum pro lege tenenda sunt. Et sicut præuaricatores diuinarum legum, ita contemptores Ecclesiasticarum consuetudinum coercendi sunt.

Sed hæc quasi per digressionem non tamè inutiliter dicta satis sint. Nunc ad iter propositum reuocemus gradum, & de moribus sacerdotum non nihil adhuc disseramus, reliquas, quæ eos decet virtutes prosecuturi.

Conclusio cum propositione.

Ociositatem sacerdotibus summopere fugiendam esse, & negligentiam circa suos dirigendos, simul & ludorum inhonestatem.

CAPVT XIX.

Ocium
summo-
pere vitā
dum est
sacerdo-
tibus.



Nihil autem sacerdotali charaētere insignitis magis est declinandum ultra supradicta, quam otium & torpens animi ignauia, nihil boni operis exercens, & omni virtutum vacans officio, quoniam ea præstat alimentum & materiam multis vitijs, secundum hanc Ecclesiastici sententiam, *multam malitiam docuit ociositas*. Ad quam toto animi enixu fugiendam, id maximè agendum quod scribit Hieron. ad Rusticum Monachum: *Nunquam de manu tua, vel oculus liber Psalterij discedat, dicatur ad verbum oratio sine intermissione: Ama scientiam scripturarum, & vicia carnis non amabis. Facito aliquid operis, vt semper diabolus inueniat te occupatum*. Enimuerò sicut vrbs patens absque

Hieronymus ad
Rusticum
Monachum.

Fulchra
militudo

abique murorū ambitu facile quo-
 suis admittit hostes, ita ociosus a-
 ninus in ignauo corpore, omnes
 passim recipit dæmonum suggesti-
 ones, & per eas ad grauiā impelli-
 tur sine aliquo negotio scelera.
 Quibus vt viam præcludat & adi-
 tum sacerdos, post expleta templi
 officia lectioni sacrarum literarum
 debet animum intendere, atque
 tam salutare studio totos dies oc-
 cupare, quo nullum dari potest
 salubrius, aut gradui sacerdotali
 congruentius. Sanctos item docto-
 res, Hieronymum, Augustinum,
 Ambrosium, Gregorium, Chry-
 sostomum, Bernardum, & cæte-
 ros, qui sacræ scripturæ sensum no-
 bis suis explanationibus aperue-
 runt, euoluere ac perlegere stude-
 at: ex quibus rectam eius assequa-
 tur intelligentiam. Insuper decreta
 sanctorum patrum, sanctionesque
 canonicas: quomodo Ecclesiastica
 sacramenta sunt administranda, &

Sacerdo-
 tes debēt
 legere sa-
 cram scri-
 pturam.

Sacerdo-
 tes debēt
 legere
 Sanctos
 Patres.

Sacerdo-
 tes debēt
 legere de-
 creta SS.
 Patrum.

Alearum
lud' pro-
hibetur
sacerdo-
tibus.

Episco :
35. dist.

Explica-
tio istius
distincti-
onis vera

sacerdotum vita instituenda late
determinantes, assidua versare ma-
nu laboret. His etenim studijs san-
ctis occupati sacerdotes neq; mar-
cebunt ignavia, otiose torpebunt:
neque inhonestis & turpibus ludis
tempus & suam confument substā-
tiam, qualis est alearū ludus: cū
Christianos omnes, tum maximè
sacerdotes dedecens, & pontificijs
decretis districtè prohibitus. Tri-
gesima quinta distinctione, ca-
pi. Episcopus vbi ex canonibus A-
postolorum depromptum statui-
tur hoc decretum. *Episcopus aut pres-
byter, aut diaconus alea atque ebrietati
deseruiens, aut desinat aut certè da-
mnetur. Subdiaconus autem, lector aut
cantor, similia faciens, aut desinat, aut
communione priuetur, similiter laicus.*

Neque subterfugium quærat ali-
quis cauillator, dicens particulam
de inductione deseruiens ibidem
auxesin atque incrementum desi-
gnare, vt tantundem valeat deser-

uiens

uens, atque valde seruiens, quem-
admodum eodem in loco sentit
glossa. Et proinde contendat inibi
non prohiberi alex ludum: nisi qui
frequens exercetur, & assiduo usu
trahitur in consuetudinem. Nam e-
sto quod pœna canonis ibidem ex-
pressa non feratur, nisi in eum qui
crebrò alearum ludo est intentus:
attamen quantumvis rarerer fa-
ctus ille ludus, imò & semel suapte
natura damnabilis est, & gravi
semper obnoxius peccato. Quod
ex verbis Innocentij tertij in conci-
lio generali protinus innotescit: qui
in titulo de vita & honestate cleri-
corum capit: clerici officia, inter
cætera dicit. *Clerici ad aleas & taxillos
non ludant: nec huiusmodi ludis inter-
sint.* Quibus sanè verbis, omnem a-
lex ludum, siue frequenter siue ra-
ro sine discrimine clericis interdicat.
Ludum autem alex voco eum, qui
iactu tesserarum committitur, &
soli innititur fortunæ, quem admo-

Innocen-
tij inter-
dictum
de ludo
alearum:

Per ludū
Aleæ quid
intelligē-
dum.

Lucrum
ex ludo
alearū est
restituen-
dum te-
ste S. Bo-
nauētura

dum authores ferè semper accipi-
unt. Sub quo comprehendi intelli-
go omnem alium ludum : cuius lu-
crum ex solo pendet fortunæ euē-
tu, & nulla industria humana diri-
gitur. Qui certè nullam habet iusti
lucri rationem, ob quam legitime
transferatur lucrum in ipsius lucrā-
tis dominium. Quocirca cum exi-
mio patre sancto Bonauētura sen-
tio, huiusmodi lucrantes ad resti-
tutionem eorum, quæ hoc ludo
sunt allecati strictè obligari, &
quod taxillorum iactu aut chartis
lusorijs sunt lucrati, in pios vsus
pauperum erogari debere. Enim-
vero si quis semel aut bis contre-
ctet aleas, & eas iactitet, concer-
tans cum aliquo posito pignore:
nonne tandem trahetur ex huius-
modi inescatione ludi in consue-
tudinem & fiet aleator, habebitq;
aleas in delitijs? Nonne qui sibi ca-
uere vult, ne in assuetudinem mali
ducatur, eniti debet: vt ne semel
quidem

quidem admittat id, cuius alluefactionem vult euitare: cum dicat Ecclesiastes: *Qui in vno deliquerit, multa bona perdet.* Et Ecclesiasticus *Qui spernit modica, paulatim decidet.*

Eccl: 9.

Eccl: 10

Rursum obijciat aliquis, permisum esse à iure pro modico pretio ludum, aut causa recreationis, aut conuiuij, vt lucrum non inferatur crumenæ lucrantis, sed in esculentata conuertatur aut poculenta. Admitto id quidem in ludis illis qui industriam humanam habent annexam, quin imo & in ijs qui soli innituntur fortunæ: neque humana diriguntur industria, ad assequendum lucrū aut euitandum damnū, modo id fiat, quòd dictum est in obiectione, vt modicum sit pretium, ne succūbens graui detrimento afficiatur, conuertaturque lucrum in sumptus mediocris conuiuij, quod relaxandi animi gratia instratur. Sed quotusquisque est qui intra metas iam positas se continere velit

Respon-
sio ad ob-
iectionē.

Principi-
is obstan-
dum in
ludo etiā
alearum.

velit & ultra non tendat refarcien-
dum copioso lucro marsupium?

Certè à plerisque cum à modicis
inceperint ludum pro animo (vt
aiunt) relaxando , interdum iam
luditur alea pernox , & absumpta
pecunia , vestes , patrimonium , tecta ,
& prædia pro pignore ludi consti-
tuuntur. Quæ incommoda si quis
deuitare velit (velle autem debent
omnes) ne huiusmodi ludis sorti
fortuitæ subiectis vnquam se ex-
ponat , summopere laborare , quo-
niam facilè illis inuiscaretur .

Scandali
cautio ad
hibenda
sacerdoti-
bus in lu-
dis vtcū-
que lici-
tis.

Cæterum in ludis illis , qui hu-
mana diriguntur industria , solertia
atque peritia , adhibere sacerdotes
debent cautionem , ne illis vacent
aut immoderata cupiditate lucri ,
aut frequentius æquo , nimia ué as-
siduitate , aut tempore minus con-
ueniente , vt quod diuino officio
debeat deputari , aut loco minus
congruo , vt patente & in propa-
tulo constituto . Siquidem si aut ar-

cu aut

cu aut pila decertet sacerdos in laicorum conspectu & loco publico, illis inspectoribus sæpe ingerit scâdalum, & præbet offendiculum iudicantibus sacerdotalem ordinem id minimè decere: unde occasionem ruinæ præstat proximo, grauiusque delinquit. Et idem ferendum est iudicium, si illi ludo intentus sit sacerdos, in quò euenire plerumque solet periculum læsionis fortuitæ alteri inferendæ, vt ludo arcus atque eiaculationis telorum. Meritò namque reprehendendus est, id ludi genus exercens, quòd exponat se periculo effundendi humanum sanguinem: aut grauius aliquem casu ledendi. Quod si in hoc genere ludorum, aut alio quouis modo sacerdos peccatum admittat, longe deterius committit malum, quàm laicus aut plebeius consimile peccati genus perpetrans, tum ob altiorem & eminentiorem dignitatis gradum, tum ob

scan-

scandalum quod alijs exinde inge-
ritur atque suboritur.

Grauis &
longa sen-
tentia S.
Chryso-
stomi de
peccatis
sacerdo-
tum.

Leu: 4.

Neque hæc mea est, sed Chryso-
stomi sententia, in sexto libro dia-
logorum, de dignitate sacerdotali
de se dicentis: Nunc ego (cum scilicet
non fungor sacerdotio) mihi talem
ultionem referri puto, qualem peccato-
rum meorum exigit magnitudo. Acce-
pto verò sacerdotio, non solum duplicatam
aut triplicatam, sed toties auctam quot
fuerint illi quos scandalizare possum: &
quam meretur is, qui post acceptum ho-
norem, largitorem eius offenderit. Pro-
pter hoc enim & Israelitæ grauius cate-
ris gentibus arguuntur: hoc videlicet
correctionis illius vindicta indicante,
quia post beneficia accepta peccantes,
maiora tormenta mereantur. Ideò ali-
quando dicit ad illos Deus: Quoniam
vos cognoui solos ex omnibus tribubus
terra, propter hoc vlciscar in vobis im-
pietates vestras. Aliquando vero acce-
pi ex filijs vestris in Prophetas, & ex iu-
uenibus vestris in sanctificationem.

Ante

Ante tempora etiam Prophetarum, differentiam fecit Deus inter sacerdotum plebisq; peccata. Offerre enim iubebat sacrificium pro sacerdotis errore tantū, quantum pro totius populi delicto. Quo nihil aliud indicatur, quam quòd maiore indigeant adiumento vulnera sacerdotis & tantò, quantò simul vniuersi populi multitudo. Maiore autem non egerent, nisi grauiora indicarentur. Grauiora autem efficiuntur, non conditione corporis, sed dignitate facientis: Et quid de viris loquar, qui participes ministerij sacerdotalis erant? Filia quoq; sacerdotum quæ nihil habebāt cum officio commune: tamen propter honorem parentum multo pro peccatis suis maiorem quàm reliquæ femina sustinent ultionem. Et quidem delictum vnum est, tam quòd ab ipsis, quàm quod à vulgaribus mulieribus perpetratur. Fornicatio enim quæ in vtriusq; ultio verò multo circa illas seuerior. Vides quemadmodum ostendit Deus, quoniam honoris consideratio durius facit eos qui regunt, quam eos qui reguntur, puniri.

puniri. Et qui filias sacerdotis grauioris vindicta lege constringit, illū ipsum, qui causam etiam in pignore suo huius fecit augmenti: poteritne eadem lance iudicare qua ceteros, & non multo seueriore? quod quidem conuenienter fit. Neq; enim circa solius sacerdotis damna peccatum eius transigitur, sed etiā infirmorum animas interficit, quæ illius corrumpuntur exemplo. Hoc & Ezechiel ostendere volens differentiam fecit inter ouium arietumq; iudicium. Hæc Chrysostomus.

Eze: 34

Sacerdotes indulgentia sua grauius peccant.

Simile.

Neque solum incurrunt reatum culpæ sacerdotes, si prauo exemplo suo corrumpunt alios, sed etiā si negligenter curant eorum salutē qui suæ commissæ sunt custodiæ. Nauis enim periclitatio imputatur naucleri incuriæ, & ouium à lupis dilaceratio pastoris inertiæ. Sic cursus euersio ascribitur ignauix auri-gæ, & discipulorum indisciplinati mores atque inscitia, in præceptorem retorquentur. Haud secus a-

nimarum

nimarum perditio in subditis, im-
pingitur negligentiae sacerdotis, mi-
nus quam par est circa eorum dire-
ctionem intenti atque solliciti, se-
cundum illud verbum tertij libri
Regum, quod quisque sacerdotum
sibi à Domino dictum esse debet
existimare. *Custodi virum istum, qui
si lapsus fuerit, erit anima tua pro a-
nima eius.* Quod & Beatus Paulus
ad Hebræos scribens, confirmat, di-
cens: *Obedite praepositis vestris, & sub-
iacete eis. Ipsi enim pervigilant, quasi
rationem pro animabus vestris redditu-
ri.* Certe & Rex David sanctitate
praeceps, eo ipso reprehensione
dignus sacris in literis innuitur,
quod non corripuit acriter Amnon
filium suum, qui propriam sorore
vi compresserat. *Noluit inquit, con-
tristare spiritum filij sui Amnon, quoniam
diligebat eum, quia primogenitus ei erat.*
Cum etiam Adonias, nescio & in-
consulto patre, vellet Regio potiri
sceptro, paternumq; Regnum am-
biret,

Applica-
tio simi-
litudinis.

3. Reg :
20.
NOTA

Indulgē-
tia Davi-
dis in fi-
lium re-
prehensi-
bilis.

2. Re: 13

Alterius
patris in-
dulgētia

erga filium
reprehendi-
tur,
s. Reg. 11

Conclu-
sio à cau-
tione per
112.

biret, non corripuit eum inquit, pa-
ter suus aliquando, dicens : *Quare
hoc fecisti?*

Formidare igitur debent & sa-
cerdotes aliorum directioni præ-
positi, ne quemadmodum Heli gra-
uiter à Domino punitus legitur, re-
pentinaque morte fractis ceruici-
bus extinctus, eò quòd nouerat in-
digné agere filios suos, & non cor-
ripuit eos paterna illa seueritate
qua debuit : ita & incident in ma-
nus Dei si correptionem debitam
non adhibeant erratis subditorum :
sed consuuant puluillos mollis adu-
lationis sub cubitis eorum, & lo-
quatur eis placentia : si videant ab-
errantes suas oues per inuia vitio-
rum & abrupta scelerum, & non
studeant eas reuocare in viâ rectâ.

CASTITATEM ET VITÆ
continentiam à sacerdotibus obser-
uari debere, ex sacrę scripturę &
sæctionum canonicarum te-
stimonio,

CAPVT

CAPVT XX.

DEnique adijcienda est su-
pradictis vitæ sacerdota-
lis ornamentis castitas &
vitæ puritas, mirum in modū hunc
ordinem decorans, & pro magnitu-
dine atque excellentia ministerij ei-
us summopere necessaria. Quid
enim designauit id veteris legis in-
stitutum, quo Agnus Paschalis iu-
bebatur cum panibus azimis mā-
ducari, nisi verum ipsum Agnum
Dei & immaculatum, in sanctitate
& munditia cū corporis tum a-
nimæ sumi debere? vt incontami-
nata illa mysteria, impollutis &
incoinquinatis contrectentur ma-
nibus & animis.

Castitas
singulare
sacerdo-
tum orna-
mentum

Castitas
sacerdotū
in veteri
lege pro-
batur.

1.
Probaturs
Exod:12

2.
Probaturs
Exo:19.

Rursum filij Israhel suscepturi le-
gem in monte Sina, iussi sunt non
appropinquare vxoribus suis, sed
vt aptiores essent tanto muneri su-
scipiendo, à congressione etiam ma-
ritali abstinere diuino præcepto de-
beant.

bebant. Quid igitur facere debet sacerdos ipsum Dominum, legis, imò & perfectioris legislatorē susceptrus? Nonne in omni sanctificatione & continentia se præparare, ut pro dignitate rei tam sanctæ offerat, & contingat sacramenta?

3.

Probatur
Leu: 21.

Luca 1.

Adhæc, in veteri lege sacerdos virginem puellam potuit uxorem ducere: à cuius tamen consortio, cum in tabernaculo aut templo erat sacrificium oblaturus: debuit continere, neque ab ipsius templi aditis atque penetralibus, donec suæ vicis impleret ministerium discedere, quemadmodum de Zacharia Sancti Ioannis Patre innuit Beatus Lucas in sui Euāgelij exordio. Si hanc vitæ sanctimoniam lex petiuit in sacerdotibus suis, lex illa typica & figuralis, nonne longè maiorem iure efflagitat lex noua, quæ est gratiæ & veritatis? sanè tantò maiorem, quantò maius & dignius est, quod in hac offertur sacrificiū.

Præterea:

Præterea: Non potuit Dauid licet necessitate adactus, comedere panes propositionis, nisi ab Achimelech sacerdote interrogatus asseruisset & se & socios suos à mulierum contactu esse mundos, & tres ante dies se ab earum congressu prorsus continuisse. Atqui panes illi propositionis, umbra solum erant, & imago istius panis viuifici & supercaelestis, qui in noua lege manducatur & sumitur. Quis igitur non videt omnem prorsus fugiendam esse faminarum societatem ab ijs: qui hunc panem salutarem Deo debent offerre?

Esaias item admonet sacerdotes & ministros templi his verbis. *Mundamini, qui fertis vasa Domini.* Quod si munditia exposcebatur ad vasa materialia deferenda, quæ Domino erant consecrata. longè potiore iure & nunc expetitur ad deferendum vas illud admirabile & opus excelsi, in quo omnes virtutis &

4.

Probatur

1. Re: 21.

5.

Probatur

Esa: 52.

K

gratiæ

gratiæ thesauri sunt reconditi : & non modo ad deferendum, sed ad offerendū Domino atq; sumēdū.

6.
Probatur
ex Ma-
lachia.

Insper per Malachiam Domi-
nus his verbis sacerdotes increpat.
*Ad vos ô sacerdotes, qui despiciis nomē
meum : & dixistis : In quo despeximus
nomen tuum ? Offertis super altare me-
um panem pollutum. Sed quomodo
potest (dicet quispiam) panis ille
pollui, in quo nulla est labes, sed
omnem peccati maculam tollendi,
virtus immensa ? In se quidem nō
polluitur, qui mundissimus est : sed
in ministris illum, offerentibus.
Offerunt enim pollutum panem
sacerdotes, quādo libidinis putore
sordidati sacratissimū illū panē ten-
tāt offerre. Quem (quantū in se est)
pollutum ostendunt, quod non
maiore ipsum reuerentia atq; pu-
ritatis studio attrectant, quam si
contaminatus esset & inquinatus,
vt ministrorum pollutio, in ipsum
quoque panem oblatum secundū*

denomi-

denominationem redundet atque retorqueatur, facitq; illum plerisque pollutum videri.

Eodem quoque modò dicuntur sacerdotes iniqui polluere nomen Domini, quod tamen semper est sanctissimum, & nulla potest cogitatione labefactari. Ehimvero quoniam vitæ suæ peruersitate diuino nomini (quod omnis decet honor & gloria) inhonationem inferunt, quantum ad ipsos attinet, sacrum illud nomen polluant, quoniam ex operibus suis illud pollutum esse demonstrant, quo non maiorem illi venerationem quam si contemptibile & inglorium esset, impendunt.

Deinde per eundem Prophetã hanc nouæ legis oblationem insinuans Dominus euangelicæ gratiæ statum prænunciens, ait. *Non est mihi voluntas in vobis, dicit Dominus exercituum: & munus non suscipiam de manu vestra. A solis enim ortu vsque ad*

7.

Probatur
Malai. i.

occasum, magnum est nomen meum in gentibus: & in omni loco sacrificatur & offertur nomini meo oblatio munda. Ecce vetusti ritus sacra se recusaturum denunciat Dominus: & in omni loco terrarum sacrificandam sibi esse oblationem mundam, quæ nouam respicit & concernit legem. Atqui hostia sancta & munda tales etiam exigit sacerdotes, sanctos inquam, mundos & puros. Decet igitur eos & vitæ habere munditiam, & omnimodam præferre puritatem.

7.
Probat
exemplo
Christi.
Luca 1.

Demum Christus ipse mundum suo in carnem aduentu illustraturus, de matre virgine nasci voluit omnis corruptionis immuni & cum virgineo decore maternum nomen habente. Deinde mortem acerbam pro nobis passus, syndone munda inuolui & in sepulchro nouo reponi elegit, in quo nondum quisquam positus fuerat. Quæ omnia nobis sunt argumento, sinceram mentis

& cor-

& corporis puritatem magnopere illi cordi esse, ipsumque non nisi mundis sacerdotum manibus, nullo libidinis genere pollutorum at-
trectandum esse, non itidem nisi in puro cordis sacerdotalis reclinatorio ac domicilio locari debere.

Postremo hunc Euangelij locum apud Lucam: *Sint lumbi vestri prae-*
cincti, & lucerna ardentes in manibus
vestris exponens Haymo luculentus sacrarum literarum explanator, ait. *Lumbos prae-*
cingimus: cum ardorem libidinis amore castitatis refranamus. Quod cum omnibus fidelibus generaliter observandum sit, specialiter tamen ministris Ecclesiastici ordinis custodiendum iniungitur quando in veteri lege carnes agni (qui in figura corporis & sanguinis Christi immolatus est) non prius comedere permisi sunt, quam renes accinctos haberent, Domino dicente. Sic
ergo comedetis illum: renes vestros accingetis, calceamenta habebitis in pedibus. Item, Et dixit Dominus ad

8.
Probat
ex S. Lu
ca 12.

Exo: 12.

Leu. 21.

Moyſen, Loquere ad Aaron & ad filios eius. Homo de ſemine veſtro in quo fuerit macula, non accedat ad altare. Qui enim ſacra myſteria manibus tractare, & alijs miniſtrare debent, dignum eſt ut ab omni immunda pollutione ſint alieni, ut ſcilicet & mente ſint caſti & corpore pudici. Hæc ille.

9.
Probat
ur ex Iano-
centio
Primo.

Tir. 1.

Quocirca antiquorum patrum decreta, Eccleſiæque concilia ijs qui ſacros ordines amplectuntur, perpetuam indicunt vitæ continentiam: quod cum frequenter aliâs, tum octogefima ſecunda diſtinctione, capite Propoſuiſti, ita ab Innocentio depromitur. Sacerdotes quibus ſacrificandi & orandi iuge officium eſt, ſemper debent à mulierum cōſortio abſtinere: quia ſi contaminatus fuerit carnali concupiſcentia qui orat, quo merito ſe poſſe exaudiri credit? cum dictum ſit omnia munda mundis: coinquinatis autem & infidelibus nihil eſt mundum, ſed coinquinata eſt eorum mens & conſcientia. Et eodem loco

dein-

deinceps: *Incontinentes in officijs altaris positi, omni honore Ecclesiastico priuentur, nec admittantur ad tale ministerium, quod sola continentia oportet compleri.* Rursum Innocentius tertius in concilio generali eam promulgauit Ecclesiasticam legem, quæ in titulo de vita & honestate clericorum capite: *Vt clericorum, his verbis continetur. Vt clericorum mores & actus in melius refoventur, continenter, & castè viuere studeant vniuersi, præsertim in sacris ordinibus constituti: ab omni libidinis vitio præcauentes, maximè illo, propter quod venit ira Dei in filios diffidentia: quatenus in conspectu omnipotentis Dei puro corde ac mundo corpore valeant ministrare.*

Secundo.

Tertio.

Cæterum grauitè infectatur scriptura duos filios Heli sacerdotes Ophni & Phinees? quod inter cætera mala sua opera dormiebant cum mulieribus, quæ obseruabant ad ostium tabernaculi. Neque pla-

Col. 3.

In continentia sacerdotum in veteri lege puniuntur grauius.

I. Re: 2.

K 4.

gani

I, Re: 4.

gam illis à Domino illatam subti-
cet, cum refert eos ambos in præ-
lio contra Philisteos gladio cæsos
esse. Timeant itaque sacerdotes e-
odem laborantes peccato, ne æter-
næ damnationis ense à Domino fe-
riantur, & perpetua morte dam-
nentur. Audiant itidem attentius

NOTA

Hieronymum dicentem. *Acerbiora
gehenna tormenta sacerdotibus, & cle-
ricis fornicantibus reseruantur. Væ tibi
sacerdos, qui eodem ore oscularis filiam
Veneris, quo paulò ante sumpstisti filium
Virginis. O impie Iuda, osculo filium ho-
minis tradis?*

Ab exem-
plis secu-
larium
colligitur
pœna sa-
cerdotũ
inconti-
nentium

J.

Exemplũ
Regis Bal-
thasari.

Dan: 5.

Insuper Balthasar Rex Babylo-
niorum quòd vasa sacra templi So-
lymi accomodauit ad vsum suæ
mensæ in crapulam & ebrietatem,
regno spoliatus est & eadem nocte
interfectus, vt prædixerat Daniel:
scripturæ in pariete subito exaratæ
interpretes. Quid ergo supplicij eos
manet sacerdotes qui vasa corporis
sui consecrata Domino, cœno car-

nalis

nalis concupiscentiæ incessant ac
conspurant: quæ deberent custo-
dire in sanctificatione & honore se-
cundum beati Pauli doctrinam.

1. The: 4.

Adhæc. Septem viri Saræ filiæ
Raguelis, à dæmonio subinde strā-
gulati sunt, quòd eam duxerint
vxorem magis vt suæ vacarent li-
bidini, quam vt legitima nuptia-
rum fædera seruarent, & prolem
ex ipsa sustollerent. Cur ergo non
timent sacris Ecclesiasticis initiati,
& vitæ caltimoniam abijcentes, se
consimili iudicio præfocatum iri?
quandoquidem longè grauius est
eorum flagitium, quàm illorum
septem qui legitimam duxerant
vxorem.

2.

Exemplū
7. virorū
Saræ.

Tob: 6.

Adde quod Antiochus Epipha-
nes percussus à Deo scatensque ver-
mibus, miserando exitu in monti-
bus periit, quòd templum Domi-
ni in Hiernsalem gentilitio ritu,
tempore Maccabæorum propa-
nasset. Quid igitur supplicij timere

3.

Exemplū
Antiochi
2. Mac: 9.

1. Cor. 3.

4.
Exemplū
Dæmonū
ingredi-
entium
porcos.

non debent sacerdotes, qui corpora sua templum Dei viui, illi consecratum & sanctum pollunt? cū terribiliter omnium auribus inclamet Paulus: *Si quis templum Domini violauerit: disperdet illum Deus.*

Sed nonne in Euāgelio legimus dæmonum legionem permittente Domino abiisse in porcos Gerasenorum, & totum illum gregem ad duo millia præcipiti cursu in lacum proximum egisse ac demersisse? Hoc autem mysticè nobis insinuat, eos omnes qui porcorum more luto libidinis obuoluuntur, nisi diuina occurrat benignitas, potestati dæmonum permittendos esse: & tandem in lacum damnationis æternæ præcipitandos. Cur igitur non timent eo edocti exemplo, ne illis spiritibus summopere id expectantibus, tandem Dominus potestatem faciat eos inuadendi ac encandendi, quos nunc benigniter inuitat & expectat ad pœnitentiam.

Demum

Demum Corinthius ille, qui incestum commiserat, legitur fuisse traditus Sathanæ in interitum carnis, ut ab eo affligeretur. Sed nonne consimilem pœnam timere debent sacerdotes, Deo non minus iniuri, cum prostituunt seipsos omni libidinis obscœnitati? Resipiscant itaque cum tempus habent, ne repetitus illis superueniat interitus.

Scripta namq; sunt hæc ad correptionem nostram.

5.
Exemplū
Corinthij
incestua-
rij.

Exhorta-
tiuncula
ad sacer-
dotes in-
continē-
tes.

QVOD VITÆ INCONTINENTIA in sacerdotibus, est voti transgressio, à qua solus Episcopus aut eius vices gerens potest eos absolvere,

CAPVT XXI.



Vemadmodum autem religiosi in vitæ monasticæ professione astringunt se voto continentiae observandæ, ita & clerici in sacrorum ordinum susceptione, ex ipsa Ecclesiæ

Sacerdotes habere votum solenne continentiae probatur.

publica constitutione, quæ decreuit vnumquemque sacris initandum, debere continentiam perpetuam profiteri: quemadmodum ex multis locis vicesimæ octauæ distinctionis ipsius decreti est perspicuum, præsertim ex capi. Nul- lum: vbi B. Gregorius ita scribit Petro subdiacono. *Nullum facere subdiaconum præsumant Episcopi, nisi qui se castè victurum promiserit, quia nullus ad ministerium altaris accedere debet, nisi cuius castitas ante susceptum ministerium fuerit approbata.*

Et est huiusmodi votum seruandæ continentiae in sacerdotibus, non simplex & secretum atque occultum: sed solenne, quod in aperto & si non voce, facto tamen & opere profitetur per sacrorum ordinum susceptionem: quibus Ecclesiastica sanctio annexuit perpetuam continentiae legem: haud aliter quàm religiosi eandem solemniter vouent continentiam per i-

pius

pius religionis protectionem. Quare vt in Religiosis, ita & in ijs qui sacris ordinibus sunt initiati, prolapso in incontinentiam est voti transgressio, & species libidinis peculiari nomine sacrilegium nominata, adulterijque crimine grauior: quod in ea votum Deo solēniter factum violatur. Et ad solum Episcopum ex Ecclesiastica ordinatione pertinet huius tantæ labis absolutio, sicut & adulterij, & ea inferioris. Neque potest quispiam autoritate & potestate Episcopi ea in parte carens (quem vulgò simplicem vocant sacerdotem) in foro pœnitentiæ quemquam relaxare sua, aut absoluerē hoc flagitio contaminatum. Hæc dicta sunt, vt cognoscatur tanti mali (incontinentiæ scilicet in sacerdotibus) grauitas atque enormitas, & cognita studiosius euitetur. Ne etiam alios decipiant & decipiantur sacerdotes aut petentes à simplice sacerdo-

Incontinentia in sacerdotibus est voti transgressio & sacrilegiū

Solus Episcopus potest ab soluere incontinentem sacerdotem.

te absolui de hoc nefario crimine aut attentâtes abfoluere alios quoniam & errant ipsi, & alios in errorem trahunt.

Erronea
quorundam ob-
iectio cir-
ca sacer-
dotū in-
continē-
tiam.

Neque illorum probanda est, aut sequenda sententia, qui asserūt sacerdotem prolapsū in fornicationem cum muliere non alligatū vinculo maritali vt concubina, aut in adulterium cum muliere nupta, grauitē quidem peccare (quoniam transgreditur præceptum Domini prohibens mæchiam) non tamen votum transgredi: quoniam (inquiunt) votum duntaxat fit de re aliâs licita, & quæ supererogationis. Fornicari autem & adulterari nunquam est licitum. Non ergo quispiam potest se voto astringere quòd nunquam fornicabitur aut committet adulterium: quandoquidem illa duo mala diuino præcepto sunt prohibita. Incidens igitur in illa mala sacerdos transgreditur præceptum Domini, sed non

est voti

est voti reus, vt dicunt. Hæc potissima est eorum ratio, qua suam nituntur fulcire sententiam: & consequenter astringere, sacerdotem absolutoria Episcopi virtute carentem, posse aut fornicatorios sacerdotes, aut adulterij reos absolvere in sacramento reconciliationis atque pænitiæ ab hisce flagitijs, & nequaquam illos ab Episcopo relaxationem quærere debere, aut ad illum esse remittendos.

Ratio erroneæ obiectionis.

Sed certè mirum est istos & si eruditione insigni præstantes, famaqué celeberrimos, ingenuè facteri religiosum, aut sacris ordinibus mancipatum, si uxorem duxerit, voti esse transgressorem: non autem si deteriora commiserit flagitia, & in turpiorem prolapsus fuerit incontinentiam, vt fornicationem aut adulterium, aut aliam quamuis extra matrimonij fædus & thorum. Verùm si apertè constiterit & præcepti diuini & voti materia,

Ostenditur absurditas huius opinionis.

teria, circa quam utrumque versatur, liquidò censebitur omnis prolapsio in incontinentiam à religioso aut sacerdote commissa, esse voti transgressio.

Differen-
tia inter
præceptū
sextum
& votum
castitatis.

Per præceptum quidem diuinū, quo mæchia vetatur, prohibetur omnium consensu atque confessione, omnis vsus Veneris extra thorum nuptialem. Per votum autem castitatis promittitur Deo solenniter perpetua continentia, firmo animo proposita, à quo nunquam vouens declinet. Atqui manifestū est, perpetuam continentiam & ab omni Venere, tam in matrimonio, quam extra hoc fœdus abstinentiam de ijs esse, quæ sunt supererogationis, & quæ alias nulloque factō voto sunt licita. Fas est enim alicui, qui nullo se obstringit voto, non seruare perpetuam continentiam: sed in connubio indulgere proli procreandæ. Quare si votum comparetur ad suam propriā ma-

teri-

teriam, & obiectum circa quod
confistit, constat utique sacerdotes
aut fornicantes aut adulterantes
esse voti transgressores, quoniam
non servant perpetuam continen-
tiam, quam Deo solenniter & pu-
blice promiserunt. Et oppositam
huic sequentes sententiam viden-
tur ex eo fuisse hallucinati: quod
nequaquam attenderunt propriam
voti continentiae materiam, ut de-
buerunt, sed solum diuini præce-
pti (quæ tamen duæ materiæ late
inter se discrepant, & magnam ra-
tionis habent diuersitatem.

Conclu-
ditur sa-
cerdotes
fornican-
tes esse
voti trans-
gressores.

Solutio
rationis
aduersa-
riorum.

Cæterum cum obijciunt ipsi sa-
cerdotem in fornicationem aut a-
dulterium prolapsum, esse præua-
ricatorem illius præcepti diuini,
quo prohibetur mæchia, & omnis
usus veneris extra matrimonium:
ex quo conficiunt eundem ob illa
flagitia non debere censerī trans-
gressorem voti, cum inter se longè
diuersa sint præceptum & votum,

admit-

Exēplis
explica-
tur diffi-
cultas.

admittitur sanè quod assumunt in hac sua ratiocinatione, sed refutatur quod inferunt, quoniam ipsa inferendi ratio est inualida. Enimvero non est absurdum neque incommodum, eundem actum secundum diuersas rationes & esse contra præceptum Dei, & contra votum. Vt si quis religionem professus furto abstulerit pecuniam, eamque apud se clanculum & in suum vsum detineat, is præuaricatur Dei mandatum, quo furtum prohibetur, & simul votum spontaneæ paupertatis transgreditur, quòd proprium sibi furtim asseruet. Si quis item astrictus obedientiæ voto ad seruandum silentium, in eius, qui illud indixit contemptum, laxet linguam: & obrectatoria proferat verba, is haud dubiè præceptum Dei violat, quod iubet falsum testimonium, mendacium & detractionem non debere proferri in proximum & pariter o-

bedi-

bedientie iugum abijcit, & votum soluit. Haud aliter cum sacerdos aut fornicatur, aut adulteratur, prauaricatur Dei præceptum: quo extra matrimonij legem vtatur Venere, simul etiam transgreditur votum, quò perpetuæ continentie (cui se astringit) integritatem non seruat.

Applicatio exemplorum.

Neque illud inconueniens cense-
ri debet, in eodem opere malo &
voti esse transgressionem & præ-
cepti: quoniam sæpenumero in eo-
dem actu vicioso multa complicā-
tur diuersorumque generum ma-
la, ob diuersas rationes. Exempli
gratia, in adulterio est intempe-
rantia venererum itidem & iniur-
stitia, alteri parti legitimi thori in-
ferens iniuriam & nonnunquam
pecuniæ hac via consequendæ cupi-
ditas. Quòd autem diuersa prorsus
sit præcepti diuini mæchiam pro-
hibentis, & voti perpetuæ conti-
nentie ratio, ex eo dilucidè liquet,

In eodē opere malo potest esse & voti transgressio & præcepti.

quoni-

quoniam interdum contingit quæpiam præceptum illud transgredi & non votum, vt si quis nullo obstrictus voto labatur in fornicationem. Interdum vero posset quis votum illud transgredi, & non præceptum iam assignatum: vt si quis voto perpetuæ continentie obligatus duceret vxorem, & ex ea sobolem quæreret. Tertio nonnunquam contingit neutrum eorum violari: vt si quis post votum Deo exhibitum in terram continentie puritatem obseruet. Quid igitur prohibet vtriusque præuaricationem, & voti (inquam) & præcepti in eodem, re ipsa coniungi, manente tamen semper rationum discrepantia atque diuersitate? vt in sacerdote, concubinæ amoribus irretitio, & hinc quartum constitui membrum, quod ambo extrema affirmando complectatur.

Adhortatio ad Episcopos

Cum itaque tam graue & horrendum sit nefas sacerdotum incontinentia,

nentia, summopere, ad eam ex-
 tirpandam debent inuigilare Eccle-
 siarum præsidēs, pastores & præsu-
 les, eamque labem, quæ totam
 commaculat Ecclesiæ faciem, de-
 cus & speciem, funditus eradicare.
 Commendatur planè dignis præ-
 conijs Esdras scriba diuinæ legis,
 quòd peruigilem impenderit ope-
 ram ad disseparandum mulieres ali-
 enigenas à populo Dei, post redi-
 tum de captiuitate Babylonica:
 quamuis connubiitædere essent vi-
 ris Israëlitis copulatæ, contra ta-
 men diuinam sanctionem. Quid
 igitur illius exemplo non elaborant
 Episcopi (quisque in sua Ecclesia)
 ad seiungendū concubinas & mu-
 lierularum copulas à sacerdoti-
 bus, longè grauiore infamia ac no-
 ta, quàm matrimonii titulo illis
 coniunctas, & cum pudēdo totius
 Ecclesiæ opprobrio & scandalo e-
 isdem tectis cohabitantes?

Curnon exercent in eos sacer-
 dotes

vt extir-
 pent hoc
 vitium gra-
 uè in sa-
 cerdoti-
 bus.

Ab exem-
 plo Esdræ
 Scribæ.
 E/dr: 10

Censura
Ecclesia-
sticæ in
quibus
sunt exer-
cenda.

Innocēti
secundi
decretū
in sacer-
dotes in-
continē-
tes.

Alexādrī
tertij de-
cretum

dotes seueritatem illam, quam san-
cta patrum constituunt decreta? ut
suspendant eos ab altaris officio,
interdicantq; illis offerendi sacra,
ministerium. perseverantes autem
in scelere, suis priuent Ecclesiasticis
beneficijs, excommunicationeque
percellant, & priuent aliorum com-
munionem, ut vel amaro hoc anti-
doto, curentur & resipiscant.

Sic enim faciendum statuit In-
nocentius secundus in libro decre-
torum, distinctione vicesima octa-
ua, capite decernimus: his verbis.
*Decernimus ut ii, qui in ordine subdia-
conatus aut supra uxores duxerint, aut
concubinas habuerint, officio atq; Eccle-
siastico beneficio careant. Cum enim ipsi
templum & vasa Domini sacrariumq;
Spiritus sancti debeant esse & dici, in-
dignum est eos cubilibus & immunditijs
deservire.*

Similiter Alexander tertius in
titulo de cohabitatione virorum
ac mulierum cap. Clericos: ita scri-

bit

in concu-
binarios
sacerdo-
tes.

bit Salernitano Archiepiscopo. Clericos in sacris ordinibus constitutos qui publicè tenent concubinas per suspensionis & interdicti sententiam debes arctius cogere, ut mulieres ipsas à se ita remoueant, quod de illis sinistra suspitio non possit haberi. Et si qui eorum ad ipsas redire vel alias accipere fortè præsumpserint, in aliquos eorum debes perpetuam excommunicationis sententiam proferre, ut alij eorum exemplo perterriti à similibus arceantur.

Idem quoq; summus Pontifex Cantuariensi Archiepiscopo & eius suffraganeis in eodem titulo capi. Sicut ad tale mandatum, iniungit. Mandamus quatenus in Clericos vestra iurisdictionis, qui in diaconatu & supra fornicarias habuerint, studiosè monere curetis, ut à se illas remoueant, eas ulterius minimè admissuri. Si verò acquiescere contempserint, ab Ecclesiasticis beneficijs vsq; ad satisfactionem congruam eos suspendatis. Et si eas suspensi præsumpserint detinere, ipsos ab eisdem be-

Eiusdem
Alexan-
dri tertij
Pontifi-
cis man-
datum.

nesi-

neficijs perpetuo remouere curetis.

Multa
pecunia-
ria à sa-
cerdotib;
non est e-
xigenda.

Phil: 2.

Cæterum quoniam hac tempe-
state plerumq; pecunia mulctatur
sacerdotes ob incontinentiam :
qua persoluta permittuntur in suo
persistere malo, & publicè concu-
binis cohabitare. Et quoniam
Pontifices, quorum interest huic
grauissimo occurrere scandalo, non
nullis in locis potius quæ sua sunt,
quærunt, quam quæ I E S V Christi,
vt eorum crumena graui ære tur-
gescat atq; referta sit ex huiusmodi
peccatis collecto. Idcirco carnalis
ille ignis concupiscentiæ inflamma-
tus à gehenna, totam depopulatur
Ecclesiam : & tanta suscitatur vbiq;
incendia, vt difficile admodum re-
stingui queant, quod quotidie am-
pliores ex prælatorum negligentia
sumant vires."

Quid Pre-
sidibus
Ecclesia-
rum ti-
mendū.


Quibus maximè formidandus
est ille extremi iudicii dies, in quo
acriter arguentur (nisi pœnitentiã
agant) illius incuriæ, qua domum

Dei

Dei sinunt tantis spurcitiis contaminari, & vsque adeò tetra labe fordidari.

SIMPLICEM FORNICATIONEM esse peccatum mortale, ex multis & veteris & noui testamenti locis aperte conuinci.

CAPVT XXII.

 Onstat vtique ex prædictis sacerdotum incontinentiam esse voti solennis præuaricationem, & summè de testabile malum. Sed age nunc ostendamus quod quamuis ipsa non esset voti transgressio, & vbi cum soluta committitur, atque concubina, simplex tantum foret fornicatio (vt nonnulli aduersam nobis sententiã astruentes contendunt, quamuis id nequaquam veritati consonum putemus) nihilominus ea sacerdotum in libidinem prolapsio, summoperè execranda & abominanda. Quòd facile quidem

L

monstra-

monstrauerimus, si ex sacris vtriusque testamenti eloquiis comprobauerimus, fornicationem simplicem (vt vocant) esse peccatum mortiferum, & quod animam occidit, perpetuęque morti reddit obnoxiam.

Nonnullorum falsa sententia de Fornicatione.

Quod hoc loco non ociosum erit, neque superuacuum tentare: tum vt illorum improbetur sententia: qui scripto etiam reliquerunt, ex sacris eloquiis euidenter colligi non posse, neque contra proteruos conuinci, quod fornicatio simplex peccatum sit lethiferum.

Qua certę assertioni iis, qui ad voluptates carnis propensiores sūt, faces addunt, & in persuasionem inducunt eam libidinis speciem, leuē esse noxam, & quę faciliē veniam mereatur, vnde illis audaciam suggerūt ad illud malignus fidentius perpetrandum. Tum vt confutetur illorum improbus error, qui putant huiusmodi fornicationem

non

non esse lethale malum, & ita persuadere aliis tentant, vt multos habeant suæ libidinis astipulatores. Hi certè præcursores sunt Antichristi, & sectæ Epicureæ prædicatores, imò diabolici dogmatis præcones, quos cacodæmon aliquis importunè instigat ad tantò euomendum virus, vt spurcitia Mahumeticæ fecis immaculatæ legi Domini præferatur. Hi igitur inimici crucis Christi, & diuinæ legis conculcatores valida acie impugnandi sunt, & acutis confodiendi telis, Frons eorum funda, & lapide veritatis est ferienda, & prorsus elidenda eorū virtus atque ferocia, vt prostrati nō amplius humo se attollant.

In primis Exodi vigesimo capite, inter præcepta decalogi illud ordine septimum constituitur, *non machaberis*. Quo sanè præcepto nō solum adulterium vetatur (vt contendunt aduersarii dicentes nomine machiæ duntaxat adulterii cri-

Negantes simplicè fornicationē esse peccatū mortale cui⁹ sint defensores.

Simplicè fornicationē esse peccatū mortale.
¶
Probatur
Exo: 20

Solutio
obiecti-
onis ra-
cita.

men significari & mæchari tantum-
dem significare atque adulterari)
sed secundum Augustinum omnis
vſus Veneris extra matrimonii fœ-
dus atque thorum. Sub qua gene-
rali ratione manifestum est & for-
nicationem simplicem comprehē-
di. Esto enim vri allerunt opposi-
tæ partis sectatores quod mæchia
adulterium signet, & mæchari adul-
terari, & mæchus adulter, non ta-
men ex illo colligere rectè queunt
solum adulterium eo diuino præ-
cepto esse vetitum. Nam in dato
præcepto & plerisque reliquis, per
vnum quod exprimitur malum,
cætera consimilis generis mala in-
telliguntur atque comprehendun-
tur. Nec non interdum alterius ge-
neris mala, quæ viam ad illa ex-
pressa aditumque ministrant, vt e-
brietas ad libidinem, & ira ad ho-
micidium.

A maiori
ad min⁹.

Dicant (oro) ipsi fornicationis
defensores, nonne stuprum, raptū,
sacri-

sacrilegium, & incestum, & enor-
 miores libidinis species, quas sup-
 primere quàm nominare satius est,
 fatentur esse peccata mortifera, &
 illo diuino præcepto prohibita?
 quæ tamen ab adulterio diuersa
 sunt, & non exprimuntur in Exo-
 do. Si igitur illa fatentur com-
 prehendi sub mæchia, quæ eiusdẽ
 mali continentur ambitu rationeq;
 communi: & eodẽ præcepto sunt
 vetita quo mæchia, cur non con-
 simili iure fatentur & fornicationẽ
 simplicem comprehendi, nomine
 mæchiæ & illo præcepto, quod
 mæchari homines vetat, prohibe-
 ri? Eadem sanè ratione, qua con-
 tendunt fornicationem non esse
 peccatum mortiferum, & non pro-
 hiberi eo præcepto, quod non ex-
 primatur, neque mæchiæ nomine
 signetur conuicium & stuprum, &
 raptum, & alia vitiorum monstra
 ad libidinem attinentia non esse e-
 tiam peccata lethifera nec illo pro-

Conclu-
 sio argu-
 mēti ad-
 uersus for-
 nicatio-
 nis sim-
 plicis de-
 fensores.

L 3

hiberi

Obiectio

hiberi præcepto, quoniam neque exprimuntur, neque nomine mæchiæ designantur. Quod quàm absurdum sit, nec ipsi inficiari possunt.

Quod si instant alias libidinis species facile intelligi prohibitas nomine mæchiæ, siue adulterij, quoniam maiorem habent malitiæ grauitatem quàm mæchia, & minoris mali prohibitione, intelliguntur etiam maiora eiusdem generis mala prohibita. At fornicatio simplex minus est malum (inquiunt) quàm mæchia siue adulteriū: quod non protinus innuitur prohibitum eodem iure aut præcepto quo mæchia. Non enim qui maius prohibet malum, continuo conuincitur eodem edicto, & minus malum eiusdem generis prohibere.

Ad obiectionem
responsio.

Adhibenda illis est responsio, a plerisque & stuprum & raptum infra adulterij malitiam collocari, & minora existimari mala, quàm sit adulterium: quare inualida erit
eorum

eorum ratio iam assignata, si id admittatur.

Sed ne hoc certamen nunc agatur, nihil in præsentia refert an stuprum & raptus minora sint mala quàm adulterium: aut illi prauitate æqualia. Manifestum utique est gulæ vitia crapulam & ebrietatem minora esse mala, quàm mæchiam siue adulterium, attamen eodem quo mæchia prohibetur præcepto, & illa comprehenduntur. Alioqui nullum neque quintum dederis decalogi præceptum quo ventris ingluuies & bibacitas magis sint vitata. Percurre sedulò singula Dei præcepta, nullum profectò inuenies sub quo potius contineatur eorum prohibitio, quàm istud, quod mæchiarum homines vetat. Quandoquidem edacitas & temulentia præbent irritamenta & pabulum ad effrenatam libidinem. Et cum malum aliquod à Deo prohibetur, & antecedentia ipsum mala, quæ vi-

Probat
responsio
& quidē
à primo
exemplo

am parant ad illud, simul prohiberi intelliguntur. Cur igitur simili iure fornicationem non admittent prohibitam eo præcepto, quo mæchia, quamvis minus ea sit malum, quod consimilis sit generis, & plerumque ad mæchiam atque adulteriū ob laxatas voluptatibus habendas gradum struat, occasionemque præstet.

Probatur
responsio
à secundo
exemplo

Præterea nonne ira, contumelia, conuictum, verberatio, mutilatio, eodem interdicta sunt nobis præcepto, quo homicidium? Nihilominus non exprimuntur in eo Dei mandato, non occides, & minora sunt mala, quam cædes hominis. Sed sub occisionis nomine illa omnia comprehenduntur, quoniam solent plerumque breuia esse & præambula occisioni: atque ad eam concitatum hominis animum

Probatur
responsio
à tertio
exemplo

pertrahere. Eodem quoque modo mendacium septennumero minus est malum, quam falsum testimoniū,

atta.

attamen eodem vetatur præcepto ,
quo falsi testimonij prohibitio : &
comprehenditur sub eius nomine ,
quod illi frequenter annectatur ,
aut ex assuetudine viam ad ipsum
paret. Et, vt paucis agam , nullum
dederis fere præceptum , quo mul-
ta non sint aut præcepta aut prohi-
bita , quæ in eo non exprimuntur ,
quod sub expresse nomine in ipso
præcepti contextu comprehendā-
tur , & ad ipsum habeant reductio-
nem. Sed pro adducta primo loco
ratione , hæc sufficiant.

Conclu-
sio primæ
rationis.

Rursum , Deuteronomij vigesi-
mo tertio capite legitur Dominum
dixisse ad Moysen. *Non erit meretrix
de filiabus Israël , nec scortator de filiis
Israël.* Quibus quidem verbis , non
quid futurum esset , simpliciter e-
nuntiavit , nullam scilicet fore me-
rettricem , nullumque scortatorem in
populo Israël : quandoquidē con-
tinuò subiungit eodem loco : *Non
offeres mercedem prostibuli , nec pretiū*

Secunda
ratio: sim-
pliciter for-
nicationē
esse pec-
catum
mortale.
Deut: 23
Verus &
germanus
sensus hu-
ius inter-
dicti.

Illatio.

Tertia ratio simpliciter fornicationem esse peccatum mortale.

Leu: 21.

carnis in domo Domini Dei tui. quod sanè nequaquam vetaret, nisi essent in eo populo meretrices & scortatores. Sed prohibuit Dominus hisce verbis meretriciū & scortationem in ea gente, quam delegit sibi peculiarem, vetuitque fornicationem propriè ac speciatim dictam, quæ ab ijs committitur qui nulla coniugij lege sunt obstricti. At prohibitio diuina non fit de peccato levis noxæ quod vulgò dicunt veniale quoniam totum genus mali, ethi præter præceptum sit, neque propriè diuini mandati dicitur transgressio. Est igitur fornicatio particulatim sumpta, graue malum & mortiferum.

Insuper, peccato veniali nunquam iustè pæna mortis indicitur, quod ipsum ob leuem culpam venia sit dignum. Fornicationi autem simplici (vt vocant) iubetur à Domino inferri pæna mortis: qui Leuitici vigesimo primo capite ait ad

Moy-

Moyſen. Sacerdotis filia ſi deprehenſa fuerit in ſuppro, & violauerit nomen patris ſui, flammis exuretur. Et Deuteronomij vicesimo ſecundo. Si duxerit vir puellam vxorem, & non eſt in ea inuenta virginitas, ericient eam ex domo patris ſui & lapidibus obruent viri ciuitatis illius, & morietur, quoniam fecit nefas in Iſraël vt fornicaretur in domo patris ſui & auferes malum de medio tui. Ecce ex vtroque loco iam adducto conſtat fornicationem diuino iuſſu morte mulctari debere. Quod & ante legem datā per Moyſen diuino inſtituto etiam ſanctum fuiſſe, ex eo colligitur, quoniam poſtquam Thamar nurus Iudæ filij Iacob grauida facta eſt ex ſocero ſuo, vbi illi nuntiatum eſt à populo. Fornicata eſt Thamar nurus tua, & videtur vterus eius intumeſcere, ipſe rei (vt geſta eſt) ignarus, reſpondit. Producite eam, vt comburatur, Quod nequaquam faciendum deſiniuiſſet, niſi ante publico decre-

Deu:22

to constitutum nouisset, fornicationem mortis irrogatione plectendam esse.

Quartara
tio simplici
for-
nicationē
esse pec-
catum
mortale.

Sed & Deus ipse grauissimam intulit plagam toti populo Israelitico, ob fornicationem perpetrata cum filiabus Moab, in qua occisa leguntur viginti quatuor milia hominum. Et quoniam æqualiter distribuit Deus pœnam pro delicti grauitate, reuera ex acerbitate plagæ recte colligitur magnitudo & grauitas criminis.

Quinta
ratio simplici
for-
nicationē
esse pec-
catum
mortale.

Rursum. Tobias senior filium suum salutaribus instruens monitis, ait illi inter cætera. *Attende fili mi ab omni fornicatione.* Et ne quis suffugium quærens dicat ibidem fornicationem pro adulterio sumi, protinus subdit. *Et præter uxorem tuam nunquam patiaris crimen scire.* Certè qui ab omni fornicatione monuit cauendum, & ab ea, quæ cum scorto committitur extra cōnubij fœdera, etiam abstinendum

admo-

admonuit. Quandoquidem illa sub nomine fornicationis generatim sumpto comprehenditur. Sed quis dixerit sanctum illum virum admonuisse tam sedulo & studiosè filium, ut à leui & quod faciliè veniam consequitur peccato, sibi caueret? cum alia peccata, quæ ibidem fugienda numerat, ut adulterium, superbia, detentio mercedis alienæ, iniuria in proximum, manifestè noscantur esse mortifera. Est igitur fornicatio propriè sumpta, graue peccatum & exitiale animæ.

illatio.

Adde quod Salomon in Prouerbijs de iuvene vecorde pellecto blanditijs lasciuæ & procacis mulieris ait. *Statim eam sequitur quasi bos ductus ad victimam, & quasi agnus lasciuens & ignorans, & nescit quod ad vincula stultus trahatur, donec trafigat sagitta iecur eius, velut si avis festinet ad laqueum, & nescit quod de periculo animæ illius agitur.* Quibus plane verbis ipse Salomon designat

Sexta ratio simplicè fornicationi esse peccatum mortale.

illum incurrere interitum & mortem animæ, qui meretricis trahitur illecebris ad malum. Quod etiam ex sequentibus eo in loco verbis euadit dilucidius, cū de huiusmodi petulante muliere subiungit. *Multos enim vulneratos deiecit, & fortissimi quique interfecti sunt ab ea. Via inferi domus eius, penetrantes interiora mortis.* Sed quæ sunt viæ inferi, nisi quæ ad inferna deducunt supplicia? quæ interiora mortis, nisi mors animæ latens oculos carnis? Itaque per blandimenta & delitias huiusce mulieris apertè insinuat Sapiens, hominem pertrahi ad inferos & mortem æternam. Porro quamuis de adultera muliere fiat eo in loco primū mentio, de scorto tamen & meretrice eadem non minùs habent veritatis & momenti. Quod præcedēs litteræ contextus satis innuit.

Septima
ratio simpliciter for-
nicatio-

Ad hæc. Fornicatores disperdet Deus, vt sui templi violatores, quemadmodū scribit beatus Pau-

lus in

us in prima ad Corinthios epistola, capite tertio, dicens. *Nescitis quia templum Dei estis, & Spiritus Dei habitat in vobis? Si quis autem templum Dei violauerit, disperdet illum Deus.* At vero leuis peccati reum nequaquam disperdit Deus sed venia dignatur.

Insuper peccatum leue atque venia dignum non excludit suum authorem regno celorum, sed id solum, quod grauem habet annexam malitiam. Fornicatio autem praecludit illius aeternae vitae introitum, quemadmodum testatur beatus Paulus in prima ad Corinthios epistola, cap: sexto, cum ait. *Neq₃ fornicarij, neq₃ idolis seruientes, neq₃ adulteri, neq₃ molles, neq₃ masculorum concubitores: neq₃ fures, neq₃ auari, neq₃ ebriosi, neq₃ maledici, neq₃ rapaces regnum Dei possidebunt.* Idem quoque in epistola ad Galathas capite quinto, inter opera carnis enumerat primo loco fornicationem, & sub-

nē esse
peccatū
mortale.

1. Cor: 3

Ostaua
ratio sim
plicē for
nicatio
nem esse
peccatū
mortale.

1. Cor: 6

Gal: 5

iungit

Eph: 5. iungit quod qui talia agunt, regnum Dei non consequentur. Denique in epistola ad Ephesios capite quinto, eandem confirmat sententiam dicens. *Hoc enim scitote intelligentes, quod omnis fornicator aut immundus aut auarus, quod est idolorum seruitus, non habet hereditatem in regno Christi & Dei.*

Respon-
deretur
citæ ob-
jectioni.

Neque illorum valet effugium, qui causantur in loco Pauli ex epistola ad Corinthios iam citato, fornicationis nomen generatim sumi, ut sub se complectatur adulteriū, & alias libidinis species. Quo quidē modo nonnunquam in scriptura sumptum inuenitur, quandoquidem reliquæ præter fornicationem propriè sumptam libidinis pestes, nominatim deinde eodem in loco à Paulo explicantur. Ut inde intelligamus, id nomen inibi in sua particulari ratione sumi.

Non a ra-
tio lini-

Rursum, furtum confessione & iudicio omnium est peccatum in-

ferens

ferens mortem animæ, quoniam
 septimo decalogi præcepto mani-
 festè prohibetur, & Regni cælorū
 obstruit aditum, vt iam ex Pauli
 verbo in Epistola ad Corinthios
 adductum est in ratione præceden-
 te. Atqui fornicatio est furto dete-
 rior, quoniam nō homini sed Deo
 aufert quod suum est scilicet cor-
 pus, quod spurca libidine polluit,
 quemadmodum ait Beatus Paulus
 in prima ad Corinthios Epistola,
 capite sexto. *Corpus autem non forni-*
cationi sed Domino, & Dominus corpa-
ri. Et iterum: *Nescitis quoniam cor-*
pore vestra membra sunt Christi? Tollēs
ergo membra Christi, faciam membra
meretricis? Absit. Et certè quantò
 corpus humanum pecunia & bonis
 externis est præstantius (est enim
 secundum Euangelicam sententiā
 corpus, plus quàm vestimentum)
 tantò fornicatio deterior est furto,
 quòd ipsa lōgè digniùs auferat bo-
 nū, non & homini tantū sed & Deo.

plicem
 fornicati-
 onem ef-
 se pecca-
 tum mor-
 tale.

1. Cor. 6

His

Decima
ratio sim-
plicem
fornicati-
onem ef-
se per pec-
catum
mortale.
*Heb: & l-
timo.*

Vndeci-
ma ratio
simplicē
fornicati-
onem ef-
se pecca-
tum mor-
tale.

Duodeci-
ma ratio
simplicē
fornicati-
onem ef-
se pecca-
tum mor-
tale.

His accedit, quod fornicatio à Deo condemnatur ad mortē æternam, diuinoq; reservatus iudicio punienda, cum dicat Apostolus in Epistola ad Hebræos ultimo capi. *Fornicatores & adulteros indicabit Deus.* Quis igitur addubitat, ipsam inter mortifera peccata esse collocandam?

Adde quod Beatus Iacobus ad conuersos ex gentibus scribens, præscribit eis inter cætera legem ut abstineant à fornicatione, quemadmodum referunt acta Apostolica. Quis autem dignum duxerit peccatum leue & modicæ à recto deuiationis, tam studiosè à tota sanctorum Apostolorum synodo literis publicis prohiberi debere? Est igitur grauè illud malum, quod tanta solitudine noscitur vetitum.

Postremum. Fornicatio demergit hominem in lacum damnationis æternæ, atque morti secundæ (quæ interminata est) reddit ad-

dictum,

dictum, ut testatur Beatus Ioannes in Apocalypsi. *Timidis (inquit) & incredulis, & execratis & homicidis, & fornicatoribus, & veneficis & idololatræ & omnibus mendacibus, pars illorum erit in stagno ardenti igne & sulphure, quod est mors secunda. Est igitur ipsa lethale peccatum, & animam à Dei gratia atque consortio separans, quod est propositum à principio intentum.*

Possunt & aliæ complures rationes ab iis adduci, qui diligenter sacras literas rimantur, ad eandem austruendam sententiam. Sed quæ nunc adductæ sunt, in præsentia sufficiunt. Nunc quibus remediis tantò malo occurratur, est explicandum.

Conclusio.

PARSIMONIAM IN VICTU
 euitationemq; ocij simul & familiaritatis cum mulieribus, multum conferre ad sacerdotum continentiam seruandam.

CAPVT XXIII.

At ve-



T verò quoniam parum
conducit morbi grauita-
tem cognoscere, nisi etiā
explorata habeantur rēmedia, qui-
bus deuitari possit aut curari, ope-
reprecium est & hoc loco paucis
ostendere, quæ adhiberi debeant re-
media ad tollendam hanc grauem,
cū corporis tūm animi pestem, in-
continentiam scilicet sacerdotum,
& quibus viis continentiae integri-
tas conseruari in ipsis possit inco-
lumis.

Et licet ex iis quidem quæ in o-
pusculo de laude monasticæ religi-
onis & in altero de laudibus sacra-
tissimæ virginis Cæciliæ annotaui-
mus, dinosci perspicuè potest ipsi-
us continentiae atque castitatis præ-
clara laus & excellentia, necnō qua
ratione & modo debeat integra cu-
stodiri: hic tamen nonnihil de eadē
re disserere non fuerit superuacuū.

Vicius
perlimo-

Itaq; tria potissimū assignantur

anti-

antidota contra exitialem morbum
carnis illecebræ.

nia est
primum
continē
tia reme
dium.

Primum est in victu parsimonia,
& potus cibi que parcitas, atterens
lasciuia carnis, & non finens e-
am ferocire aut insolecere in spi-
ritum. Quippe secundum Sapien-
tis sententiam. *Qui delicatè à pueritia
nutrit seruum suum, postea sentiet eum
contumacem.* Spiritui autem serua
debet esse caro. Ne igitur contuma-
citer insurgat lasciuia in spiritum
non est delicatè enutrienda neque
fouenda. Quod & præclare Orige-
nes homilia nona in Leuiticum te-
statur, ostendens nos irrationabi-
liter de carnis infirmitate & rebelli-
one in spiritum conqueri, quam
delicijs & voluptatibus fouemus,
ut contra animam violentior in-
surgat. *Non auditis (inquit) ex diuinis
scripturis, quod certamen est inter ho-
mines caro aduersus spiritum, & spi-
ritus aduersus carnem? & nescitis quia
si carnem solam nutriatis, & ipsam*

Pro: 29.

Præclara
Origenis
sententia
Homilia
9. in Le
uiticum
Gala. 5.

fre-

Notatu
digna.

frequenti mollire ac iugi deliciarum fluxu foueatis, insolescet necessario aduersum spiritum, & fortior illo efficitur? Quod si fiat, sine dubio eum in ditionem suam redactum suis coget legibus ac vitis obedire. Si vero ad Ecclesiam frequenter veniens aurem literis diuinis admoueas, explanationemq, mandatorum caelestium capias, sicut cibus & delitijs caro, ita spiritus verbis diuinis conualescet, ac sensibus & cupiditatibus robustior effectus, carnem sibi parere coget ac suis legibus obsequi. Nutrimenta igitur spiritus sunt diuina lectio, orationes assidua, sermo doctrina. His alitur cibus, his conualescit, his victor efficitur. Quod quia non facitis, nolite conqueri de infirmitate carnis, nolite dicere, quia volumus & non possumus. Volumus continenter viuere, sed carnis fragilitate decipimur, & impugnamur stimulis eius. Tu das stimulos carni tuae, tu eam aduersus spiritum tuum armas & potentem facis, cum eam carnibus satias, vino nimio inundas, omni mol-

liti e

litie palpas, & ad illecebras nutris.
Hæc Origenes.

Secundum remediū contra car-
nis incontinentiam est ocij deuita-
tio, & assidua in honesto opere oc-
cupatio. Quod non subticuit Poeta
cum ait, *Ocia si vites, periere cupidinis*
arcus. Et rursum. *Quæritur, AEgi-*
stus quare sit factus adulter. In prom-
ptuario est, *desidiosus erat.*

Ocij de-
clinatio
est secun-
dum con-
tinentiæ
remediū.
Ovisdi.

Et Ezechiel Propheta causas as-
signans horrendi flagitij Sodomi-
tarum ait. *Ecce hac fuit iniquitas So-*
doma sororis tuæ, superbia, saturitas
panis & abundantia, & ocium ipsius,
& filiarum eius, & manum egeno &
pauperi non porrigebant, & elevata
sunt & fecerunt abominationes coram
me, & abstuli eas sicut vidisti. Vbi in-
ter causas enormitatis eorum, abo-
minabilis assignatur saturitas panis
& ocium.

Commē-
datur sa-
cerdoti-
bus histo-
riarum
lectio.

Præ ceteris historiarū lectio, ma-
gnū confert adiumentū ad ocij deu-
tationem, & plurimū affert do-

Strinx,

Historia
instruit
vitam ho-
minis.

etrinæ, quoniam per hanc pulcis
seculis res gestæ, ac si præsentige-
rerentur tempestate, cognoscun-
tur, & ex ijs velut speculo quodam
oculis oblato, quid facto opus sit,
mens prouida perspicit. Quid enim
magis hominem vel deterret à vi-
cijs, aut animat ad virtutem, quàm
quod hystorica enarratione intel-
ligit eos, qui iustitiam & honesta-
tem coluerunt, lætos semper & o-
ptatos habuisse rerum suarum exi-
tus? Prauos autem, versipelles, san-
guinarios, & Sardanapalicos, infe-
lici sine dies suos clausisse? Nihil
denique inuenias quod cum vtili-
tate coniunctam habeat adeò syn-
ceram voluptatem, vt historiarum
cognitio. Per quam antiquis seculis
res peractæ, haud minus à nobis
perspectæ habentur, atque si illa
fuissemus tempestate. Et quæ vno
tempore ac loco contigerunt in an-
gusto orbis angulo, in omne tem-
pus & omnem locum, totumque

per or-

per orbem extenduntur. *Est enim historia* (ut tradit Cicero) *temporum testis, veritatis lux, vita memoria, vita magistra, nuncia vetustatis.* Cuius prima lex est, ne quid falsi dicere, deinde ne quid veri tacere audeat, ut neque suspitio gratiæ sit inscribendo, neque simultatis in subti- cendo. Est etiam historiarum & an-
 naliū notio, cum omni hominū generi, tum principibus & ijs qui ad rerum publicarum moderamen-
 ta assumuntur, in primis necessaria. Nempe per rerum quondam gesta-
 rum memoriam, viri solertis pru- dentia dubijs in rebus instruitur, quid potissimum sit faciendum, & prius actorum recordatio simi-
 lium consiliorum admonet, aut ab eis dehortatur, quin imo præteriti ratio scire futura facit. Neque certi-
 us speculum ullum est in regnis ac ciuitatibus gubernandis, quam hi-
 storiale, quo præteritis futura con- ferimus, sine cuius inspectione, ne-

Historia
descri-
ptio.

Condi-
ones hi-
storia.

Historia
illumi-
nat in-
tellectū
hominis.

Historia
compara-
tur spe-
culo.

M

que

que princeps neque magistratus in regenda republica sagax, prouidus & solers esse poterit, quòd idoneo careat direttore.

Tertium
remediũ
contra
carnis pe-
tulantia.
Eccl. 9.

Tertium remedium contra carnis petulantiam est mulierum con-
tubernia, colloquia & familiarita-
tem omnem refugere. Nam vt ait
Sapiens, propter speciem mulieris mul-
ti perierunt. & ab hac, concupiscentia
velut ignis exardescit. Non potest
stuppa diutius igni præsens esse,
quin exuratur. Viromnis stuppa
est, mulier ignis. Idem admonet
Hieronymus, dicens, 32. dist. cap.
Hospitiolum: *Hospitiolum tuum aut
raro, aut nunquam mulierum pedes te-
rant: quia non potest toto corde cum Deo
habitare, qui fœminarum periculosiss
accessibus copulatur. Fœmina consci-
entiam secum pariter habitantis exurit
nunquam de mulierum formis disputes.
Fœmina nomen tuum nesciant. Fœmi-
nam quàm bene videris conuersantem,
mente dilige, non corporali frequentia*

Si bonum

Si bonum est mulierem non tangere, malum est ergo tangere. Et Isidorus : Si vis à fornicatione esse tutus, esto à muliere corpore & visione discretus. Circa serpentem enim non eris diu illaesus, ante ignem consistens & proximus, à periculo diu tutus non eris. Licet ferreus sis, aliquantum dissolueris. 1. Cor. 7.

Ex familiaritate cum mulieribus oriuntur detestanda consortia, hinc concubinatus, stupra, adulteria, incestus, & alia quæque grauiissima peccata, quæ Deus iustus iudex nō relinquit impunita. Si enim Nadab & Abiu filij Aaron, repentino perierunt interitu, percussi à Domino, quòd ignem alienum obtulerint in lege typica & umbratili : non effugient grauiores pœnas, qui ignem concupiscentiæ succensi, prorsus alieno à voluntate Domini, audent polluto corde, ore & manibus Sacratissimum Christi Corpus attrectare. Proinde, aqua lachrymarum & lauacro pœnitentiæ,

hic ignis alienus, hæc vitiorum incendia restinguenda sunt.

EXHORTATIO AD SACER-
dotes loco Epilogi, vt dignè pro sua
vocatione viuant.

CAPVT XXIV.



Vm ad finem iam mea fe-
stinet oratio. Vos ego sa-
cerdotes per dignitatem
vestram sacerdotalem rogo pluri-
mum vt quàm diligentissimè con-
sideretis, quid S. Hieronymus in E-
zechielem de dignitate sacerdotali,
*Grandis (inquit) dignitas sacerdotum,
sed grandis ruina si peccant. Latamur
ad ascensum, sed timeamus ad lapsum.
Non est tanti gaudij excelsa tenuisse, quàm
timoris de sublimioribus corruisse,
nec enim solum pro delictis nostris red-
demus rationem, sed pro omnium, quorū
abutimur donis, & nequaquam sumus
de eorum salute solliciti.* Adhibete e-
tiam benignas aures verbis Grego-
rij, quàm difficilis est vestra prouin-

*Hieroni-
mus in
Ezechi-
elem.*

*Gregori-
us.*

cia, ita

cia, ita in Ezechielem contestantis. *In Eze-*
 Nos qui sacerdotes vocamur supra ea *chielē.*
 mala, quæ propria habemus, alienas quo-
 que mortes addimus, quia tot occidimus,
 quot ad mortem ire quotidie tepidi & ra-
 centes videmus. Discite insuper ex
 eodem, quàm noxii sunt & perni-
 ciosi in Ecclesia pravi sacerdotes,
 cum dicit in registro. Causa sunt ru-
 ina populi sacerdotes mali. Quis enim se
 pro peccatis populi intercessor obijciat, si
 sacerdos, qui orare debuerat graviora
 committat?

Neque obsurdescite ad verba Chryso-
 stomi, eandem approban-
 tis sententiam in homilia super il-
 lud verbum Matthæi: Super cathe-
 dram Moysi sederunt Scriba & Phari-
 sai. Multi, inquit, sacerdotes, multi in
 nomine, sed pauci in opere. Videte ergo
 quomodo sedeatis super cathedram, quia
 cathedra non facit sacerdotem, sed sa-
 cerdos cathedram. Non locus sanctificat
 hominem, sed homo locum. Qui bene se-
 derit super cathedram, honorem accipit.

Chryso-
 stomus
 in verba
 super Ca-
 thedram.
 Mat: 23

ab illa : qui malè sederit, iniuriam facit cathedra : In iudicio enim sedes. Si bene vixeris quidem, & bene docueris, omnium iudex eris. Si autem bene docueris & malè vixeris tui solius. Nam bene viuendo & bene docendo, populum instruis quomodo debeat viuere. Bene autem docendo & male viuendo, instruis Deum quomodo te debeat cōdemnare.

Chryso-
stomus
Homilia 26.
in Mat-
theum.

Eundem iterum sanctum patrē Chrysostomum attenti audite, plane ostendentem ex bona sacerdotū vita & doctrina omne in populo pendere bonum : ex improba verò eorum vita & peruersa doctrina, cuncta proficisci mala, cum in homilia vigesima sexta in Matthæum exponit illa verba Euangelij. Et ingressus Iesus in templum, cœpit eijcere vendentes & ementes de templo : Hoc (inquit) erat boni medici, ut ingressus ad infirmam ciuitatem soluendam, primum ad originem passionis intenderet. Nam sicut de templo omne bonum egreditur, sic & de templo omne malum

malum procedit. Quemadmodum medicus quando primum ingreditur ad infirmum, statim de stomacho eius interrogat, & eum componere primum festinat, quia si stomachus sanus fuerit, totum corpus validum est: si autem dissipatus fuerit, totum corpus infirmum est. Ita si sacerdotium integrum fuerit, tota Ecclesia floret: si autem corruptum fuerit, omnium fides marcida est. Cor autem & stomachus sacerdotes dicuntur: quia in rebus spiritualibus, per eos totus populus gubernatur. Et sicut cor sapientiae locus est, ita sacerdotes sunt receptacula sapientiae spiritualis, Esaia dicente: De Regibus quidem omne caput in dolore: de sacerdotio autem, omne cor in tristitia.

Sicut enim stomachus accipiens cibum, coquit eum in seipso, & per totum corpus dispergit, sic & sacerdotes accipiunt scientiam sermonis per scripturas ex Deo: & excoquentes eam in se, id est, tractantes & meditantes apud se, vniuerso populo subministrant. Et sicut stomacho subministrante, vnum quodq; membrum

Similitudo à stomacho scripta.

suscipit nutrimentum, & conuertit illud in se secundum suam naturam, ut puta quod suscipit iecur, totum sit sanguis. Quod autem suscipit fel, bilis efficitur totum: quod verò ascendit ad pulmonē, flegmata fiunt: quod autem in mammillas, efficitur totum lac. Sic sacerdotibus in Ecclesia loquentibus, verbum omnes suscipiunt: vnusquisq; autem conuertit illud secundum proprium cor: ita ut vñ idipsum verbum in cordibus quidem re-ctis procedat ad vitam: in cordibus autem peruersis, susciteat iracundiam quasi bilis: in alijs autem operatur dilectionē dulcissimam quasi lac: in alijs autem odia, quasi flegma nocuum & expuendū.

Videte ergo sacerdotes, quomodo vos componatis in verbo & in opere, quoniā sicut in corpore si aliquod infirmatum fuerit membrum, non omninò languet & stomachus: si autem stomachus languerit: omnia membra inueniūtur infirma, sic si aliquis Christianorum peccauerit, non omninò peccant & sacerdotes: si autem & sacerdotes fuerint in peccatis, to-

tus po-

tus populus conuertitur ad peccandum. Ideo vnusquisq; Christianorum pro suo peccato reddet rationem, sacerdotes autem non solum pro suis, sed & pro omnium peccatis reddituri sunt rationem. Hæc Chrysostomus.

Considerate præterea ô sacerdotes, quàm terribile iudicium Deus comminatur per Prophetam in Psalmo ijs, qui indignè se ingerunt grauib; onerati vicijs ad immolandum Deo sacrificium, laudis. Peccatori, inquit, dixit Deus. *Quare tu enarras iustitias meas, & assumis testamentum meum per os tuum? Tu verò odisti disciplinam, & proiecisti sermones meos retrorsum. Si videbas furem currebas cum eo, & cum adulteris portionem tuam ponebas. Et paulò post. Hæc fecisti & tacui. Existimasti iniquè quod ero tu similis, arguam te & statuam contra faciem tuam. Deinde salubriter omnes admonet & sollicitè: Intelligite hæc qui obliuiscimini Deum ne quando rapiat, & non sit qui eripiat.*

Grauis
Dei ex-
postula-
tio.

De quo
Psalmi-
sta lo-
quatur.

Quem quidem Psalmi locum ad li-
teram exponunt nonnulli eruditi-
one præstantes viri, non solum de
sacerdotibus annunciantibus popu-
lo verbum Dei, & improbam a-
gentibus vitam : sed & de ijs, qui
functionem habent sacerdotalem,
eamque exercent, offerentes Deo
sacrificium iustitiæ, attamen per-
uersis & corruptis sunt moribus,
quibus interminatur & acerrimam
reprehensionem & durissimum iu-
dicium, & interdum repentina mor-
te illos rapit, & non est qui de ma-
nu eius rapiat eos.

Applica-
tio loci
prolixa
per singu-
la.

Verum ne in illud incidatis triste
iudicium, cauete sollicitè vobis ab
omni labe peccati, quæ in mente
signatur per maculam aliquam cor-
poris in Leuitico expressam : ob
quam reijciebantur qui de semine
Aaron erant, ab officio sacerdotij.
Non sit in vobis cæcitas animi, &
ignorantia eorum quæ ad vestrum
munus ritè exercendum sunt neces-

saria.

sariâ. Non sit item in vobis claudicatio, declinatioque aut in dexteram aut sinistram à semita iustificationum Dei. Non sitis præterea paruo vel grandi tortoque naso, destituti recta discretionis mensura: qua virtutes à vitijs discernuntur, sicut naso suaues odores ab olidis. Non sitis itidem fracto pede aut manu, inepti ad gradiendum recto calle mandatorum Dei, aut impotentes ad rectè operandum. Non extumescat insuper gibbus in dorso mentis vestræ, per elationem atque inflationem animi, ob officij dignitatem aut Dei beneficia turgentis.

Non etiam deformet atque deturpet oculos vestros internos aut lippitudo, aut albugo, obscuritasque intellectus impediens clarè ea perspicì, quæ ad vestram pertinent administrationem, aliorumque directionem. Cauete similiter à iugiscabie, gastrimargia scilicet & victus intemperantia: qua semper ad ci-

bum & potum feruet concupiscencia. Nec minus vos custodite a petulantia prurientis carnis, & illecebris insanæ libidinis. Deniq; non sitis herniosi, id est, nimio pondere terrenorum affectuum prægruati, inhiantesque pecuniæ, aut etiam marcentes ocio ad bona operata tardi.

Leu. 22.

Attendite rursum diligenter, ne qua in vobis sit labes animi prohibens à digna perceptione sacrosanctæ Eucharistiæ signata per aliquam corporis imperfectionem, ob quam prohibiti leguntur in Leuitico Iudæi à manducatione sanctificatorum: Non appareat primum in vobis lepræ deformitas: neque seminis profluvium, concupiscentiæq; carnalis affectio. Nulla rursum contrahatur in vobis ex contactu morticini immundicia, ne cum perditis viris & sceleratis frequentem habentes conuersationem, sentiat nequitia eorum contagia, quoniã

vt dicit

vt dicit Ecclesiasticus: *Qui tetigerit* *Ecclesiasticus 24*
picem, inquinabitur ab ea: & qui com-
municauerit superbo induet superbiam.
Nulla item ex elu immundorum,
locum in vobis habeat impuritas,
nullusque ex crapula, ingluvie &
commestratione deprehendatur pec-
cati reatus.

Non sit identidem quisquam in
vobis alienigena, & ab Ecclesia Dei
alienus, anathemateque præcisus:
neque inquilinus, & firma animi
sede apud se nequaquam constans,
neque certo domicilio in boni o-
peris proposito fixè collocatus. Nō
sit itidem quispiam vestrum mer-
cenarius, & soli lucro pecuniario
in sacrorum administratione gre-
gisque Domini cura præcipuè in-
tentus. Denique nullus eneruati a-
nimi mollitie, effæminataque mē-
te filiam sacerdotis referat: quoni-
am neque ipsi sacerdotis filiæ, neq;
alijs septem hominum generibus
modo ordine certo digestis licuit

Leu. 22.

Finis est
exhorta-
tionis &
totius o-
pusculi.

ijs quæ sanctificata fuerant vesci. Quantò igitur minus licebit sacerdotibus, aliquo vitiorum genere per hasce corporales passionés contaminatis, sancta atque incoinquinata contingere mysteria, cum terribiliter comminetur Dominus omnibus sacerdotibus, loquens ad Aaron & filios eius, *Omnis homo qui accesserit de stirpe vestra ad ea, quæ cōsecrata sunt, & quæ obtulerunt filij Israël Domino, in quo est immunditia, peribit coram Domino?*

Sic denique vestros mores componite o sacerdotes, sic vestrum sine reprehensione exercete officiū, sic pro dignitate vestræ vocationis vitam probam & sanctam agite, vt digni habeamini cum summo sacerdote Domino nostro Iesu Christo recipi in æterna cæli tabernacula. Cui cū Deo patre & Spiritu sancto sit laus, honor & gloria, in sempiterna sæcula, Amen.

REVEREN.

REVERENDI PATRIS
IOANNIS BVSÆI
SOCIETATIS IESV, IN SINGVLAS
Hebdomadae serias distributa. }

MEDITATIONES
DE SACERDOTVM

dignitate & virtutibus.

MEDITATIO I.

Feria secunda.

De dignitate Sacerdotū generatim.

I. **C**onsidera quam praeclara nomina à
S. Scripturis & SS. Patribus Sa-
cerdotibus tribuantur. Vocantur 1. Angeli,
Malach: 2. Labia Sacerdotis custodiunt,
scientiam & legem requirent ex ore e-
ius, quia Angelus Domini exercituum
est. 2. Vicarij Christi Luca 10. Qui vos
audit, me audit, qui vos spernit, me
spernit. 3. Sol terra, lux mundi, & lucerna
super candelabra posita. Matth: 5. 4. Pa-
stores, Doctores, & dispensatores mysteriorū
Dei. Ioannis 10. & 21. Ephes: 4. 1. Cor: 4.
5. Episcopi, Pontifices & Prapositi, 1. Tim: 3.

Tit: 1.

Tit: 1. Heb: 5. 13. 6. mediatores inter Deum & homines, clauigeri cali, cubicularij Christi, principes populi, primitia Domini, primogeniti Israël.

2. **C**onsidera, quanto honore affecti fuerint, tum in veteri, tum in nouo testamento, imò etiam apud gentiles. Nam in veteri hereditatem non habuerunt inter ceteros Iudeos, ut est Num: 18. Sed Dominus erat hereditas eorum. In nouo quoq; ex redditibus Ecclesijs vel canonijs pie oblatis vitam traducunt, ideò clerici dicti, quia in sortem Domini vocati sunt, vel quia pars Domini & ideò singulari quodam ritu à solis Episcopis ad hunc gradum Deo consecrantur. Sed nec ullus sibi honorem assumere potest, nisi vocatus sit à Deo tanquam Aaron. Hebr: 4. Deinde Constantinus Imperator tantoperè eos veneratus est, ut dixerit, Si Sacerdotem viderem peccantem, cum foemina pallio meo contegerem. S. Martinus Episcopus Turon. prandens cum Casare, prius socio suo quòd esset sacerdos, poculum porrexit, quam Casari. Sulpit. in Vita. Beatus Ambrosius dicit regum ac Principum, colla genibus submitti sacerdotum, eosq; osculata e-

orum de-

orum dextera, credere se eorum Orationibus adiunari. B. Gelasius Papa in Epist ad Anastasium Imperatorem. Duo sunt, inquit, Imperator, quibus principaliter hic mundus regitur. Auctoritas Sacra Pōtificum & Regalis potestas, in quibus tantò grauius est pondus sacerdotum, quantò etiam pro ipsis Regibus hominum in diuino examine sunt reddituri rationem. 96. distin. cap. 12.

3. **C**onsidera. Sanctissimos quosq; ob summam eius dignitatem resugisse sacerdotium, vt S. Antonium, S. Pachomium, S. Benedictum, & S. Franciscum, cui harenti an fieri deberet sacerdos, eum esset diaconus, in via occurrit Angelus gestans vitrum pellucidum clarissimo liquore plenum, dixitq; sacerdotis animam similem esse debere illi liquori. Vnde ille sacerdos fieri noluit, quia tantā suā animā puritatem esse non putauit. Multi quoq; Sancti & atate prouecti eremita monasteria deseruere, ne ad sacerdotium proueberentur: alij verò iam ad illud prouecti, vel etiam ad Episcopatum in remotas terras abierunt, ne agnoscerentur, vt Ioannes Silentarius &

alij. S.

aliq. S. Marcus quoq, dicitur sibi abscidisse pollicem ne fieret Sacerdos, & S. Ammonius aures ne fieret Episcopus.

MEDITATIO II.

Feria tertia.

De causa dignitatis Sacerdotum
nouæ legis.

I. **C**onsidera dignitatem Sacerdotum nouæ legis, sumi ex duplici potestate illis collata, ordinis & iurisdictionis. Ratione ordinis possunt consecrare Corpus & Sanguinem Domini : ratione iurisdictionis possunt homines absolvere à peccatis & Ecclesiam gubernare. 2. expende quàm admiranda sit illa potestas consecrandi. Magnum beneficium credimus præstitum. Iosua 10. quòd imperio suo fecerit sistere Solem, obediens Domino, ut loquitur scriptura, voci hominis, sed multò maius præstitum est cuiq, sacerdoti. Ille enim fecit stare solem, ubi ante erat, at sacerdos sistit Christum in Cælo existentem, ubi ante non erat, id est, in altari, illi creatura obediuit, huic creator, illi sol semel loquente

loquenti obedivit, huic Deus, quoties verba consecrationis eloquitur, obedit. Quis sacerdos tam stupidus est, qui considerans tam stupendam Christi erga se obedientiam, summi Regis ad subditum, Dei ad creaturam, non vicissim libenter obtemperet Dei mandatis? Quis cum B. Ioanne Baptista non dicat. Ego à te debui Baptizari, tibi debuì obedire, & tu venis ad me, tu mihi obedis? Math: 3.

2. **C**onsidera bonorem qui ante incarnationem datus est Angelis, ut in persona Dei dicerent. Ego sum Deus Abraham, Deus Isaac, Deus Iacob, Exod: 3. Actor: 7. nunc deferri omnibus Sacerdotibus, qui apud Malachiam etiam vocantur Angeli. Nam non in persona sua sed Christi dicunt in consecratione Eucharistia. Hoc est corpus meum, Hic est calix sanguinis mei. Math: 26. unde sunt quasi Vicarii Christi & quasi Christus ipse. Quod qui cogitat, quomodo non potest non vitam ducere sanctissimam, ab omnibus sordibus pudicitiae alienam? Quid enim Christo sanctius? Qua conuentio Christi cum peccato & Belial?

2. Considera, praesepè, Crucem, Sepulchrum, domum Bethlehem, quia attigerunt Christum,

res sau-

res sanctas haberi, ad quas spectandas, tangendasq; homines longa itinera conficiunt, cur ergo non sit sanctus sacerdos, ad quem Christus non iam mortalis, sed immortalis & gloriosus quotidie diuerit?

2. **C**onsidera, quanta dignitas sacerdoti accedat ratione potestatis iurisdictionis cū priori coniuncta, nempè ut parem quasi potestatem cum Deo obtineat, nempè remittendi peccata & ligandi. Dei enim solius est remittere peccata & infundere gratiam, & tamen tam efficax ei potestas ea dimittendi data est, ut qua ipse dimiserit, dimissa etiam sint in cœlis, ut liquet ex cap. 16. & 18. Matthæi. Ac proinde dum confitentes absoluit, disertè dicit, Ego absoluo te ab omnibus peccatis tuis, in nomine Patris, & Filii, &c. Vnde sequitur eius linguam esse clauem, qua clauditur infernus, & cœlum aperitur. 2. Cōsidera eundem sacerdotem esse constitutum mediatorem & sequestrum, inter Deum & homines, ut sacrificia offerat pro hominum peccatis, ut precibus suis iram Dei auertat, ut verbo & exemplo oves sibi subiectas pascat, & animam suam pro salute earum curanda po-

nat, cum

nat, cum obligatione rationem reddendi in die iudicii, si vel una eorum pereat. Vnde fit, vt, cum in Ecclesiam ab omnibus conuenitur, toto populo in genua procumbente solus sacerdos erectus stet ad altare, velut pro toto populo vnus decertans. Quis verò tam ingratus sit, vt considerans in quàm sublimi gradu à Deo sit collocatus, adhuc se abijciat in lutum peccatorum, & fiat sacerdos, sicut populus?

MEDITATIO III.

Feria quarta,

De Virtutibus, quas inesse Sacerdoti vult Apost. Paulus, 1. Tim. 3. & Tit. 1.

Oportet Episcopum irreprehensibilem esse.

I. **C**onsidera nomine Episcopi intelligi sacerdotem, maximè curatum, vel qui aliorum curam gerit. Episcopus enim Græcè, latinè idem est, quod superintendens, itaq; possunt eo nomine quoq; intelligi Confessarii & Concionatores, quorum est saluti aliorum promouenda incumbere. 2. Considera has virtutes requiri à B. Paulo in sacerdote. 1. vt sit sobrius, in

brius in potu, 2. prudens prudentia spirituali & moderatus, ne manus cito imponat ordinandis, vel Ecclesiæ dignitate ornandis; alioquin enim communicabit peccatis alienis, 1. Tim. 5. 3. ornatus, id est modestus in habitu & incessu. 4. pudicus in verbis & factis. 5. benignus & mansuetus. 6. iustus, 7. Sanctus. 8. modestus, non turbulentus. 9. hospitalis. 10. amplectens fidelem sermonem, id est, zelosus in fide Catholica. 11. Doctor & aptus ad docendum, ut potens sit eos qui contradicunt coarguere. 12. continens ab uxore, si quàm forte ante ordines duxit. 13. suæ domui bene præpositus. Si quis enim domesticorū curam non habet, est infideli deterior. 1. Timoth. 5.

2. **C**onsidera Apostolum velle, Primò, ut sacerdos non sit superbus. 2. non iracundus. 3. non litigiosus. 4. non percussor, vel manu vel lingua, id est, detractor & columniator. 5. non vinolentus. 6. non turpis lucri cupidus, nec auarus. 7. irreprehensibilis, id est, quem nemo queat iure reprehendere, quiq; nullam det occasionem iustæ querelæ, vel etiam qui nullius mali sibi scit conscius. 8. ut sit v-

nus vxor-

nus vxoris vir, hoc est, qui defuncta vna vxore priori, non duxerit secundam, vel qui plures simul vxores non habeat.

3. **C**onsidera ideo tantam perfectionem ab Apostolo exigī in sacerdote, quia, vt omnes Patres docent, quo quis est sublimioris status, & ordinis, hoc ad ampliorem virtutum perfectionem tenetur secundum illud. Luc. 12. Cui plus datum est, plus exigitur ab illo. & Sap. 6. Iudicium durissimum in his qui præsunt fiet, & potentes potenter tormenta patientur. & S. Gregorius. 3. past. admon: 5. Sicut Prælati, inquit, tot coronas sibi multiplicat, quot Deo animas lucrificat, sic si peruerſa perpetrat, tot mortibus dignus est, quot ad subditos suę perditionis exempla transmittit. 2. Considera sacerdotem debere esse omnium virtutum, maximè autem fidei, spei, caritatis in Deum & proximum, humilitatis, pietatis, & castitatis, speculum & exemplar, si enim lux est mundi & lucerna super candelabrum posita, debet luce doctrina sua & vitæ exemplaris illustrare omnes: si sal est terra, debet omnes à corruptione peccati conseruare,

si pater

*si pater & magister omnium fidelium, debet
in se ostendere, quod omnes imitentur.*

MEDITATIO IV.

Feria quinta,

**De præstantia fidei & spei in
Sacerdote.**

I. **C**onsidera Sacerdotem imprimis de-
bere esse in fide Catholica Romana,
sine qua impossibile est placere Deo, constan-
tissimum & certissimum, quia eius velut Ma-
gistri & Pastoris est populum in fidei articulis
instruere, eandem contra hæreticos, hoc tem-
pore maximè, diligenter & ardentè defende-
re, modum item resistendi tentationibus Da-
monis, mundi & carnis tradere, imò si ne-
cessè sit etiam pro ea sanguinem profundere.
Bonus enim Pastor animam suam dat pro ou-
ibus suis, Ioan: 10. in vera fide conservandis.
Labia Sacerdotis, ait Malachias, Malach: 2.
custodient scientiam, & legem Dei re-
quirent ex ore eius. 2. Considera hoc præfi-
guratum in veteri lege. Num: 10. ubi iussi
sunt sacerdotes dum iniretur prælium, inflare
tubas,

tubas, ut earum clangore miles redderetur animosior. Cum autem bella spiritualia periculosiora sint & crebriora quam illa corporalia, ardentius sanè & frequentius tuba oris sacerdoti inflanda est pro fide & sanctis moribus per conciones & exhortationes. Victoria enim quæ vincit mundum. Secundum Beatum Ioannem, est fides nostra. Et Divinus Paulus in Epistola ad Hebræos, omnia fortia veterum Patrum facta tribuit eximie eorum fidei.

2. **C**onsidera nō solum fidem, qua credimus omnia qua Ecclesia Romana credenda proponit, excellentem debere esse in eo, sed etiam spem, vel fiduciam, qua omnia possibilia redduntur credenti, ita ut etiam montes queat transferro, ut ait CHRISTVS apud Marcum 3. & Lucam 17. S. Iacobus autem 1. cap. vult illam fiduciam debere esse firmissimam non hesitantem, Qui enim hæsitat, supple, se impetraturum qua à Deo petit, Similis est fluctui maris, qui à vento mouetur, & circumfertur, nec æstimet homo ille quod accipiat aliquid à Domino. Vnde Christus ferè omnia miracula illi

N

firmæ fi-

firma fiducia adscribit. *Math: 1. & 9.* Fiat, inquiens, tibi sicut credidisti, vel fiat secundum fidem tuam. 2. perpende rationem huius esse quia sacerdotis maximè est orare pro alijs, & vitam piam sanctamq; instituere, ut possit petita impetrare, quia ad hoc à Deo, tantquam mediator inter Deum & homines est constitutus. *Heb: 5.* Vnde & alijs in genua cadentibus tempore Missæ solus ipse stat, quasi, integritate vitæ fretus, audeat, pro alijs metu consternatis orare, vel certè quia hortatur *Apostolus*, ut cum fiducia ad thronum gratiæ adeamus, quo misericordiam consequamur. *Hebraeorum 4.*

3. **C**onsidera cum fidei debere habere quoq; & diuinæ scripturæ, rerumq; Theologicarum pro officij magnitudine coniunctam scientiam & sapientiam, & attendere, ut, *Apostolus* monet *Timotheum*. lectioni, exhortationi, & doctrinæ. 1. *Timothei 4.* Quilibet enim sacerdos curam habens animarum, tenetur exponere Euangelium, Catechesin fidei Christianæ tradere, & eos qui contradicunt redarguere. Si enim *S. Petrus* vult omnes esse, paratos ad satisfactionem omni poscenti de fide.

de fide, quæ in ipsis est, 1. Petr: 3. quanto magis debent esse sacerdotes, qui aliorum sunt Magistri & Doctores? quid turpius est, quam sacerdotem non posse respondere alicui garrula muliercula, vel proteruo adolescentulo haeretico obiectanti, ut hoc tempore fit, scriptura testimonia? Vnde Chrysostomus scribit, sacerdotem in omnibus debere esse sapientissimum. & mille instructum oculis, ut non solum sibi, sed etiam toti populo seruiat. Deus verò apud Oseã Prophetam, Osea 4. comminatur repulsam à dignitate sacerdotij imperitis. Quia inquit, tu scientem repulisti, repellam te, ne sacerdotio fungaris mihi. & B. Paulus. 1. Cor: 14. Qui autem ignorat, nempe ea qua scire tenetur, ignorabitur, nempe in die iudicij, cum dicetur. Nescio vos.

MEDITATIO V.

Feria sexta.

De caritate, qua flagrare debet
Sacerdos.

I. **C**onsidera sacerdotem nulla magis virtute, quam caritate debere flagrare,

N 2

tum quia

tum quia fides, spes atq; virtutes omnes, teste Apostolo, 1. Cor: 13. sine illa nihil prosunt; tum quia officium sacerdotis vel Pastoris, tam ratione potestatis ordinis, ut dignè conficiat & administret Sacramenta, quam iurisdictionis, quatenus curam animarum habet illud omninò postulet. 2. nota typum huius gessisse veteris testamenti sacerdotes, quorum functio erat, ignem sacrum quotidie in altari fouere. *Lev. 6.* Quid enim ignis ille designabat nisi sacram Eucharistiam, Deum & hominem in se sub specie panis & vini continentem. Deus autem ignis consumens est. *Deut. 4:* què sacerdotes nostri non solum quotidie conseruant, sed etiam conficiunt. Deinde vestiti esse debebant cocco bis tincto ut indicaretur sacerdotem debere duplici caritate flagrare, in Deum, scilicet & proximum.

2. **C**onsidera Christum Sacerdotum secundum ordinem Melchisedech *Psalmo 109.* Principem, cuius vices obeunt omnes sacerdotes nostri in consecrando corpore ut diximus, Christi, dum aiunt. Hoc est Corpus meum, maximè declarasse caritatem erga nos cum instituit Apostolos in Sacerdotes. Nā

B. Ioannes

B. Ioannes Ioan: 13. de extrema cœna adtu-
rus, præmittit, quod, in finem dilexerit il-
los. Deinde ex vero in eos amore instituit S.
Eucharistiam, id est, excogitavit modum, quo
perpetuò nobiscum realiter maneret. Adhuc
longum habuit sermonem de nouo mandato ca-
ritatis. Postremò, ex nimio amore Sanguinem
suum pro nobis fudit. Maiorem enim cari-
tatem nemo habet, inquit ipse, quàm si
animam suam quis ponat pro amicis
suis. Ioan: 15.

3. **C**onsidera, quod Christus institutus
Principem Sacerdotum & Pastorum Pe-
trum, Ioan: 21. de caritate tantùm, & euide-
ter eum percunctatus est. Simon diligis me
plus his. Et ille tandem respondit. Domi-
ne tu scis quia amo te. Christus verò. Pa-
sce ergo oues meas, inuicem ad pascendas
doctrina & exemplo oues; & ad gubernandam
Ecclesiam, maximè opus esse ardenti caritate
in Deum & proximum, Veri siquidem Pastro-
ris est, ouem perditam requirere, & inuentam,
relictis licet 99. ouibus humeris sublatam in
ouile portare. Luca 15. Eiusdem est adueni-
ente lupo, Ioan: 10. & persecutiane exorta, nō

cum mercenario qui non est Pastor, fugere sed animam ponere pro ouibus. Eius est cognoscere omnes oues, easq, exemplo vita sancta precedere, efficereq, ut se suamq, doctrinam & vitam sequantur, quod non facile impetrabit, nisi multis beneficijs & amoris indicijs eas sibi deuinciat, ac tandem claue sua cœlesti, quam accepit, Regnum Cœlorum illis aperiat.

MEDITATIO VI.

Die Sabbathi,

De humilitate Sacerdoti necessaria.

I. **C**onsidera humilitatem esse omnium virtutum fundamentum, ac imprimis teste Chrysostomo, Hom. 18. ad pop. officij sacerdotalis, & ideò ea quoq, excellere debere sacerdotes. Ut enim quo domus alijs edificatur, hoc profundius requirit fundamentum, & arbor, quò ramos longius educit, hoc profundius agit radices, & quo fructibus onustior est, hoc magis se in terram inclinat, sic quò sublimior est sacerdotis dignitas, hoc maior eius debet esse humilitas iuxta illud sapientis dictum: Ecclesiastici tertio: Quanto magnus es humi-

es humilia te in omnibus. 2. perperde esse
et custodem omnium virtutum vt vult B.
Hieronymus, et S. Augustinus. Quie-
nim sine humilitate, inquit B. Gregorius.
Hom: 6. in Euang. Virtutes congregat qua
si puluerem in ventum portat. Conser-
uat autem eas, tum quia sicut qui iacet, non
habet, vnde cadat, sic humilis non facile labi-
tur in peccatum, tum quia sicut ignis sub cine-
re, et fructus sub folijs, ita virtutes sub hu-
militatis operculo, et absconduntur et faci-
lius conseruantur.

2. **C**onsidera. Seruos Dei, humilitate magna
praditos, maxime fuisse à Deo laudatos
et exaltatos. Abraham Genes: 18. qui pulue-
rem et cinerem se vocabat. Pater omnium
fidelium factus est. Dauid qui pulicē, 1. Reg. 24.
Vir secundum Dei. S. Ioannes qui indignū se
faciebat, vt solueret corrigiā Christi, Matth: 3.
dignus redditus est, qui Christum baptizaret,
et digito monstraret. S. Petrus cum Domino
diceret. Exi à me Domine quia homo
peccator sum, Luca: 5. audiit statim ab eo.
Ex hoc eris homines capiens; et postea
factus est caput totius Ecclesie, et clamiger

Regni cælorum. Centurto dicens. Matth: 8. Non sū dignus, vt intres sub tectū meū, audiuit à Christo. Non inueni tātā fidē in Israhël. B. Virgo ex humilitate se vocans ancillam Domini, meruit fieri mater Dei. 2. perpende & Christum summum sacerdotem hęc virtutem imprimis Apostolis commendasse dū diceret. Discite à me quia mitis sum & humilis corde. Et rursus. Si quis inter vos vult primus esse, sit omnium nouissimus. Atq; etiam cū eos sacerdotes facturus esset, exereuisse, cū lauit eorum pedes, & dixit. Ioan: 13. Si ego laui pedes vestros Dominus & Magister, & vos debetis alter alterius lauare pedes.

3. *Considera. Cū sacerdotum proprium officium sit deprecari & sacrificia offerre pro populo, nihil equè iuuare ad reconciliandum Deum & impetrandam gratiam, ac humilitatem precibus coniunctam. Ad quem enim respiciam, ait, Isaiā 64imo. Deus apud Isaiam, nisi ad humilem & pauperculū. Et Dauid. Cor contritum & humiliatū Deus nō despiciet. Et Iesus Syrach, Eccl: 35 Oratio humiliantis se penetrat nubes.*

Et S. In-

Et S. Iudith. capite. 9. Humilium, inquit, & mansuetorum semper tibi placuit deprecatio. B. Iacobus, Iacob: 5. & B. Petrus. Deus superbis resistit, humilibus autē dat gratiam. Vnde Iosue capite: 7. cum in terram se prostrauisset, Deum mox sibi propitiū reddidit. Et Dauid cum humiliter peccatum suum confessus esset, 2. Reg: 12. ilico a Propheta audiuit. Dominus quoq; transtulit peccatum tuum. 2. nota nihil aequè valere ad vincendas tentationes demonis ac humilitatē, cuius ratio est, quia ille ob superbiam aeterna fœlicitate excidit. Vnde S. Antonius cum videret mundum plenum laqueis, responsum accepit à Deo, omnes euadit sola humilitate. Quare nihil aequè valet ad promerendum Regnum Cœlorū ac humilitas. Beati, inquit Christus, Math: 5. & 12. pauperes spiritu, id est, humiles, quoniam ipsorum est Regnum Cœlorum. Et Luca 4. Nisi efficiamini sicut paruuli, non intrabitis in Regnum Cœlorum. Et rursus. Qui se humiliat exaltabitur.

MEDITATIO VII.

Die Dominico.

N 5

De Casti-

De Castitate Sacerdotibus ne
cellaria.

1. **C**onsidera si veteris testamenti sacerdotes toto tempore quo ministrabāt tabernaculo, à domo & vxore abesse tenebantur, 1. Par: 24. (ministrabant enim per vices) quantò magis noui testamenti sacerdotes, qui non per vices sed semper ministrant, debent à coniugio & omni consuetudine fœminarum abstinere. Deinde si Achimelech 1. Reg: 21. sacerdos noluit Dauid famelico dare panes propositionis comedendos, nisi prius intellexisset eum ab vxore aliquandiu se continuisse; si idem populo faciendum fuit, cùm esset legem à Deo accepturus, Exod: 19. quantò magis cõueniunt sacerdotes nostros ab omni fœminarum contubernio alienos esse, quibus quotidie in sacrificio Missæ, Corpus Domini per panes propositionis præfiguratum, non solum sumendũ, sed etiã conficiendũ manibusq; tractandũ est.

2. Considera Diuũ Paulũ 1. Cor: 7. docere eos qui vxorem habent sollicitos esse, quia sunt mũdi, vt placeant vxori, & esse diuisos, id est, in multas sollicitudinum partes, vt exponit Hie-

ronymus.

ronymus, Hier. in Iouin: distractos: qui autē non habent, cogitare quæ Domini sunt, vt sint sancti corpore & spiritu: consequens est sacerdotes minimè sceminis adharere debere.

2. **C**onsidera puritatē animi & corporis, nō solū à Diuinis Scripturis; sed etiā ab omnibus Cōcilys summis Pōtificib⁹, omnibusq; Patribus & Doctōribus, quotquot in Ecclesia hactenus fuerūt, eāq; nō vulgarē, sed singularē & eximiā in sacerdotibus postulari, idq; multis de causis. 1. quia sanctissimū sacrificiū Missæ, quo nihil angustius, crebrius peragere, in eoq; purissimū Dñi Corpus ore suo cōsecrare, & manibus tractare, alijsq; porrigere debet. 2. quia assiduē orationib⁹, vt sacrarū horarū lectioni, & diuini officij decātationi, quæ mentē puram trāquillā & in Deū eleuatā requirūt vacare tenentur. 3. quia prædicatione, & sanctæ vitæ exēplo plebē ad omnē virtutē, carūq; perfectiōnē inflammare. 4. quia debet partē temporis impedere oib⁹ suis, vel subditis erudiēdis, & in viā, dū à via aberrāt reducendis, ac si aegri sint in visendis, solādis, & pascēdis, pauperib⁹ irē, iuuādīs, peregrinīs recipiēdis, sacramentis varijs administrādis: quæ omnia sanē requi-

runt hominē, non solum ab uxore & liberis, sed etiā omnium negotiorū secularium cura liberrimum. unde Apostolus. Nemo, inquit, militans Deo implicat se negotijs secularibus. 2. Tim: 2.

3. **C**onsidera Sacerdotem, si castitatē inuolatā non fornet, multo grauius peccare, quā peccet in eodem genere homines seculares. Primò, quia sacrilegium committit. Si quis templum Dei violauerit, inquit Apostolus, 1. Cor: 13. disperdet illum Deus, at quis templū Dei sanctum, & Deo consecratum propriè est, nisi sacerdos, toties per varios ordines inunctus, & vices Dei & Angelorū subiens? 2. quia violat votū castitatis ipsa ordinis susceptione tertio factū. 3. quia summo scandalo est bonis & malis, imò & vilissimis hominibus: quòd scandalū tantū hoc seculo est, ut causam dederit tot hæresibus. 4. quia si in statu huius peccati celebret aliq, sacramenta administret, Christum crucifigit, Christo in faciem spuit, Christum cū Iuda prodit, imò pedibus conculcat & in cloacam proicit. Quid enim aliud est os sacerdotis impudici vel concubinarij, quid aliud eius anima vel cor,

quā

quam cloaca fœtidissima? Quid est margari-
tas proicere ante porcos, si hoc non est? videli-
cet cum impudicus Sacerdos audet celebrare?

SPECVLVM SACER- dotum.

Viri venerabiles Sacerdotes Dei,
Præcones altissimi lucernæ dei;
Charitatis radio fulgentes & spei;
Auribus percipite verba oris mei.
Vos in sanctuario Deo deferuitis,
Vos vocauit palmites Christus vera vitis,
Cauete ne steriles, aut inanes sitis,
Si cum vero stipite viuere velitis.
Vos estis Catholicæ legis protectores,
Sal terræ, lux hominum, ouium Pastores,
Muri domus Israël, morum correctores,
Iudices Ecclesiæ, gentium Doctores.
Si cadat protectio legis, lex labetur,
Si sal euanuerit, in quo salietur?
Nisi lux appareat via nescietur.
Nec si Pastor vigilet ouile frangetur.
Vos cæpistis vineam Dei procurare:
Quàm doctrinæ riuulis, debetis rigare:
Spinās, atque tribulos procul extirpare:
Vt radices fidei possint germinare.
Vos estis in area boues triturantes,
Prudenter à palea granum separantes,
Vos habent pro speculo legem ignorantes
Laici, qui fragiles sunt & inconstantes.

Quicquid vident laici vobis displicere,
Dicunt procul dubio sibi non licere,
Quicquid vos in opere vident adimplere,
Credunt esse licitum, & culpa carere.
Cum Pastores ouium sitis constituti,
Non estote desides sicut canes muti,
Vobis non deficiant latratus acuti,
Lupus rapax inuidet ouium saluti,
Grex fidelis triplici cibo sustinetur,
Corpore Dominico, quo salus augetur,
Sermonis compendio, quod discretè detur,
Mundato cibario, ne periclitetur.
Ouibz tenemini vestris prædicare,
Sed quid, quibus, qualiter, vbi, quando, quare,
Deberis sollicitè rem considerare,
Ne quis in officio dicat vos errare.
Spectat ad officium vestræ dignitatis,
Gratiâ petentibus dona dare gratis,
Sed si vnquam fidei munera vendatis,
Incursores Gæzy lepram vos sciatis.
Gratis Eucharistiam plebi ministrare:
Gratis confitemini gratis baptizate,
Secundùm Apostolum, cunctis gratis date,
Solùm id quod fuerit vestrum conseruate.
Vestra conuersatio sit religiosa:
Munda conscientia, vita virtuosa:
Regularis habitus, mensque gratiosa:
Nulla vos coinquinet labes criminosa:
Nullus fastus deprimat vestræ signum mentis,
Gratis intuitus, habitus sit testis,

Nihil

Nihil vos illaqueet curis inhonestis,
Quibus clauēs traditæ sunt regni caelestis.
Estote breuiloqui, ne vos ad reatum
Pertrahat loquacitas, nutrix vanitatum :
Verbum, quod proponitis; sit abbreviatum,
Nam in multiloquio non deest peccatum.
Estote beneuoli, sobrij, prudentes :
Iusti, casti, simplices, pij, patientes,
Hospitales, humiles, subditos docentes,
Consolantes miseros, prauos corrigentes.
Vtinam sic gerere curam pastorem
Possitis & ducere vitam spiritalem,
Vt cum exueritis clamidem carnalem,
Induat vos Dominus stolam æternalem.
Qui sedet in solio summæ maiestatis,
Vos purget à vitio, mundet à peccatis.
Vobis sit auxilio vestræ pietatis,
Vt Abrahæ in gremio tandem sedeatis.
Amen.

ALPHABETVM

SACERDOTALE, COL-

lectum ex Epistola S. Hieronymi ad

Nepotianum, de vita Clericorum

et Sacerdotum scripta,

A

Assistat tibi quilibet Sanctus fra-
ter ahi-

ter infirmo, vel germana, vel mater, aut probatæ quælibet apud omnes fidei, & castimonix. Scio enim quosdam conualuisse corpore, & animo ægrotare cæpisse. Periculose tibi ministrat, cuius vultum frequenter attendis.

B

Boni omnes, clericos cōsolatores, potius in mœroribus suis, quàm conuinas in prosperis nouerint.

C

CAue ne aut linguam aut aures habearas prurientes: ne aut ipse alijs detrahas aut alios audias detrahentes. Discat detractor, dum te videt non libenter audire, non facile detrahere. *Cum detractoribus, ait Salomon, non miscearis.*

D

DOcente te in Ecclesia, non clamor populi sed gemitus suscitetur. Lacrymæ auditorum laudes tuæ sint. sermo Presbyteri scripturarum lectione sit cō-

ditus.

ditus. Multò melius est è duobus imperfectis rusticitatem sanctam habere, quàm eloquentiam peccatricem.

E

EPiscopi sacerdotes se esse nouerint, non Dominos : honorent Clericos quasi Clericos ; vt & ipsis à Clericis, quasi Episcopis, honor deferatur. Recordentur semper, quid Apostolus Petrus præcipiat sacerdotibus : 1. Petr. 1. *Pascite eum, qui in vobis est, gregem Domini:*

F

FAcile contemnitur Clericus, qui sæpè ad prandium vocatus non recusat. Nunquam petentes, rarò accipiamus rogati. *Beatius enim est magis, dare.*

G

GLoria Episcopi est, pauperum inopiæ prouidere. Ignominia sacerdotis est proprijs studere diuitijs. Natus in paupere domo, & in tugurio rusticano, qui vix milio & cibario pane rugientem saturare ventrem poteram: nunc simulam & mella fastidio. |

Ho-

H

Hospitiolum tuum , aut raro , aut nunquam mulierum pedes terant. Omnes puellas & virgines Christi , aut æqualiter ignora , aut æqualiter dilige. Nec sub eodem tecto habites. Nec in præterita castitate confidas. Nec sanctior Dauide , nec Samsone fortior , nec Salomone potes esse sapientior. Memēto semper , quòd paradisi colonum de possessione sua mulier eiecerit.

I

Iudex secularis plus defert Clerico continenti , quàm diuiti , & magis ipsius sanctitatem venerabitur , quàm opes.

K

Kληρικός Græcè, sors latine appellatur. Hinc Clerici vocantur , vel quia de sorte sunt Domini , vel quia ipse Dominus sors 1. pars Clericorum est. Talem se exhibere debet. Clericus vt dicat cum Psalmista 15. *Dominus pars heredita-*

tur mea.

*zur mea. Et Plal. 72. Quid enim mihi est in
calo, & à te quid volui super terram. De-
fecit caro mea & cor meum DEVS cordis
mei; & pars mea DEVS in aeternum.*

L

LEpores, & risu dignas yrbانيتates,
omnes delicias, & cæteras ineptias
amatorum in comædiis erubescimus;
in sæculi hominibus detestamur: at
quanto magis in Clericis.

M

Mensulam tuam pauperes, & pere-
grini, & cum illis Christus conuiuia
nouerit. Negotiatorem Clericum, & ex
inope diuitem, ex ignobili gloriosum,
quali quandam pestem fuge.

N

NON confundant opera tua sermonē
tuum: ne cum in Ecclesia loquaris,
tacitus quilibet respondeat, cūr ergo
hæc, quæ dicis, ipse non facis? Delica-
tus magister est, qui pleno ventre de
ieiunijs disputat.

O

Officij tui est, ô sacerdos non solum oculos castos seruare, sed & linguam. Nunquam de formis mulierum disputes, nec quid agatur in alia, domus alia per te nouerit.

P

Pinguis venter non gignit mentem tenuem. Tantum tibi ieiuniorum modum impone, quantum ferre potes. Sint tibi pura, casta, simplicia moderata tua, & non superstitiosa ieiunia.

Q

Quidquid inebriat, & statum mentis tuæ euertit fuge. Nec hoc dico, quod Dei à nobis creatura damnetur; Sed modum pro ætatis, & valetudinis, & corporum qualitate exigimus in portando.

R

Rvmusculos hominum, caue, ne aucuperis, ne offensam Dei populorū laude

laude commutes. *Si adhuc*, inquit Apostolus, *hominibus placerem Christi servus non essem.* Desijt placere hominibus, & servus factus est Christi.

S

SCiat Episcopus cui commissa est Ecclesia, quem dispensationi pauperum curæq; præficiat. Melius est non habere, quod tribuam, quàm impudenter petere, quod recondam.

T

TAles habeto socios, quorum contubernio non infamcris. Caueto omnes suspiciones, & quidquid probabiliter fingi potest, ne fingatur ante declines. Qui te sequitur non ornetur veste, sed moribus, pudicitiamq; habitu polliceatur.

V

VIs scire qualem à Clerico Dominus requirat ornatum. Requirit prudentiam, pietatem, iustitiam, castitatem, temperantiam, fortitudinem. Nihil his

mon-

monilibus pretiosis, nihil hac gemmarum varietate ornatius.

X

Xristi miles sacerdos graditur per bonam & malam famam, à dextris & à sinistris, nec laude extollitur, nec vituperatione frangitur, non diuitiis tumet, non contrahitur paupertate, & lata contemnit, & tristia, per diem sol non vrit eum, neque luna per noctem,

Z

Zelo zelatus sum pro Domino exercituum. 3. Reg. 19. Hoc sit semper symbolum hæc nota, hæc tessera & scopus sit pii sacerdotis.

ORATIO SACERDOTIS,
maximè Parochi singulis diebus
post meditationem recitanda.

Clementissime Domine IESV Christe, Pontifex æterne, qui me indignum famulum tuum ad functionem muneris Apostolici vocare dignatus es, ut oves tui ouilis salutare pabulo doctri-

na pa-


na pascere, & Ecclesie tue, quam pretioso tuo sanguine redemisti, praesem, horreo & toto corpore contremisco quoties considero, quis ego sim, & quid requirit onus, quod infirmis humeris meis incumbit. Qui enim pro una & sola animula mea rationem reddere non possim, pro toto grege mihi à te commissio quomodo reddam.


Obsecro te Principem Pastorum, digneris me inutile instrumentum tuum aptare, & vocatione mea me dignum preparare. Da mihi seruo tuo gratiam Spiritus sancti, ut feruenti spiritu praedicem verbum tuum, ne aures tantum feriat, sed cor penetret auditorum, & fructum adferat optatissimum. Renoua vitam meam & mores meos in melius commuta, ne dum alijs praedicem, ipse reprobus efficiar.

Tolle à me superbiam, iracundiam, ebrietatem, incontinentiam, & turpis lucri cupiditatem, largire verò humilitatem, sobrietatem, continentiam, amo-

rem paupertatis, & zelum animarum.
Concede mihi spiritum lenitatis & mansuetudinis, ut omnes mihi à te commissos, in visceribus meis diligā, nec aliter cōplectar eos tanquā mater unicū quem habet filium, nemo infirmetur cum quo ego non infirmer, nemo scandalizetur & ego non vrar.

Iuua me Domine, ut quod infirmū est consolidē, quod agrotū est sanem, quod confractū est alligē, quod abiectū est reducā, quod perierat querā. Quod concedisti mihi custodiā, & unus ex eis nō pereat. Sanctifica eos Domine, & ab omnibus inimicis, & aduersitatibus corporis & animæ custodi. Sic mihi obtēperent, sic me diligant, ut ego & verbis & exēplo illos precedēdo, & illi me sequēdo pariter curramus ad te verū animarum nostrarum Pastorē, qui nos in loco pascuæ pinguisimæ collocabis, ubi viuis & regnas DEVS, per omnia sacula seculorum, AMEN.







otheca 2 000,-
asium in Bielany

Depozyt w Bibliotece Jagiellońskiej



06224

F.1.35

1841
302
V. 11. 11. 11.

Stan przedmiotu		Wartość w wal. austr.	
dobry			
	średni		
	ły		


1641
362
V. Nicol.

Stan
przedmiotu
Wartość
w wal. austr.



53507 Bibliotheca 2000,-
P.P. Camaldulensium in Bielany

Depozyt w Bibliotece Jagiellońskiej



06224

F.1.35

